

年

第

1

卷

第

10

期

413

中華民國郵政局特准掛號認爲新聞紙類(每月一回)

孔教會雜誌

THE

CONFUCIAN ASSOCIATION

MONTHLY

Vol. I.

10th Moon, 2464

No. 10.



弘 道 門

Editor-in-chief: CHEN HUAN-CHANG, Ph.D. 章煥陳 輯編總

PUBLISHED BY THE CONFUCIAN ASSOCIATION

1798 HAINING ROAD, SHANGHAI, CHINA

Price : Single copy \$0.30. Annual subscription \$3.00. Postage extra

孔子二千四百六十四年十月
中華民國二年十一月

第一卷第十號

(每册大洋三角)

南京圖書館藏

孔 教 會 雜 誌

第一卷第十號目錄

圖畫 四配真像

論說 斥憲法起草委員會否決國教尊

孔論

孔教湘支會

請電京力爭孔教爲國教書

梁士賢

辨難篇

孫德謙

演教篇

孫乃淇

謁聖宜復再拜禮議

顧震福

尊孔當先尊經說

馮 愿

禮論

張爾田

與人論今日學制之失

錄亞細亞日報

學說 普通倫理學

狄 郁

大學發微

劉次源

專著 孝經學

曹元弼

箴虞第七

沈 修

歷史 孔教通史

黎養正

傳記 癸丑曲阜謁聖述畧

常贊春

叢錄 通信 廣南海 沈子培 周仲元

陳澹然

請定孔教爲國教呈文

陳澹然

京師商務總會上大總統公呈

孔教會四川支會請願書

公電彙誌

文苑 覆袁大總統電文

康有爲

湖南孔教會致湘督書

王湘綺

本會紀事



復聖顏子神位

述聖子思子神位

南京圖書館藏



論 說

斥憲法起草委員會否決國教尊孔論

孔教湘支會

兩間無不教之人。環球無無教之國。國教尊孔。此今日救亡要務。人類知之。憲法起草委員高明。何忽以否決聞也。莊子云。哀莫大於心死。而身死次之。夫我中國人心。爲皮毛新學浸淫。泛濫死將半矣。其中超出者。如祥麟威鳳。皆由先有孔學根柢。而年長勢孤。不數十年將盡。至不入新學者。抱殘守缺。顛苦百狀。絕無勢力。處此潮流。後生小子。其誰信仰。則不數十年。又將盡。徒有空名虛懸。靡著偏重。漸移不圖。挽救則五千年國粹。勢不至凌夷漸滅。不止於是。內爭不已。外患乘之。驅使斃割。國同教滅。尊孔云乎哉。國粹亡。人心死。決教決教。實所以拯全國身命於危險也。是故財政匱乏不足。憂兵氣浮囂不足。憂政事紛擾不足。憂邊圉震驚不足。憂亂黨覬覦。以違外交荆棘均不足。憂而惟此。關係人心生死之國教。竟爲憲法起草委員會所

論說

斥憲法起草委員會否決國教尊孔論



否決可爲痛哭。蓋孔爲國教於閉關時代不妨不定。大通時代則萬不可不定。同人俯仰不知所爲。含酸抱苦。不得已細察其故。默揣其倫。論而出之。以希感悟。倘不終致否決。則真吾國再生慶也。薄聞所及。計不贊同國教尊孔者。約分三派。一狂惑派。一浮薄派。一迂畏派。期期不可。但愧學疎識淺。未能摘發透關。負我同胞耳。

奚言乎狂惑派也。其人多屬新學。了無根柢。敢爲警說。管窺蠡測。其流有三。一圖亂者。流孔務。致治嚴。誅亂賊。以納民於軌物之中。若國教尊之。則人將知是非而明禮義。彼圖亂者將欲誘之而不能。而其目的終不能達。仰見憲法取決最爲刺心。然又不敢顯言也。乃謬援孔子尊君一節以爲不適。民國而詬之。言在此而意在彼。其意可懼。而其言則不可存。夫孔子所處何如時也。紛爭之局。萬民塗炭。不有以一之禍。將無已。孔爲時中之聖。初志實行。康濟斷無有故意違時。徒爲高論。使眼前民族陷於苛虐。而不顧者。也是故尊君一節。乃孔子因時救世之苦衷。今逮共和。正孔子平階級伸民權之素志。正大光明。豈得藉口。一科學者。流科學偏執一門。鑽之研之。普通尙屬皮毛。奚由知廣大精深之孔教。據其偏見。自作聰明。欲以一隅例及萬理。就其私論。不特孔子。

卽凡諸教舉不謂然以爲愚民也不知形上謂道形下謂器器不可少道更不可少其間雖有虛實之分而虛之妙用較實則大况孔教統道德政治教育藝術哲學種種鮮不該乎吁吾生也有涯而知也無涯精粗有別何可自封譬之如樹科學各爲一枝尙非全體而以一枝解決全體豈不誤乎一志強者流其意非惡特所持理由謂國教尊孔恐流文弱嗟嗟此晚近之弊非孔教眞象也孔子大勇最重剛毅故其徒子路以勇聞冉求以兵顯曾子有千萬人之往子思有居武城之守泊乎孟子尙能以剛直養氣上接薪傳嗣是以來尊孔之儒誰非深固不搖獨立不懼者乎况戒委靡習射御勤勤懇懇純重實行可證殊繁何文弱也倘使前世注重根本善於提倡則富強矣何致貧困僅能尊以虛文全憑利祿號召故效不顯著其眞漸淪非孔咎也然而至今無賢愚無老幼無男女非中新毒者隱然尙留節義廉恥之菱詎非深入無形者耶維此三流狂惑有間而無識則同頗惜其人未嘗遠取六經近擇正學平心靜氣而識孔教之眞也向令識之吾知爽然自失斷不敢爲放言矣夫孔不能知奚由論教無怪乎利欲薰心抱其悍想一用於世祇知割人肥己而已矣

論說 斥憲法起草委員會否決國教尊孔論

四

奚言乎。浮薄派也。其人多出舊學。僅能誦讀。不注事實。一知半解。厥有二類。一則心高氣傲。謂孔子道大超乎一切。不當列入宗教。而隘之噫。泥虛聲。忘實際。誇誕積習。殊非識時豪傑之所望矣。夫孔子無可無不可。所以能冠諸教。彼恐隘之者。抑知今爲何如時乎。異教爭鳴。恆藉滅國。則非復海禁未開。不立國教。無往非孔之時也。新舊交鬭。民不知歸。又非復君主專制。朝旨所在。人自趨向之時也。狂流所極。甚至有廢孔祀。攻孔學之明言。中多奉他教者。其初小學校不讀經矣。中高以上。僅虛設矣。民無冀幸。高閣置之。偶或稱述。目爲頑固。夫遺經獨抱。不求聞達。船山二曲。能有幾人。名利不存。自然吐棄師資。永絕典籍。漸淪儼若。餼羊不廢之廢。前修泯泯。後顧茫茫。及今不定。異時思求孔教。吾恐將從東西洋覓之矣。真可痛也。雖不爲國教。於孔子無所損。定爲國教於孔子。無所加。獨無如人心淪喪。國將隨之。然則尊以虛聲。尊以實際。一國應否有教。定教應否。孔子心乎。世道者固當有辨。一則尋章摘句。甘作腐儒。身家之外。都不注意。反嗤侃侃爭國教者爲多事。是本無評論價值。特爲人齒冷。不可不先自攻之。夫吾儕處世。倘有學無教。則芸芸擾擾。四萬萬衆。愚多智少。生計日艱。而惟聽其各事。所事。

而不以教化之則德義無聞詐愚互起藩籬一裂彼腐儒者克自保乎夫歐美各邦苦爭國教非積團體實所以維持政治之安寧希望人生之幸福也法律能範人之身而不能範人之心威刑能懾人於顯而不能懾人於隱此義易曉何乃不思况今爲民國不可放棄國基未奠都有關繫乎斯二類者自矛盾虛生孔教諡曰浮薄無益於時能藉國教驅之或不終成棄物躊躇四顧曷禁喟然

奚言乎迂畏派也其人多居立法統攬全局雖有所礙殊未能權所謂當斷不斷終受其亂者也側聞否決之故不出四端一謂中國非宗教國令人迂駭試問漢以來歷代所尊者何教也非孔乎黜百家崇孔子天下立廟學校致禮取士非此不進全國父詔兄勉二千餘年事實如是非明明宗教國乎不過時當君主又無教爭無須憲法宣布耳若膠柱鼓瑟必中國先有掛牌國教則專制何以易共和也豈非怪事一謂孔子非宗教家夫孔子生平以教爲心三千七十之徒轍環各國人盡知也豈謂不倫乎後世宗之下逮婦孺山陬海澨莫不尊親今東西國人且稱仰而薰化之宗教家孰大於是一謂國教尊孔與信教自由之憲法相抵觸嘻吾不知歐美各邦國教自國教

自由。自由。自由。何以並不慮抵觸也。孔教會請願書乃未覩乎。况孔教素無仇他教事。亦不必藉傳教爲發達。但求自保。並不強施。同生域中。聽人自化。夫安得障礙他教。啓爭端也。近有舉英法等國教之爭。害將議取消。以幸我國。不立國教者。此隔膜之論也。人地時勢各有不同。彼歐美教爭要點。蓋多在特立教皇教主。以首領權勢力求推廣。故歷年來。鮮良現象。今吾國不立教皇教主。但以孔子爲宗。注意學校。安有此弊。又首領不以權力求其推廣於他教。一任自然。又安得有此弊。國內關繫外人。不悉無足怪。何生息中華。攬此危時局者。亦夢夢也。一謂五族共和。若國教尊孔。則蒙藏等族。素奉喇嘛回教者。恐啓疑貳之心。此最有見爲事實。上一大問題。而固不必慮也。蓋政府撫綏各族。全在政治能力。設政治能力不能駕馭。而服其心。雖棄孔從彼。固亦無濟。果能駕馭。又聽各從所教。毫不干涉。並行何疑。何貳。况共和憲法。以大多數取決。夫惟尊孔人數。國內非占六之五乎。可調查也。孔教最宜治世。喇嘛回教。久能同化。自是美望。否則大公無我。何礙於天地之間。而生阻力也。彼土於猶太。英於印度。均有國教。何以猶太教。波羅門。至今尙存蒙藏之心。可以悟而安矣。至蒙藏參政學校諸問題。通融

辦。理。不。戾。其。俗。以。誠。相。見。皆。有。人。心。而。政。治。能。力。又。足。以。濟。之。當。不。致。困。難。矣。總。之。國。教。尊。孔。不。另。立。教。皇。教。主。而。首。領。權。力。又。不。歐。人。入。教。如。此。決。定。明。白。宣。佈。非。但。國。內。各。教。無。所。用。其。疑。貳。即。國。外。各。教。亦。無。所。用。其。隱。憂。也。一。隅。全。局。近。患。遠。謨。事。理。一。衡。顧。慮。斯。泯。則。有。解。決。權。者。奚。必。瞻。循。避。退。不。敢。挺。身。啓。口。以。成。此。舉。國。冀。幸。最。重。最。大。之。美。舉。而。爲。大。道。之。衛。百。世。之。安。哉。

綜。上。三。派。或。陷。於。無。知。或。昧。於。因。時。或。失。權。乎。緩。急。輕。重。內。外。上。下。其。人。雖。夥。而。不。贊。同。國。教。尊。孔。之。心。則。一。然。否。決。之。權。操。諸。憲。法。起。草。委。員。會。今。事。中。止。將。聽。之。乎。抑。不。聽。之。乎。同。人。悲。感。無。聊。惟。有。五。體。投。地。掬。血。哀。告。於

憲。法。起。草。委。員。及。國。會。諸。公。敬。訊。諸。公。職。非。全。國。代。表。乎。今。日。之。決。將。代。表。全。國。之。生。抑。代。表。全。國。之。死。也。如。決。全。國。之。死。予。固。無。言。若。決。全。國。之。生。則。請。以。深。入。人。心。邁。乎。各。教。之。孔。子。迅。再。提。議。定。爲。國。教。以。存。公。共。國。粹。於。一。線。

孔教湘支會會員張鴻藻芹蓀起草

謝霖著 銀行簿記實踐 出版

是書不重理論專尚實用舉凡銀行應用帳簿傳票表式莫不詳為羅列設例說明以資參考誠銀行業家及教授或研究銀行簿記者所必備之書也書分三册第一册理解第二册傳票第三册帳簿全部定價銀二元八角批發從廉外埠購者可將書價匯寄總發行所當即將書寄奉不誤

北京前門內兵部窪中街第二十七號

總發行所 銀行簿記實踐總發行所

北京 天津 上海 奉天 廣東

發售處

文 明 書 局
各 處 大 書 局

北京西長安街

中 央 商 學 會

請電京力爭孔教爲國教書 高要梁士賢 子瑜

孔教爲中國數千年來固有之國教。凡中國之人固無不同。認故中國歷來政治道德人心風俗皆以孔教爲轉移。爲依歸。是孔教者不獨爲中國數千年來之國粹。亦教化之所從出也。則定孔教爲國教。無論政體若何製造。國體若何變更。而孔教之爲國教實爲千古不易。或者曰。中國向來皆無國教者也。孔子述而不作。信而好古。祖述堯舜。憲章文武。固不自創一教。亦無以孔教爲名。如定孔教爲國教。則堯舜禹湯文武亦皆當奉之爲教主矣。何必孔子答之曰。是不然。中國未有孔子之前。向來政教合一。以君兼師。其君卽教主也。自孔子垂世立教。因設爲四科。分爲四教。而孔教乃莊嚴璀璨。以立於中華數千年來國土之上。是離君而以師立教。自孔子始。夫堯舜禹湯文武皆孔子以前之聖人也。然孔子以前之聖人。舜禹則揖讓。湯武則征誅。所遇各有不同。或爲生知。安行之聖。或爲學知。力行之聖。性質亦各不同。惟孔子以生安之聖。兼環游各國。周咨博訪。學無常師。故能集羣聖之大成。是堯舜禹湯文武各自一聖。而孔子乃兼數聖人以爲千古之大聖也。宰予謂孔子賢於堯舜。孟子亦謂孔子爲生民未有。是中國

有孔子而空前絕後矣。又何得謂中國無教。又何得有堯舜禹湯文武而孔子乃不足爲國教也。或又曰。現當民國成立。五族共和。若獨以孔教爲國教。則未免啓各教之爭也。答之曰。是不然。佛耶回各教未起之前。我中國已先有孔教。中國數千年皆以孔教爲國教。而佛耶回各教又何嘗不並行於其中。近者卽以前清而論。康雍乾嘉之際。皆崇奉孔教爲國教。立之國學。設之監師。各省亦徧立學宮。學官以司教務。全國皆須讀經。而是時由宮庭以至士庶。亦多有崇奉佛教及各教者。何嘗紛爭之有耶。又何嘗見五族有因教而分裂者耶。夫孔教之在中國。猶中華二字之名中國也。今五族共和。不聞有議中華二字爲偏重。有妨礙五族之聯合而獨疑孔教哉。或又曰。民國約法規定信教自由。今定孔教爲國教。是不能信教自由也。答之曰。是可無慮。規定國教與信教自由二者固並行不悖者也。考比時意大利普魯士丹麥土耳其各國憲法。皆明定國教而並許信教自由。何嘗因憲法規定國教而與信教自由有礙耶。

今中國一方面定孔教爲國教。卽一方面許信教自由。揆之各國成法。按之中國歷史。可謂至當不易而無有偏倚者矣。或又曰。定孔教爲國教。恐其有妨於政治之統一也。

答之曰。此更可無慮。中國孔教與外國基督教不同。中國向來政教合一。其奉行孔教並無有所謂教王與羅馬情勢迥別。蓋彼之言教以神道爲天下先。孔子之立教以人道爲萬世法。故孔子言天道必先舉人道。以明之所以數千年來中國文化爲環球萬國之先導。今爲中國之人而必欲唾棄孔子之教。是自認爲無教之國。無教之民矣。不亦厚誣中國之甚乎。且我孔子之教能崢嶸於大地之上者。以不言迷信不尙神權以惑人耳。故外國政教分離而中國乃能政教合一職此故也。至若以夫子之道忠恕而已。如定孔教爲國教。使有人不忠不恕。卽謂之違反憲法否乎。此則無價值之討論。可不必置辨者矣。嗟乎。吾觀耶氏之爲教也。其徒日引伸之擴張之。故其勢力膨脹至此。今我孔子爲國教。祖讀其書者宜如何發明而光大之。乃旣不能如是。己自爲孔教之罪人。果何心肝而欲於孔教妄肆排擊乎。夫孔子之道如日月經天。江河行地。毀譽似屬無傷。然自孔子而後。異教並起。賴孟子闢楊墨。漢董仲舒。唐韓愈。宋程頤。朱熹之徒。互相衛道。力拒支言。而孔教乃光榮尊重。留存至今。今日孔教存亡繼絕之秋。人心將死未死之際。鄙人竊爲憂之。吾願中國之人念孔聖人能弘道之言。思前賢力挽狂瀾。

論說 請電京力爭孔教為國教書
之。苦。急。起。直。追。力。請。定。孔。教。為。國。教。無。使。為。外。教。之。人。所。竊。笑。焉。則。幸。矣。

軍學研究社軍學雜誌特別廣告

本社雜誌以培養軍人道德促進軍人智識為宗旨月出兩期合裝一冊其總目例分圖畫論誌學說戰史譯述調查時論雜俎樂詞文苑法令問題等其細目繁多不能備載發行以來夙為社會所歡迎每期印刷陸仟餘份猶不敷發售初出數期業已再版足徵社會歡迎每期議論新穎材料豐富至紙張潔白印刷精良尤其餘事惟訂閱甚多購者從速

售價 全年拾貳冊大洋貳元郵費肆角 半年陸冊大洋乙元郵費貳角 零售每冊大洋貳角郵費叁分 歐美各國郵費加倍

總發行所 北京外城三里河軍學研究社雜誌經理處
分售處 京內外各軍事機關各派報處及各大書莊

北京軍學研究社雜誌經理處謹啟 電話南局四九六號

軍學研究社緊要廣告
軍學雜誌第十五六期業已出版

總發行所 北京軍學研究社雜誌經理處啟

電話南局四百九十六號

辨難篇

元和孫德謙 益葦

自本會請願參衆兩院。以孔教定爲國教。嗣後各省電致議員。莫不表其同意。以促通過。是可見孔教之爲國教。天下人心所公認矣。乃憲法起草會。竟從而否決焉。此誠事之至可駭異。大拂民情者也。準之近日之所聞。其違背孔教。以否決爲然者。無論矣。亦有尙知尊孔。而不以請定國教爲是者。其人則實繁有徒。或曰。今爲民主國。不宜有孔教。何必列入憲法。或曰。孔教與天地俱存。非一二否決者所可廢。亦非一二力爭者所可興。夫國無分君。主民主一。言以蔽之。則在不可無教。旣不可無教。則生乎中國之人。奉我孔子之教。必矣。若謂孔教之興廢。非由人力所能爲。此其言則亦未得。何也。孔子有言曰。人能宏道。非道宏人。可知道之隆污。存乎其人耳。今已國教。否決如或者。言將明知孔教之必不亡。遂忍而與之終。古乎竊恐任其否決。吾人設或默爾而息。天下皆疑孔教不用於世。自此而毀之滅之。不特蕩檢踰範。無所忌憚。亡國夷種禍卽隨之矣。故明定國教。雖經否決。其勢有不得不爭者也。雖然。此皆尊孔之士也。以尊孔之士而不知國教之定否。有絕大關係。所謂知其一。未知其二也。顧彼雖能言之。未嘗見之文。

字猶若無害於事。近又有作爲文字用以相難者。其中所抒議論固亦以尊孔爲主持。之有故而言之成理實則近於廢教之所爲。爰爲條列而明辨之。

難者曰。諸君子慨人心不古。世道陵夷。力爭定孔教爲國教。訂入憲法。以期挽回末俗。補救頽風。毅力熱心。誠足欽佩。然孔子乃道學家。非宗教家。

辨曰。近世人心之不古。世道之陵夷。有識者無不憂之。不但本會同人。有慨於是在作者。當亦有深慨焉。本會之請定國教。是正爲世道人心計。爲世道人心計。而思以挽回之。補救之者。舍孔教而猶有他術乎。則以國教訂入憲法。所以望末俗頽風不至敗壞。而不可收拾者。其道在是矣。作者於本會之毅力熱心。誠不能不有以贊美之。亦既以贊美之。則當斥否決者。爲非相與以觀其成不應。又助其醜而揚其波也。斷之曰。孔子乃道學家。非宗教家。然則作者特認孔子非宗教。遂以爲國教。不必定乎。夫孔子之爲宗教。固於雜誌中。已大書特書。不一書矣。吾更爲之說曰。宗教者。直是宗仰其教而已。如一姓之子孫。奉其祖父以立宗法。云爾。此尤可罕譬而喻者也。太史公曰。孔子布衣。傳十餘世。學者宗之。夫以十餘世之後。人皆宗事孔子。則宗教也者。就後學言之。如是。

而孔子猶非宗教乎。况自漢以降。定孔教爲一尊。建立廟堂。示人宗仰者。有二千四百餘年之久乎。不特此也。孔子嘗言曰。明王不興。天下其孰能宗予。則孔子亦自知吾之立教當爲天下所宗矣。由是以觀孔子而非宗教。其誰信之。且道學一傳。始於宋史。蓋以宋儒之專治性理。故別於儒林也。今視孔子爲道學家。則其小我孔子也。實甚。

難者曰。孔子之道。日月經天。江河行地。所謂孝弟忠信。禮義廉恥。如飲食衣服。爲人倫一日不可無之事。非一教所私。亦非一國所私。凡圓顛方趾。跛行喙息於人間者。非斯道無以爲人。是以歷數千年來。未嘗別之爲教。

辨曰。孝弟忠信。禮義廉恥。此八者。爲人倫之不可或無。非斯則無以爲人。其說誠是矣。蓋人生天地間。苟不孝不弟。不忠不信。無禮無義。無廉無恥。是實非人類也。作者殆深知孔子爲人倫之至。而其道果如日月之經天。江河之行地矣。乃謂歷數千年來。未嘗別之爲教。豈真孔子僅僅一道學家。而不得爲宗教乎。論語云。子以四教。文行忠信。又云。有教無類。則孔子之教在諸弟子。編錄言行。明明稱爲教矣。且中庸曰。率性之謂道。修道之謂教。蓋言道者。人所共由。孔子修明之。乃謂之教也。試卽孝弟忠信。禮義廉恥。

而論。苟不詔人。以若何爲孝。弟若何爲忠。信若何爲禮。義若何爲廉。恥。但曰孔子之道。其要如是。人必恍兮。惚兮。無所依據矣。故孔子纂修六經。以垂教於後世者。使之知所法則也。昔者韓昌黎之言曰。道與德爲虛位。仁與義爲定名。吾則謂道者。虛位。教者。定名。未有可以孔子爲非教者也。抑聞之齊書云。人尋孔教。家誦儒書。史記索隱云。孔子者。教化之主。又何嘗不以孔子之道別之爲教哉。雖然。推作者之意。謂道與教不必分別。猶之可也。其言非一教所私。亦非一國所私。則又索解而不能得矣。將謂爲人之道。吾孔教不當私爲己有乎。抑謂立爲國教。遂若示人以私乎。夫興一教也。固有別立宗旨。出於祕密者。是可謂之私。若孔教之大本會之請定國教。作者許其爲挽回末俗。補救頹風者。而有一毫私意存於其間耶。然而中國今日。苟不正名爲孔教。明定爲國教。積而久之。既不讀經。將孝弟忠信禮義廉恥。人所不可須臾離者。無一人而知之矣。豈不可危哉。豈不可危哉。

難者曰。所謂儒教云者。亦佛氏老氏異己之言。不過欲強抑孔子。使與釋伽牟尼太上老君等諸教主。列於同等。以自尊其教耳。非定論也。中華向尊孔子。固不待言。卽近今

東西各國亦創尊孔之說者。皆其哲學之士。尋繹我國學庸論孟諸書。心悅誠服。而尙誤於儒教二字。故一若於各教外別樹一幟。殊不知自有人類以來。早在此範圍之中。特未嘗明言之耳。故於孔字下安一教字不妥。孔教定爲國教更不妥。

辨曰。孔子之教。固高出於儒家之上。觀漢書藝文志。首列六藝。略以尊孔子之經。而於諸子傳說。則別入之。儒家其意可見。然班固之論儒家也。曰宗師仲尼。以重其言。是儒教云者。由於宗師孔子。遂成爲儒教耳。荀子者。戰國大師。故有儒效篇。禮記者。漢時所錄。故有儒行篇。此豈爲佛老諸教強抑孔子自尊其教所致哉。蓋諸教皆後起者也。見於論語者。則子謂子夏曰。女爲君子儒。無爲小人儒。見於孟子者。則有夷子曰。儒者之道。誠以天生孔子爲萬世師。統在周之時。學者信奉其教。已有儒之目矣。今必謂佛老諸教之貶抑吾恐爲彼教者亦不樂承受也。何也。各教雖與吾教異趨。初未有抑我孔子之心也。近今東西各國創尊孔之說。讀學庸論孟諸書而心悅誠服。此正見孔子之教有大一統之基。所謂聲名洋溢乎中國。施及蠻貊是也。至於儒教二字。彼既誤以爲別樹一幟。則就其尊孔之意。直稱之爲孔教可矣。中國本以孔教立國。前此之標爲儒。

教固無不可。然其中言訓詁者。談性道者。能文章者。無不託之於儒。甚者顯分門戶。互相攻擊。則不如別白爲孔教。質言之。無容文言之也。本會以孔教爲名。不同世之隱約其詞者。其崇實黜虛。在是安有孔子。下安一教字。不妥。孔教定爲國教。更不妥哉。夫孔子不得爲教。孔教不得定爲國教。猶以爲中國向尊孔子。是其心。但欲使中國爲無教之國而已矣。

難者曰。夫所謂宗教云者。如佛氏之釋教。不茹葷。不飲酒。不婚不嫁。懺善悔過。求證佛果。老氏之道教。虛無寂滅。煉形養生。祈晴禱雨。求爲飛仙。東西各國崇信之。基督耶穌。天主各教。其勸人爲善。有墨氏兼愛之旨。皆別乎中庸之爲德。而抱一定不易之宗旨。是以謂之教也。人倫明於上。小民親於下。就個人言。爲立身之本。就國家言。爲治世之法。合上下千古東西萬國之宗教家。無一能出其範圍。於是而列之爲教。尊孔乎。藐孔矣。

辨曰。以孔教在個人。爲立身之本。以孔教在國家。爲治世之法。我孔子之教。所以統教育政治。而一以貫之者也。作者謂合古今中外。凡一切宗教。無能出其範圍。其尊孔亦

可謂至矣。顧既知尊孔矣，而以列之爲教，遽目爲褻孔，然則孔子非中國之教主乎？明是中國之教主，必欲別之於各教之外，而不與並列，斯真褻視孔教矣。夫至褻視孔教，則立身之本無以存，治世之法無以則，率天下之人而甘爲無教之民者，必自此言始。乃轉以列之爲教者，詆爲褻孔甚矣。其謬也。或者曰：佛道諸教抱有一定之宗旨，故名之爲宗教，孔子之教無所不包，作者蓋以是而尊孔也。然各教皆可信，仰自由，昧者不知，遂以孔教爲不足尊矣。於是屏孔子之書，罷孔子之祀，至近世而屢有所聞矣。表而出之曰：孔教見我中國，自有孔教在也。且孔教獨無一定宗旨乎？尸子曰：孔子貴公，呂氏春秋曰：孔子貴仁，則公與仁者，卽孔教之宗旨也。作者以孝弟忠信禮義廉恥爲人倫之不可一日無，此孝弟忠信禮義廉恥，非尤孔教宗旨所在乎？是故一教之立，必有其宗旨，乃可以傳世而行。遠佛教有佛教之宗旨，道教有道教之宗旨，基督諸教則有基督諸教之宗旨，獨能謂孔教無宗旨，遂不得爲宗教也哉。况時至今日，孔教當絕續之交，使不定爲國教，因其否決，又隨聲附和之曰：孔教本無宗旨，則是助紂爲虐，其罪大惡極，心術更不可問矣。當臨時約法之許人信教自由也，蓋爲服從他教者而言。

孰知中國舊有之孔教。竟不難以數人之私意而否決之。如作者之志。在尊孔。方當嘆息恨痛之不置。乃姑夸大其辭。曰宗教家無一出其範圍。謂如是則世之昌明。孔教者可以關其口而悅其心。至其隱謀祕計。則以爲孔非宗教。自無訂定國教之理矣。春秋誅心責賢者。獨備作者又何能逃哉。

難者曰。中國之弊。在蹈虛而不踐實。佛老以福善禍淫爲宗旨。與基督耶穌天主相同。其實皆補國法之不逮。泰西各國奉行宗教。虛實兼到。以禍福勸人爲善。使凜冽不敢犯虛也。如學堂醫院工廠使之習於爲善。實也。中國奉行佛老。迷於天堂地獄之說。而不求實際。致爲人所詬病矣。孝弟忠信禮義廉恥者。人生之布帛粟菽也。卽統佛老諸教。皆在範圍不過曲成不遺之中。今指而名之曰國教。又曰仍可聽人民信教自由。於約法並無違背云云。然則既定爲國教之後。仍可聽人民自由。有不信孔教者。國法不得而禁之。於是放乎孝弟忠信禮義廉恥之外。而爲禽獸矣。

辨曰。中國之人。蹈虛而不踐實。其弊誠有之。作者據各國之奉行宗教。以禍福勸人爲善。以學堂醫院工廠之使人習善。謂其虛實兼到。又援中國之奉行佛老。迷惑於天堂

地獄之說。痛惡其不求實際。是蓋懼孔教復興。或仍不知實力奉行也。然孝弟忠信禮義廉恥。固人生之布帛粟菽。伊古以來。敦孝弟。言忠信。行禮義。尙廉恥。其實事求是。昭著史冊者。不可勝數。凡此皆實行孔教之成效大驗也。且一國之中。所以必有宗教者。皆足補國法之不逮。亦豈佛老諸教已哉。我中國尊崇孔教。人知謹守繩墨。而不敢爲犯分作亂之事。正以救國法之窮也。故歷代開國之初。非不頒示國法。而必先祠祀孔子者。均知夫徒法之可以畏民。不若善教之入民心深也。或者曰。孔教之裨益國法。是則然矣。今必載之憲法。定爲國教。此何爲哉。答之曰。孔教之爲國教。我中國固有之事。夫亦何足怪。今者各教林立。加以約法之內。但聽人信教自由。於是異說橫恣。人皆樂其便己也。父子不相親愛。男女不妨苟合。機械變詐。胥天下而出。於盜賊之行。所謂孝弟忠信禮義廉恥者。幾於掃地俱盡。如是而尙足以立國乎。本會之請定國教。恐挽回末俗。補救頹風。其勢有所不足。思藉憲法之明文。以保我孔教。作中流之砥柱也。雖然不欲違背約法。而仍使人自由信教者。何也。孔子曰。與其進也不保其往也。孟子亦曰。往者不追。來者不拒。蓋孔子之教。大公無我。使既定國教之後。人之信從佛老各教者。

而不許其自由。何以見孔教之範圍。不過曲成不遺哉。然而自由云者。第對信別教者言之。非一切任其自由也。作者疑不信孔教。放乎孝弟忠信禮義廉恥之外。至於行同禽獸。國法亦不得而禁。則豈請定國教之本旨哉。况不信孔教而苟行同禽獸。此其人必爲別教所不容。將不待國法而嚴懲之矣。非然者不信孔教。則信別教。何至一入別教而遂爲禽獸乎。作者之誤解自由。并以污彼佛老諸教。亦不思之甚矣。

難者曰。孔子之道。天經地義。有生同具。非孔子所獨有。舍此卽淪於禽獸。萬無聽人自由之理。爲此說者。目睹教化不行。倫常墮廢。定爲國教。誠救世之苦心。然此則可無慮也。道德不修。法律卽爲保障。淪於禽獸。斧鉞加之已。

辨曰。本會之請定國教。而仍聽人信教自由也。蓋以約法已定。不可更易。未入他教者。固可入我孔教。如已入他教者。則亦聽之而已矣。初非欲規定國教以後。禁人自由。令人之必從孔教也。作者曰。舍此卽淪於禽獸。萬無聽人自由之理。如其說。似國教一定。有信別教者。皆當出而阻止之矣。若是則教爭旣起。且亦非孔子寬則得衆之義也。至謂孔教以外。聽人自由。必至淪於禽獸。然則作者亦知國教之當定。所患者。祇在信教。

自由乎。不知佛老諸教。以福善禍淫爲宗旨。作者前既稱之矣。烏有舍我天經地義之孔教。以各教爲宗。仰卽逸居無教。近於禽獸哉。雖然。近今教化不行。倫常隳廢。本會目睹世變。以孔教定爲國教。具有救世苦心。作者其知之耶。抑未知之耶。果其知之。則當曰。今日救世之策。誠無有踰於訂定國教者。奈之何。歸重法律。而謂道德不修。法律卽爲保障哉。夫人之生也。同具良知。然非習聞乎孔子之教。使陶鎔沉浸於其中。豈復識有道德。至於道德不修。專恃法律爲之保障。自來用法嚴明。莫如暴秦之世。何以傳至二世。而其國爲人所滅。乎。是法律不足憑也。傳有之。民不畏死。奈何以死懼之。觀於近數年來人之爭奪相殺。猶且幸逃法網。斧鉞不得加諸其身。則何如。闡明孔教。奉爲立國之本。急急焉以定國教爲先務。庶幾有治安之望乎。教之不存。而惟以法治。後此之亂象。將有加而無已也。尙得曰。此可無慮哉。

嗚呼。可與樂成而不可與圖始者。此中國自古相沿之積習也。然苟作一事。也有利害之可言。有是非之可言。固不能不鄭重將之。至孔教之爲國教。名正言順。乃亦如老子所言。民之從事。常於幾成而敗之。不亦可長歎哉。雖然。否決此議者。自是忘本逐末之

流。或。且。別。有。用。意。不。謂。引。申。其。說。者。反。出。於。尊。孔。之。士。則。誠。莊。生。所。謂。大。惑。不。解。矣。卽。如。作。者。標。明。孝。弟。忠。信。禮。義。廉。恥。以。恢。宏。孔。子。之。道。不。欲。稱。爲。宗。教。使。篤。乎。佛。老。諸。教。之。上。豈。不。陳。義。甚。高。者。然。觀。其。以。孔。教。定。爲。國。教。謂。更。不。妥。則。是。陽。託。尊。孔。之。名。陰。具。廢。教。之。實。也。且。本。會。請。願。之。書。發。行。者。已。非。旦。夕。不。於。未。經。否。決。之。先。進。以。抗。議。及。至。否。決。後。則。莫。不。振。振。有。辭。是。蓋。喜。乘。人。於。厄。而。知。下。石。之。較。易。耳。或。曰。孔。子。爲。倫。理。學。基。礎。今。者。已。行。表。決。矣。又。何。庸。曉。曉。置。辨。乎。曰。學。校。之。中。科。目。繁。多。修。身。者。止。其。一。科。且。復。不。甚。注。意。如。是。而。行。孔。教。則。在。無。足。輕。重。之。列。矣。况。國。教。之。不。定。使。成。於。尊。孔。之。徒。其。事。尤。堪。驚。怪。何。則。蚩。蚩。者。衆。縱。使。肆。力。詆。排。人。未。必。信。之。一。入。於。尊。孔。者。之。口。牽。合。附。會。可。以。惑。人。之。觀。聽。故。其。陰。賊。險。狠。爲。害。更。大。也。孟。子。曰。予。豈。好。辨。予。不。得。已。荀。子。曰。有。爭。氣。者。勿。與。辨。世。之。以。國。教。而。著。爲。言。論。以。相。抵。拒。者。多。矣。吾。亦。何。必。一。一。與。之。辨。所。以。不。能。已。於。言。者。蓋。懼。廢。教。者。藉。詞。尊。孔。而。此。案。之。無。從。修。正。也。特。借。此。以。辨。詰。之。有。志。保。存。聖。教。者。其。亦。可。以。覽。觀。焉。

演教篇

日本

東京支會

會員孫乃湛

孔教之在今日。其於世道人心。固大有關係哉。夫孔聖之道。民無能名。昔者子思則曰。凡有血氣者。莫不尊親。故曰配天。孟子則曰。乃所願則學孔子也。達巷黨人則曰。大哉孔子。博學而無所成名。宰我則曰。以予觀於夫子。賢於堯舜遠矣。子貢則曰。生民以來。未有夫子也。其尊崇孔子如此。吾誠不敢爲一言之贊也。雖然。孔聖者。大教主也。孔教者。最文明。最高尙之教也。此則不敢不言者也。

夫吾儕之列祖列宗。有一言一行。不奉孔教爲準則者乎。書之五教。禮之七教。易之神道。設教無一非孔教之精神。所謂明則禮樂幽則鬼神。其範圍之廣。實無所不包。吾儕之列祖列宗。皆終身由之。而不自察者也。是故孔聖之爲教主。孔教之爲教實。爲二千年數百年之實事矣。乃今者荒謬不經之人。離經畔道。妄作短長。謂孔教非教。孔聖非教主。下愚之人。聞而惑焉。在若輩。知識淺陋。初不知何者爲教。何者爲孔教。何者爲世界之文明。何者爲民族之特性。本可置之不論。獨吾顧念孔門已立。立人已達。達人之義。義不敢默。非好辯也。

我國之所謂教者。在日本爲宗教。在英國爲釐里。在法國爲羅釐洋。在拉丁爲來里喬。生人之初。各有其教。亦各有其言語。故人種千百。教亦千百。立名雖異。而實義則同。形式雖異。而精神則同。遞演雖異。而起源則同。細目雖異。而大綱則同。就我國教字與外國教字之義。相考證。則雖昏誕者。亦當曉然於孔教之爲教。而孔聖之爲教主矣。

日本宗教二字。係取吾國之教字。加一宗字而成。無須研究。英國之里釐近。Religion。出於法國之羅釐洋。Religion。法國之羅釐洋。出於拉丁之來里喬。Religio。故英法兩國之字義。亦無須研究。今日所欲論者。我國之教字。究竟與拉丁之來里喬。有無異義。雖然。拉丁之來里喬。Religio。乃由來里奇來。Religere。及來里傑來。Religare。二字轉成者。來里奇來。含齋禱之義。亦即含神人相通之義。而我國教字之解說。莫明於中庸。天命之謂性。率性之謂道。修道之謂教。一語。猶言上帝所命。與生俱生者。謂之性。書曰。惟皇降衷。厥有恆性。詩云。天生蒸民。有物有則。此之謂也。且言率性而行者。謂之道。孟子曰。道若大路。然人病不求。又曰。舍正路而弗由。此之謂也。但性相近。習相遠。故天命之性。往往爲習俗所移。致人行之道。不軌于正。是以修道尙焉。修道者。修正人之云。爲

思慮以納於率性之道而合于天命之性也。此義與來里喬母字來里傑來 *Religare* 意義全然相同。何也。來里喬來有膠接連合之義。即修道復性之謂。觀英字原釋 *Bind* *alieu or back* 豈非修道復性之義乎。故從字義上解釋孔教之謂教無可疑也。

然西哲下教之定義不一其說。故僅從字義上論之。猶未足爲備也。必也綜合西哲之所以詮釋教者比較而論究之。然後證諸孔教之精神。始恍然于孔教之謂教實爲千古不刊之公理也。近見庸言報張君東蓀標舉諸家之說甚詳。茲更爲述其略焉。

康德謂宗教以認識義務爲神之命全。

泰洛謂宗教爲對於精神上靈物之信仰。

斯賓塞謂宗教爲先天的宇宙觀。

赫胥黎謂宗教爲道德理想之宗仰。且欲此理想之賓行者。

卜德謂宗教爲人類對於宇宙表示其終極之態度。

穆勒謂宗教爲服從身外之物之感情。

海甫定謂宗教爲感情慾求恐懼希望真覺與想像之精神狀態。

乾母斯謂宗教爲獨立之個人之感情行爲經驗。且以此使其自身與所謂神者有關係者也。

綜各家學說而論。其大要不過謂教有四端。一曰神。二曰信仰。三曰道德。四曰文化。歐美學者之所謂神。並非僅指 God 凡超自然物。Supernatural being 玄妙物。

Sublimial thing 身外物。Someeing from without 高權力。Higher power 等心理。

上之精神現像。無不包括。是與孔教之言天。言上帝。言鬼神。如出一轍。詩云。小心翼翼。昭事上帝。又云上帝臨汝。無貳爾心。祭義曰。合鬼與神。教之主也。中庸曰。鬼神之爲德。其盛矣乎。諸如此類。不勝枚舉。皆爲孔教言神之明證。孟子距楊墨。漢武罷百家。昌黎排佛老。此外以昌明孔教。聞於後世者。不可一二數。斯又爲孔教有信仰之明證。至於孔教之有道德與文化。又人人所知矣。則證諸各家之學說。孔教之爲教。又無可疑也。夫孔教之爲教。旣昭然若此矣。則孔聖之謂教主。尙何疑乎。尙何疑乎。

考人羣進化之跡。不外過羣鬼教。進爲多神教。從多神教。進爲一神教。更於神道設教。之。神道教。進爲人道主義之人道教。神道教。重迷信。人道教。重倫理。孔子刪詩。存板蕩。

諸篇暢言上帝然孔聖不甚言天道與鬼神可以知孔子上則祖述神道設教之神道教以承既往下則提倡人道主義之人道教以開來茲由是而論則吾儕生于孔子降生後二千四百年科學昌明迷信破除之日與夫人道主義日益發達之日論孔佛耶回各教之得失當知所適從矣此吾所敢言孔聖爲大教主孔教爲最高尙最文明之教也。

抑教與國家之關係甚鉅也夷考一種民族當未有政治法律以前業已有教故教在政法之前而初生之民無所謂政法也如分別言之則考諸羣學圖騰社會雖僅知飲食男女而已有祭祀稽諸我國典籍則禮運曰夫禮之初始諸飲食洪範食貨之後卽繼之曰食則教在政先可徵之中外之典章至於法律必根據數千百年之習慣信條彙集而成然習慣信條爲教之產物無教固無所謂習慣信條也故法律亦後於教總兩者而論之則教者道德之基礎也何則人類之所以不背道德者不外二因一曰信仰二曰敬畏有此兩者而後道德始有所託命否則雖執途人而聒以道德無濟也故道德成於信仰與敬畏然欲鞏固二者非教之力不爲功然則教且爲道德之本矣孔

子曰。道之以政。齊之以刑。民免而無恥。今我國已變專制爲共和。政策政見日騰於耳。鼓法律條規日進於嚴密。斯可謂道之以政。齊之以刑矣。假無道德爲之基。則奸僞萌起。上下相遁。法律愈嚴密。奸徒之弊愈深。法高一丈。弊高一丈。將率天下而爲行險徼倖之徒。斯乃民免無恥之景象也。假以禮樂爲刑政之本。則法律縱寬而干紀作亂者自少。讓畔之風刑措之事亦可庶幾。斯乃有恥且格之景象也。故有爲國家圖萬年有道之基者。可不於其國之教加之意乎。

史家來勞夫曰。凡民族善發揮其特質則強。否則弱。甚則亡。又曰。日本初維新時一意模楷西洋識者戚戚慮其不國。後乃悔悟大發揮其本有之特性。而國亦日長而我國特性一本於孔教。而孔教之盛衰興廢吾人猶漠然視之。是何心哉。昔蒙古慄悍善於戰鬪。一旦入主中國習爲柔弱迨紐解鼎遷無復故墟之可依。日本人治台灣專用同化主義。土耳其本一強大之國。其後國性分散。新舊教派衝突。新舊習慣衝突。新舊道德衝突。而土耳其遂寢寢微滅矣。德國專探大德意志主義擴張自己民族特性而凌鏢他族國勢。遂蒸蒸日上矣。由是觀之一國特性之存亡。卽一國之存亡也。吾國特性

一本於孔教而孔教之盛衰興廢猶可漠然視之乎是何心與法蘭西大革命之初正承天主教之腐敗暴民不復信教毀聖壇拜優伶流血數十年禍變之酷可稱極矣吾人能不懼耶自清季尊孔之心漸衰而弊政害端遂一一表見政治腐敗之極不免革命革命以後蝸蟻沸羹益不可問此蓋有所自也

竊謂今日國人稍留意孔子之道禍患必可少舒報館中人以文字相謾罵此亦一是非彼亦一是非皆不宗孔教之害也漢黃禹吾先言之矣曰微孔子則羣學無所折衷何至演此怪劇耶現今暴徒最多國會之中竟有打架毆人之事此亦不宗孔教之害也詩曰謹慎儀惟民之則論語曰血氣方剛戒之在鬪非議員之良箴乎中國大患在不能統一都督不能令州縣中央亦不能令都督亦不宗孔教之害也董子曰春秋大一統者天地之常經古今之通義也使在位者明乎此亦不致桀鰲不馴不甘服從也昔賈誼有言秦人有子家富子壯則出分家貧子壯則出贅假父穰鋤有德色母取箕帚立而諄語抱哺其子與公並倨婦姑不相悅則反脣而相譏而秦人卒後十三年而亡國今中國駸駸有此現象焉亦不宗孔教之害也論語有云父不父子不子雖有

粟。焉。得。而。食。之。其。亦。可。痛。也。矣。總。而。言。之。如。上。所。述。其。一。當。知。孔。教。為。最。高。尚。最。文。明。之。教。孔。聖。為。世。界。之。大。教。主。其。二。當。知。國。家。必。當。有。教。其。三。當。知。孔。教。對。於。吾。國。之。重。要。其。四。當。知。不。宗。孔。教。之。弊。僕。雖。不。敏。敢。揭。此。四。者。以。告。奉。教。之。君。子。嗚。呼。孔。教。之。在。今。日。於。世。道。人。心。固。大。有。關。係。哉。

鐵路協會雜誌廣告

本會發刊雜誌月出一期每期八千冊內容力求完美材料益加豐富實為空前唯一之大雜誌至圖畫鮮明紙張精潔尤其餘事所定售價極廉祇收印刷工本以副愛讀諸君之盛意現按月二十日發行凡我同志盍快先觀零售每冊三角

發行所 北京西長安街 中華全國鐵路協會本部事務所

電話南局一千一百三十號

代售處

北京琉璃廠
上海棋盤街

商務印書館各省鐵路局

謁聖宜復再拜禮議

山陽顧震福 竹侯

自唐虞以迄。晚近禮儀之因革。損益不知凡幾。惟跪拜之禮。相沿弗替。非以是為美觀也。我國歷古相傳。皆即跪拜以示誠敬。朝野通用。肅肅雍雍。無論時局如何變遷。政體如何改革。獨此下拜之禮。若一成而不可易。豈非以禮從其朔。有其舉之。莫敢廢哉。粵稽堯舜。官天下之世也。其時禹拜稽首。垂拜稽首。益拜稽首。皋陶拜手。稽首。至禹既受禪。尚拜昌言足徵。跪拜為禮。上下通行。君答臣拜見經本無損於共和。豈涉嫌於專制。即或因時制宜。勢難沿襲。社會交際。略示變通。至釋奠先師祀典。至重我愛其禮。何忍弁髦。况我國國教。素奉宣尼。吾教信徒。禮宜崇拜。此膝不為他人屈。猶可說也。若以先師孔子之聖而獨不脣長。踞請教焉。是亦妄人也。已矣。泰東西各國社會交際。折腰握手。雖由習俗相沿。然釋迦耶回各教徒。對於教主。頂禮膜拜。跪禱禮拜者。萬國攸同。亦百世不改何也。教規中之禮制。然也。時局有變。遷政體有改革。惟此教規中之禮制。必墨守而罔敢廢墜。稍或違犯。眾共棄之。嗚乎。此釋迦耶回各教所以能自樹一幟。薪盡火傳。歟。孔教謁聖典禮自古為昭矣。若上丁釋奠。禮月令仲春之月上丁命樂正習舞釋菜高誘呂覽注曰上旬丁日馬嘯

論說 謁聖宜復再拜禮議

論說 謁聖宜復再拜禮議

孟丁曰用丁爲文明故也隨書隋制國子寺每歲四月仲月朔望行香通典北齊文宣帝時

祠冢史記魯世相傳以禮儀雖有繁簡其以跪拜叩首表示其悅服則同信仰既任

自由卽儀注亦豈容干涉謹守奉行吾黨之責彼悠悠之口何足以亂我教規哉

今天下談士之說嘗聞之矣其言曰鞠躬之禮見於魯論孔子固屢行之以孔子所行

之禮禮孔子庸何傷而不知有大謬不然者鄉黨篇鞠躬如也凡三見孔注以爲斂身

朱子集注本之遂謂鞠躬曲身也此望文生訓不通聲音訓詁之過豈本義哉躬鞠果

是曲身直稱鞠躬可也曲身而曰鞠躬如無此文法卽謂是形容詞亦當云躬鞠如也

方與色勃如也足躩如也句法相合今日鞠躬如與本篇他句不類知其說之誤一也

玉藻凡形容惕惕鄭注惕惕疾直貌也又疾趨則欲發而手足毋移鄭注疾趨謂直行

也毋移欲其直且正入門升堂皆重形容宜直且正魯七命堂高七尺階不過七級拾

級聚足連步而上本無事乎曲身升階則齊必曳地自不得不攝齊與曲身亦無涉知

其說之誤二也執圭鞠躬如也此執國君之器法當平衡手與心平其身必直曲身則

畏然集解引徐廣曰。躬躬謹敬貌也。見三蒼音窮。窮廣韻。躬謹敬之貌。躬躬亦鞠躬也。包咸注。鄉黨篇曰。敬慎之至。似亦據鞠躬爲訓。賈昌朝羣經音辨。鞠躬容謹也。宋人猶知其義。然則鞠躬如也。與踧踖如也。句法正同。烏得強解爲曲身哉。論語之鞠躬非曲身。彼執曲身爲孔子所行之禮者。其亦可以爽然失矣。

或又曰。今之鞠躬卽古之磬折。亦謂之偃僂。玉藻立容辨卑無調。鄭注辨讀爲貶。謂磬折也。曲禮立則磬折垂佩。孔疏。臣身宜僂。折如磬之背。左氏傳。正考父鼎銘。一命而僂。再命而僂。三命而俯。年昭七傳孔子仰承家教。故立容偃僂。恆如磬背。曲折之形。賈子容經。子贛謁孔子。孔子正顏舉杖。磬折而立。尤其左驗。孔子優禮弟子。旣偃僂。如磬折。後學之敬禮孔子。亦曲身如磬折。又何傷。不知古人磬折。僅行之於立容。或未拜之先。旣拜之後。作以示敬。未聞敬其所尊。僅以身折如磬。卽畢其禮者。孝經緯。孔子作春秋。制孝經。旣成。使七十二弟子向北辰。磬折而立。孔子則齊戒。簪纓。筆衣絳。單衣。仍向北辰。而拜。乃告備於天。可見敬天事神。觀禮者。雖不妨以磬折示敬。而齊明盛服。以承祭祀之主人。固非拜不足以爲禮也。且據禮立容。磬折。謂凡正立。或侍立時。身恆折如磬形。不

直其躬。始終如一。烏有所謂一鞠躬。兩鞠躬。三鞠躬。哉。世俗之鞠躬。不過舊傳之折腰耳。陶淵明曰。吾不能爲五斗米折腰。拳拳事鄉里小人。李太白曰。安能摧眉折腰事權貴。以自好之士。所不屑爲者。而以對我先師孔子。苟簡褻慢不敬。莫大乎是。我夫子其享之乎。

然則謁聖典禮。宜仍行三跪九叩首歟。是又不然。清世祖順治九年。秋九月。幸學釋奠。行三獻兩跪六叩頭禮。聖祖康熙二十三年。秋九月。東巡岱宗。遂幸江南。冬十一月。還幸闕里。己卯。親釋奠孔子。時禮官議儀注。兩跪六拜。如釋奠太學儀。奉旨尊禮先師。應行三跪九叩頭禮。自是遂著爲令。遵行至今。是三跪九叩始自康熙。本非舊制。周禮太祝九拜。一曰稽首。二曰頓首。三曰空首。四曰振動。五曰吉拜。六曰凶拜。七曰奇拜。八曰褒拜。九曰肅拜。此分別叩拜態度之不同。非謂叩拜至於九次。至九頓首。見左氏傳。四定年申包胥立秦庭而哭。勺飲不入口。七日。秦哀公爲之賦。無衣。九頓首而坐。杜注。無衣三章。章三頓首。每頓首必三。此亡國之餘情。至迫切。與韓之戰。秦獲晉侯。晉大夫三拜稽首相同。古惟再拜說詳後何可通用耶。孔子問人於他邦。再拜而送之。子思對於繆公使者。

北面稽首再拜。孟子曰：以君命將之，再拜稽首，足見平禮古惟。一拜人臣於君，始行再拜敬君，使敬問人之使，亦行再拜已屬禮之至重。四拜且無何論九叩禮不宜簡，煩數亦非僕僕亟拜奚取焉。

謹案漢高祖十二年過魯，以太牢祠孔子，是為致祭孔子之始。自是累代帝王或幸闕里，或詣太學謁聖，巨典史不絕書。雖或云奉祠，或云釋奠禮儀，何似語焉不詳。然猶可考見大略為自來謁聖所遵行者，則再拜是也。後漢章帝幸魯祠孔子，帝西面再拜。

孔子廟堂議

以再拜謁聖見傳記者，此其權輿。及周太祖幸曲阜親祠孔子，再拜。從臣言天

子不當拜，異代陪臣。帝曰：夫子聖人也，百王取則安得不拜。至墓復拜。宋仁宗天聖二年，帝幸太學謁孔子，有司言舊儀止肅揖。帝特再拜。慶歷四年再幸太學謁孔子，仍再拜。哲宗元祐六年，帝幸太學親釋奠一獻，再拜。徽宗崇寧三年，帝幸太學謁孔子，再拜。行酌獻禮。宣和四年，又幸太學奠謁如崇寧儀。高宗紹興十四年，帝幸太學止輦大成殿外，升東階，跪上香，執爵三祭酒，再拜。金熙宗皇統元年，帝親祭孔子廟，北面再拜。章宗明昌四年，帝親釋奠先期諭宣徽院曰：明日親釋奠，有司議肅揖，朕以宣聖萬世帝

王之師。可備拜。朕將拜焉。釋奠。日北面再拜。明太祖洪武十五年。作文廟成。帝將視學。釋菜。議者曰。孔子雖聖人。臣也。禮宜一奠再拜。朕以為孔子明道德。以教後世。豈可以職位論哉。卒定議。帝詣先師位前。再拜。獻爵。後又再拜。成祖永樂四年。帝將孔子服太

行釋袍再拜上以太簡服皮弁四拜禮變更舊制自此始以君主時代。帝王之尊。而謁聖行再拜禮。相因不改。如此至歷朝。州縣學校。遵守成規。再拜禮儀。諒無歧異。朱子滄洲精舍釋菜儀。贊者一人。離位稍前。再拜。訖。進立於主人之右。西向曰。再拜在位者。皆再拜。又贊引。獻官升。焚香。再拜。降。又贊引。獻官詣先聖前。跪奠爵於籩之間。俛伏。興。少立。祝東向。跪讀祝。訖。興。復位。獻官再拜。又分奠。訖。復位在位者。皆再拜。是又地方學校釋奠再拜之例。然則以再拜禮至聖為我孔教相傳之教規。當此聖教重光。聿崇祀典。規復舊制。烏可緩哉。

再拜之禮如何。九拜中之褒拜是也。太祝七曰。奇拜。八曰。褒拜。鄭大夫云。奇拜謂一拜也。褒讀為報。報拜再拜也。玄謂。褒拜拜神與尸。賈疏。特性禮。祝酌奠于鉶。南主人再拜。祝在左。此再拜於神也。又曰。九拜之中。稽首頓首。空首。肅拜。是正拜。餘五者。逐事生名。還依四者。正拜為之。稽首拜中最重。是古再拜之拜。仍依稽首頓首空首肅拜之禮。分

論說 謁聖宜復再拜禮議

別行之拜以稽首爲重故尊君師禮神祇行再拜禮恆用稽首自孟子所稱外若左傳重耳敢再拜稽首八年傳公羊傳趙盾逡巡北面再拜稽首宣六年傳穆天子傳再拜稽首

注云古稽字衆經音義八稽古文稽同皆再拜宜用稽首之證說文拜手至地也手本作首桂氏曰首當爲手增韻拜手至地若

首至地是謂首矣重文從兩公羊何注并云稽首頭至地賈公彥說首頓地即舉名頓首頭稽留至地多時則爲稽

首然則手與首同時至地少作稽留乃徐徐同起謂之拜稽首重行之爲再拜稽首謁

聖典禮贊者當高唱曰跪拜稽首再拜稽首與其庶乎復謁聖之舊禮歟抑聞之唐李

涪兩漢刊誤曰郊天祭地止於再拜其禮至重尙不可加可見古者祭天亦僅再拜稽

首至唐猶然今議以孔子配天則郊天祀聖同行再拜尤合古禮是又吾黨所當宣言

者矣

者矣

尊孔當先尊經說

廣東馮 愿 侗 若

侗若自惟學問淺薄。不足以發揚聖教。雖然竊聞之矣。孔子之道。如日月經天。江河行地。無古今。無中外。無貴賤。賢不肖。莫不知有孔子。亦莫不範圍於孔教。毀之者固無傷於日月譽之者亦無益於泰山。然而吾儕終日張皇尊孔。則又何故。孟子生當戰國。日舉堯舜禹湯文武周孔。以號於衆。彼其時學士大夫。寧不知有堯舜禹湯文武周孔。其人毋亦慮蒼蒼者蔽於浮雲。明明者障於塵埃耳。今日世衰道微。邪說暴行。恍惚當戰國時代。世無孟子。何以闢邪說。正人心。龍都督揭示教育宗旨。所舉平等自由大同歐化諸弊端。皆與孔子之教背道而馳。前者教育司鍾榮光。以耶教徒司教育。極力排詆。幾使經生爲囚隸。學生爲優伶。鄙人。不畏疆禦。一再在教育會詰難。卒未能爲非種之勦。今幸蠹賊已去。聖道復明。尊孔之聲。達於閭巷。然鄙人有一言竊願爲諸先生敬告者。尊孔在教化。不在儀文。教化在經書。不在言論。今日而言尊孔當先尊經。否則經書已廢。教化不脩。棄禮滅義。敦倫喪紀。國且爲墟。何有於教孔子在天之靈。其受此無謂之尊崇耶。譬彼子弟尊養父兄。但於誕辰令節致敬。盡禮而庭闈訓誨。聽若藐藐。父兄

之心樂乎否乎尊孔而廢經何以異是夫無經書則無教化其理相因其害並至今試

為諸先生誦六月之詩曰鹿鳴廢則和樂缺矣四牡廢則君臣缺矣君臣之詞非天子

矣天子魯君猶在也周皇皇者華廢則忠信缺矣常棣廢則兄弟缺矣伐木廢則朋友缺

矣天保廢則福祿缺矣采芣廢則征伐缺矣出車廢則功力缺矣杖杜廢則師衆缺矣

魚麗廢則法度缺矣南陔廢則孝友缺矣白華廢則廉恥缺矣華黍廢則蓄積缺矣由

庚廢則陰陽失其道理矣南有嘉魚廢則賢者不安下不得其所矣崇邱廢則萬物不

遂矣南山有臺廢則為國之基隊矣由儀廢則萬物失其道理矣蓼蕭廢則恩澤乖矣

湛露廢則萬離國矣彤弓廢則諸夏衰矣菁菁者莪廢則無禮儀矣小雅盡廢則四夷

交侵中國微矣又試為諸先生誦經解終篇曰昏姻之禮廢則夫婦之道苦而淫辟之

罪多矣鄉飲酒之禮廢則長幼之秩失而爭鬪之獄繁矣喪祭之禮廢則臣子之恩薄

而倍死忘生者衆矣聘覲之禮廢則君臣之位失諸侯之行惡而倍畔侵陵之敗起矣

嗟乎廢詩禮之教者其禍害至於如此今日平等自由大同歐化諸弊端未始非廢經

有以致之也記曰以舊禮為無所用而去之者必有亂患旨哉斯言甚願言尊孔者無廢經書也

禮論

錢塘張爾田 孟幼

張奮上疏曰。聖人所美政道至要。本在禮樂。五經同歸。而禮樂之用尤急。若是乎。聖人之急言禮也。雖然。三王不相襲禮。五帝不相沿樂。禮也者。因民而作。追俗爲制者也。意者古禮不宜於今之世乎。曰。否。治禮者貴其義而已。知其義則不泥其儀節矣。夫禮由人起。人生有欲。欲而不得。則不能無忿。忿而無度量。則爭爭則亂。先王惡其亂也。爲之緣人情而制禮。依人性而作儀。至孔子修而定之。豈徒取先王已陳之芻狗。使人偃偃焉。冥行而已哉。蓋將因其禮以明其理。因其儀以示其義耳。班固章元成傳贊曰。禮家不求義之過耳。禮文雖缺。豈有古今之儀節而然則禮之義何自始乎。曰。禮人道之極也。始於天。與人相爭。終於人。與天相濟。人之所得乎天者。性情也。性情有七。喜怒哀樂愛惡欲。七者天下之大本。有中和之德焉。聖人知位天地而育萬物者。非此莫由也。於是乎順而導之。指惻隱之心。謂之仁。充類至仁之盡而仁不可勝用矣。羞惡之心。謂之義。充類至義之盡而義不可勝用矣。恭敬之心。謂之禮。充類至禮之盡而禮不可勝用矣。是非之心。謂之智。充類至智之盡而智不可勝用矣。

及乎人人始有仁義禮智之可言故仁義禮智以四者爲端孟子曰凡有四端於我者知皆擴而充之矣若火之始然泉之始達苟能充之足以保四海苟不充之不足以事父母後儒求仁義禮智於四端而不仁義禮智之性根於心而其原則命於天所謂生之謂性也人無不愛其生而有與生相緣者曰飲食男女有與生相反者曰死亡貧苦飲食男女人之大欲存焉死亡貧苦人之大惡存焉大欲起大惡積好惡無節於內知誘於外不能反躬天理滅矣於是有悖逆詐僞之心有淫泆作亂之事強者脅弱衆者暴寡疾病不養老幼孤獨不得其所仁義禮智五常之性至此全漓則大亂之道也聖人知其然也爲之制禮以節之飲食不讓則必爭於是制爲進食之禮左殺右截食居人之左羹居人之右膾炙處外醯醬處內葱溲處末酒漿處右主人興辭於客然後客坐主人延客祭三飯然後辯殺所以教讓也制爲飲酒之禮主人親速賓及介三揖至階三讓以賓升賓酬主人主人酬介介酬衆賓修爵無算所以明貴賤辨隆殺和樂而不流弟長而無遺安燕而不亂也飲食之禮既飭由是而推之使我始飲食者誰歟天歟地歟祖父歟則不見之矣於是制爲祭祀之禮燔柴於泰壇祭天也瘞埋於泰折祭地也埋少牢於泰昭祭時也郊之祭也君牽牲穆答君太廟之內君親制祭夫人薦盎

君親割牲。夫人薦酒。洞洞乎其敬也。屬屬乎其忠也。勿勿乎其欲其饗之也。則取飲食報本反始之道也。以此坊民。民然後無敢以飲食作亂者矣。謹徵諸記曰：尊讓絜敬也。者君子之所以相接也。君子尊讓則不爭，絜敬則不慢，不慢不爭則遠於鬪，辨矣。不鬪辨則無暴亂之禍矣。斯君子所以免於人禍也。男女相悅者天也。男女瀆則陰陽亂矣。聖人於是制爲昏姻之禮。納采問名，納吉納徵，請期，主人筵几於廟，敬慎重正昏禮也。父親醮子而命之迎，男先於女也。共牢而食，合卺而醕，合體同尊卑以親之也。敬慎重正而後親之禮之大體，所以成男女之別而立夫婦之義也。制爲相見之禮，男女非有行媒不相知名，非受幣不交，不親所以遠嫌也。制爲助祭之禮，君純冕立於阼，夫人副禕立於東房，士執芻，宗婦執盎，從君執鸞刀，羞濟，夫人薦豆，此之謂夫婦親之所以序人倫承先祖也。君子之道造耑乎夫婦，以此坊民，民然後無敢以男女興戎者矣。謹徵諸記曰：昏禮者萬世之始也。取於異姓所以附遠厚別也。男女有別然後父子親，父子親然後義生，義生然後禮作，禮作然後萬物安，無別無義禽獸之道也。聖人之節民欲如此故曰禮者節民心者也。

班書禮樂志曰人函天地陰陽之氣有喜怒哀樂之情稟其性而不能節也聖人能爲之節而不能絕也故象天地

而制禮樂所以通神明立人倫正性情節萬事者也蓋禮樂之爲制一張一弛歸之於中聖人用以坊民之好惡而非絕民之好惡以絕好惡爲禮樂矯枉過正而節之義矣。雖然民之欲節矣而有必不得免於天者則死亡貧苦是矣。聖人於是又制爲養生送死之禮。農田百畝。上農夫食九人。下農夫食五人。庶人在官者其祿以是爲差。所以均貧富也。五十養於鄉。六十養於國。七十養於學。所以敬高年也。及其死也。喪三日而殯。凡附於身者必誠必信。三月而葬。凡附於棺者必誠必信。飯於牖。下小斂於戶。內大斂於阼。殯於客位。袒於庭。葬於墓。所以卽遠也。以此坊民。然後無敢以死亡貧苦變節者矣。謹徵諸記曰。大道之行也。使老有所終。壯有所用。幼有所長。矜寡孤獨廢疾者皆有所養。是故謀閉而不興。盜竊亂賊而不作。再徵諸記曰。人死斯惡之矣。無能也斯倍之矣。是故制絞衾設萋。娶爲使人勿惡也。由是觀之。禮也者非以極口腹耳目之欲也將以教民。平好惡而反人道之正也。欲平好惡而反人道之正。舍禮何以哉。此聖人之所以急言禮也。然則聖人之禮制其大成矣乎。曰未也。凡禮始於脫。成於文。終於隆。聖人之於禮也不徑而致也。故同一祭禮也。而天子七廟。諸侯五廟。大夫三廟。異等焉。同一喪禮也。而天子八翣。諸侯六翣。大夫四翣。殊制焉。所以定尊卑也。同一祭獻之數。

也。而分爲一獻。熟三獻。爛焉。同一喪服之等也。而別爲男子免。婦人壘焉。所以辨同異也。而且禮行於疏遠也。則爲之贄。見之禮以聯之。禮行於尊親也。則爲之聘。覲之禮以導之。爲之冠禮。所以責成人之道也。爲之射禮。所以觀興賢之效也。君臣朝廷尊卑貴賤之序。下及黎庶車輿衣服宮室飲食嫁娶喪祭之分。事有宜。適物有節。文故曰禮也。者猶體也。體不備。君子謂之不成。人設之不當。猶不備也。又曰禮者養也。君子旣得其養。又好其辨也。所謂辨者。貴賤有等。長少有差。貧富輕重皆有稱也。夫如是始可以盡人之性。能盡人之性。始可以贊天地之化育。可以贊天地之化育。始可與天地參矣。其在記曰。大道之行也。天下爲公。選賢與能。講信修睦。故人不獨親其親。不獨子其子。天不愛其道。地不愛其寶。人不愛其情。天降膏露。地出醴泉。鳳凰麒麟皆在郊。椒龜龍在宮。沼其餘。鳥獸之卵胎皆可俯而闕也。其在詩曰。維天之命。於穆不已。於乎不顯。文王之德之純。其在易曰。時乘六龍以御天。天且弗違。而况於人乎。况於鬼神乎。其在書曰。天工人其代之。天秩有禮。自我五禮五庸哉。政事懋哉。懋哉。言大聖人制禮作樂。治定而功成也。是之謂人與天相濟。天也者。人道之所以成。始而成終也。道家之言曰。人法

地。地。法。天。子。思。贊。孔。子。曰。大。哉。聖。人。之。道。洋。洋。乎。發。育。萬。物。峻。極。於。天。又。曰。天。之。所。覆。地。之。所。載。凡。有。血。氣。者。莫。不。尊。親。故。曰。配。天。皆。人。與。天。相。濟。之。義。也。能。知。人。與。天。相。濟。之。義。則。孔。子。定。禮。以。制。法。後。王。者。一。以。貫。之。矣。豈。必。效。會。禮。之。家。名。爲。聚。訟。哉。

催 收 報 費

本社定例凡定閱雜誌者費須先惠叨蒙閱報諸公照例繳款實深感謝惟亦間有函定而未交款者本部以其聲明費即續繳不誤且爲有心孔教之人勉爲通融惟本社資本短少而支用浩繁萬望未繳費諸君立由郵局將報資郵費匯來俾資周轉否則報固停寄且追欠款想諸君亦知本部不得已之苦衷也 孔教會雜誌社發行部謹啟

與人論今日學制之失

錄亞細亞日報

頃在報端見公與某公論教育書痛抉今日學風之弊深中窾要傾服無已願僕以爲公所論教育之義法則無以過矣至於挽瀾箴錮之術惜未有以發明之且公所與言者乃學堂之教員而公所引者乃聚徒講學之例又竊慮其鑿柄而不相入也晚清設學堂至今日已二十年矣其所成就出而任事者大都由從前私塾半塗改學者多若純粹由小學層累而上者蓋尙未之見此等人材誠如公言爲革命教育偉人教育所濡染致肇俶擾全國之禍然以其曾受舊教育猶識中國文字故能讀海上書賈之譯本能誦新聞紙其高者尙能作宣言書能抄章程能充記者是則革命教育偉人教育之養成實賴有舊教育爲之基礎自今以往人人皆由學堂出身將更進而爲盜賊教育奴隸教育矣蓋今者法令禁設私塾而學堂不許讀經雖設國文一科教者學者均以爲贅旒僕家有兩侄從事學堂蓋四五年試以國文不能爲兩三句之聯屬語因而擇一極有聲譽之學堂其校長號爲吾湘之教育家俾往肄業一學期旣畢檢其課本則作國文三課耳蒙教習點竄者僅一課耳此一例也又某小學國文教員略通經史

擇學生中稍聰穎者於課餘授以經及古文爲視學員所值知報告主者置諸最劣等并扣發補助金長沙報紙錄爲新聞萬流譁笑以爲怪物此又一例也馴此以往不三十年並吾世而生之學究湮滅垂盡學堂人材代興紹其放縱卑劣之薪傳不作賊則爲人奴耳求如今日之所謂偉人者又安可得乎公殆以爲今日之學堂猶能造就人材故諄諄與公友之爲教習者論教育之方法僕則以爲由今日之學制雖起程朱陸王諸大師亦唯有望講席而卻步耳往者陽九之會庠序旣燬學絕道喪必有人焉抱遺經隱窮谷私相授受以一髮而繫千鈞之重者文武之道賴以不墜公旣深憂世變之大何不於根本之學制上痛加征伐詔當局者以改制救禍之道其或不然則何不勸公之友抱殘守闕直追薑齋羅山諸公之行事以存斯文於垂絕而乃亦徇流俗之見將學堂講師與名山壇席並爲一談得毋爲有識者所笑而重公友之感乎夫書院之制古矣名儒講學從游者衆遂建置齋舍以容之皆私塾也其他家絃戶誦出則從師遊入則事其父兄大都能循循規矩之內學風之善良非偶然今之子弟入學堂則羣聚爲亂視教習爲雇傭稍不遂意輒罷學相抗及其返乎家庭則鄙夷父兄以自由

相詰難強索財物供其揮霍至忍而不敢與校嗚呼公視其禍與洪水猛獸相去有間否耶僕恐卽有好古守經之士私居聚誦而羣惡少必指以爲違制侵學強捉將官裏去火其居燔其書而後己則僕與公所斷斷者徒爲多事也公將何以教之

按學堂爲養材之地培植中國之人才而不使之讀經是爲忘本至以教員於功課之餘授學生經及國文而爲視學員者必令置諸最劣等並扣發補助金可謂咄咄怪事又近今學校教習甚有較及時刻給以脩脯臨期不至則又須除算此實視若雇傭矣試思師道不尊莘莘學子尙能有成德達材之選耶讀此文不禁爲之三嘆也

北京教育部審定公布七百八十册

商務印書館發行

初等小學校	高等小學校	中學校	師範學校	女子學校	單級學校
-------	-------	-----	------	------	------

教科書

內容精審	宗旨純正	程度適當	印刷精工	定價低廉	種類繁多
------	------	------	------	------	------

無何項學校何時開學均有適用之書

尚有英文法	文德文日文	各種讀本文	法會話辭典	等書數百種
-------	-------	-------	-------	-------

各省圖書審查會採用一千四百八十一册

學說

普通倫理學

續第九號

溧陽狄

郁文子

全書以反性爲修爲之極致。故以無爲爲至善。曰所謂善者。靜而無爲也。不善者。躁而多欲也。適情辭餘。無所誘惑。循性葆真。而無變。故曰爲善易。越城郭。踰險塞。姦符節。盜管金。篡殺矯誣。非性也。故曰爲不善難。

考漢淮南王劉安。淮南厲王長之子也。長爲文帝弟。以驕蹇不法。召至長安。徙蜀道。長憤悲不食。死。帝分其地。封其四子。安爲淮南王。陰自撫循百姓。招致賓客。方術之士數千。嗣以與于七國亂謀。事敗而自殺。

淮南子者。安客蘇飛。李尙。左吳。田由。雷被。毛被。何被。晉昌等。及諸儒大山。小山。之徒。所合纂也。內書二十一篇。號曰鴻烈。亦曰劉安子。更有外書若干篇。又中篇八卷。言神仙黃白之術。均不傳。夫安之行蹟。去道遠矣。而是書頗多。見道語。當有隱淪。遭亂寄食。不以名顯。自溷于數千人中者之所爲耳。安使客著書。欲以立名譽。客藉安著書。亦冀以

開悟。安此足證。當時儒教倫理學說已流行于社會。已浸浸有吸收道家哲理。使歸同化之勢也。故採錄其精粹語。如右厥後揚子雲氏更擷取老莊之宇宙觀。以明人性中自具一小宇宙。則益渾融而切實矣。

揚子名雄。字子雲。成都人。少好學。博覽有深湛之思。性清淨而簡易。漢宣帝時官至黃門郎。王莽居攝。被召爲大夫。以天鳳七年卒。年七十一。雄嘗治文學。言語學。作詞賦及方言等書。晚乃覃精哲理。仿易傳著太玄。仿論語著法言。太玄究宇宙現象之原理。與其繼續變動之方。程屬于理論一方面。法言究道德政法之法。則屬于實際一方面。玄者雄之哲學也。雄以宇宙本體爲玄。卽老莊所謂道也。而其進論動作一方面。則本乎易之呈象變化。據爲法。則以推闡之。以定各現象。公動之方。程其意謂物之各部分均與全體有同一之性質。宇宙間發生人類。類之性必同于宇宙之性。宇宙本體爲太玄。人各爲一小玄體。其言曰。玄者幽攢萬物而不見形者也。資陶萬物而生。規攔神明而定。摹通古今以開類。指陰陽以發氣。一判一合。天地備矣。天日迴行。剛柔接矣。還復其所。始終定矣。一生一死。性命瑩矣。仰以觀象。俯以觀情。察性知命。原始見終。三儀

同科厚薄相劇圓者。枳隍方者。膏豸噓者。流體。噉者。凝形。蓋以玄之本體。雖虛靜。而其內含有實在動力。其動而不失律者。由消長二力。並存于本體。互保鈞衡。故本體不失其虛靜。而兩者之潛蓄力。亦常存而不息也。

雄謂人性各具一玄。玄之中有陰陽二動力。互相攝而定靜。性之中亦具善惡二分子。同等之強力。故曰天降生民。罔侗顛蒙。又曰人之性。善惡混。修其善則爲善人。修其惡則爲惡人氣也。者適于善惡之馬也。雄所謂氣。指一種衝動力之發于性者。非在性外也。

人性爲一小玄。觸于外感。則內發衝動力。而生善惡。所謂氣也。故人不可不善馭其氣。而修爲之功用。不容緩矣。雄書載或問。何如斯謂之人。曰取四重去四輕。何謂四重。曰重言。重行。重貌。重好。言重則有法。行重則有德。貌重則有威。好重則有歡。言輕招憂。行輕招辜。貌輕招辱。好輕招淫。又曰老子之言道德。吾有取焉。其槌提仁義。絕滅禮樂。吾無取焉。蓋雄於哲理一方面。頗融吸道家之思想。而于實踐一方面。則專依傍孔子之平近倫理學說。雖不免摹仿之誚。然于儒教同化之效。不爲無勞矣。

雄以人雖各有一小玄。而修爲之法。貴得師。得師則久而與之類化也。故曰勤學不若

求師。師者人之模範。曰螟蠕之子。瘡而遇蝶。蝶曰類我。類我久則肖之。速矣哉。七十子之似仲尼也。或問人可鑄與。曰孔子嘗鑄顏回矣。是皆教育中名言。抑亦見傾倒洙泗之至焉。

董揚而外。若劉向之說苑。新序。桓譚之新論。荀悅之申鑑。皆不愧爲儒家言。雖無甚創解。要足見表章六經。崇爲國教。而後社會中孜孜用力。明道行道。固大有人。而不僅從事于訓詁章句也。其能具闢新之思想。不屑雷同。說者厥惟王充。

王充字仲符。上虞人。師事班彪。家貧無書。遊洛陽市肆。閱所賣書。遂博通衆流百家之言。著論衡八十五篇。養性書十六篇。今惟傳論衡。

由今日而尙論漢儒。則知其學識進化之障礙有二物焉。一曰篤于迷信也。一曰過于尊古也。王充書中有變虛、異虛、感虛、福虛、禍虛、龍虛、禹虛、道虛等篇。于陰陽災異神仙荒誕之說。掙擊甚力。悉以經驗爲斷。今所謂經驗派之哲學家也。在當時破除迷信。功非淺顯。桓譚不讀讖。可謂英雄所見略同。其刺孟、非韓、問孔、諸篇。固無關於宏旨。然具有不阿古人之精神。學術進步之機端。由斯啓固非一味尊古者所可相誹也。充謂萬物生于自然。以駁天地生人之舊說。以爲凡有意識必有代表其意識之機關。而宇宙

無此機關。可知其無意識也。其言曰：天地者，非有爲者也。凡有爲者，有慾而表之。以口眼。今天者如雲霧。地者其體土也。故天地無口眼而亦無爲。又曰：凡所謂生之者，必有手足。今云：天地生之而天地無有手足之理。故天地萬物之生自然也。

充所謂自然。蓋指元氣言之。人物之生各稟有不同等之氣。因各成爲適當之形。形成于生初。卽畢生之運命。質性皆由此定矣。故曰：俱稟元氣。或爲禽獸。或獨爲人或貴或賤。或貧或富。非天稟施有左右也。人物受性有厚薄也。又曰：器形旣成。不可小大。人體已定。不可減增。用氣爲性。性成命定。體氣與形骸相抱。生死與期節相須。又曰：其命富者筋力自強。命貴之人才智自高。又引越句踐。長頸烏喙。范蠡知其可共憂患。不可共安樂。秦始皇隆準長耳鷹胸犀聲。人亦知其性殘酷少恩。以爲觀人骨相。則運命吉凶。質性美惡。有可知焉。

其言性也。綜前人之說。以爲孟子言性善。中人以上之性也。荀子言性惡。中人以下之性也。揚子言善惡混。中人性也。人性何以有中下。由稟氣多少厚薄也。稟氣尤厚尤多者。恬淡無爲。獨肖元氣。是爲至德之人。老子是也。由是遞薄遞少。以漸不肖元氣。蓋

以莊老無爲爲上德云。

王充特識在不信漢儒天人感應之說。蓋天人感應自有真理在。迄今猶未遽能發明。而漢儒專就淺且誕者立論辭而闢之。誠學識進步階級也。其言人之運命質性與骨相有關係。頗似近世惟物論以精神界之現像。悉推本于生理者。特充泥爲生定抹煞教育變化體質長養精神之功用。是其所短耳。

儒教之統一全國也。當兩漢時代已有極深固之根柢。極廣溥之範圍。雖少數之經生家持守講貫之功不容淹沒。實則由于多數民人循循于此。至中正和平之倫理中無能踰越。衡之而播爲習慣性。豎之而演爲遺傳性。以致此也。其後偶有反動時代。顯然以理論抗之者。其惟魏晉之清談乎。其時雖無成一家言者。而于倫理學界實爲特別之波動。考其原起。厥有數因。

一由于經學之反動也。漢儒治經既囿訓詁章句。復牽五行災異以附會人事。高明之士積久病其迂拘。於是束縛漸解。別求通脫之趣。

二由於不道德者之激成也。當時所設孝廉方正經明行修等科。選舉吏士什九實不

副名藉以弋取爵祿而儒家所崇拜之周公文王舜禹迭經曹馬輩之僞託憤激者因而懷疑於古史事實一例排斥之。

三由于民生之厭苦也外戚闖人親貴更迭用事方正之士多罹禍殃兵亂相尋賢愚尊卑幾有同歸于盡之勢故對于維持社會之舊學遂不免視若贅旒然。

四由于異學之參合也儒教詳于人事而略于宇宙觀哲士無以鑿心又值前三因之並萃一時思想家乃援老莊方外之旨以自娛波流日漸漫衍加以印度佛教輸入其穢棄現世超度彼岸之觀念有中於人心者而清談家之人生觀由斯以出。

清談家非截然舍儒以合于老佛也蓋割裂而雜糅之彼取道家無爲爲本于佛教僅取厭世思想於儒家則留其有命論與階級思想老佛二家之人類平等觀儒佛二家之利他主義均以爲不相容而去之以至克己積善苦行濟渡清淨功候均爲所去祇存苟生之惟我論而已。

近世學人以清談家之言行多與列子書中之楊朱篇相符合因謂列子書已失傳今所傳乃魏晉人僞託云雖近武斷足備一說試引如下。

一爲人生無常之觀念。楊朱篇曰：百年者壽之大齊，得百年者千不得一。設有其一，孩抱逮昏，老夜眠所弭，居半晝覺所遺，又幾半痛疾哀苦，亡失憂懼，又或居半十數年中，逍然自得，無介焉之慮者，幾何時？人之爲人，奚爲哉？奚樂哉？十年亦死，百年亦死，生爲堯舜，死則腐骨，生爲桀紂，死亦腐骨，一而已。此言人生至短，至弱，無足有爲也。阮籍之大人先生論，用意略同，曰：天地之永固，非世俗之所及；往者天在下，地在上，反覆顛倒，未之安固焉，能不失律度，天固地動，山陷川起，雲散震壞，六合失理，汝焉得擇地而行，趨步商羽，往者祥氣，爭存萬物，死慮支體不從，身爲泥土，根拔枝除，咸失其所，汝安得束身修行，磬折抱鼓，李牧有功，身死，伯宗忠而世絕，進而求利，以喪身，營爵賞則家滅，汝焉得金玉萬億，奉君上，全妻子哉？凡所云云，要以有命爲前提，以無爲爲結論。一爲從欲之主義。楊朱篇曰：大古之人，知生之暫來，死之暫去，故從心而不違，自然又曰：恣耳所欲聽，恣目所欲視，恣鼻所欲向，恣口所欲言，恣體所欲安，恣意所欲行，反是謂之闕聰，闕明，闕顛，闕智，闕適，闕往，諸闕廢虐之主，去廢虐之主，熙熙然以俟，死一日，一月，一年，十年，吾所謂養也，拘于廢虐之主，錄而不舍，戚戚以久，生雖百年，千年，萬

年非吾所謂養也。又設言子產有兄公孫朝好酒。弟公孫穆好色。沈溺不知他事。子產戒之。朝穆對曰。生難遇。死易及。而欲尊禮義以夸人。矯性情以招名。吾以此爲不若死。故欲盡一生之歡。窮當年之樂。惟患腹溢而口不得恣飲。力憊不得恣情於色。豈暇憂名聲之醜。性命之危哉。清談家如縱酒之阮籍。劉伶。畢卓。放達之王澄。謝鯤等。不以醉裸爲非。蓋本此。

一爲排斥聖哲之說。楊朱篇曰。天下之美歸之舜。禹。周。孔。惡歸之桀。紂。然而舜。天民之窮毒者也。禹。天民之憂苦者也。周公。天民之危懼者也。孔子。天民之遑遽者也。彼四聖。生無一日之歡。死有萬世之名。名固非實所取。稱之不知。賞之不知。與株塊奚異。桀。天民之逸蕩者也。紂。天民之放縱者也。此二凶。生有從欲之歡。死有愚暴之名。實固非名所與。毀之不知。稱之不知。與株塊奚以異。是卽嵇康。非湯。武。薄。周。孔。之說也。其一爲放棄道德之說。楊朱篇曰。忠不足以安君。適足以危身。義不足以利物。適足以害生。安上不由忠。而忠名滅。利物不由義。而義名絕。君臣皆安物而不兼利。古之道也。至於晉人。禮豈爲我輩設之語。特從而揚其波耳。乃猶有甚焉者。竟謂父之於子。論

其本意實爲情欲發子之於母亦復無親譬寄物瓶中出則離矣。此曹操奏孔融述融與然相傳爲路粹所虛構然使粹不噫其恣也可謂極矣其脫解繩墨之束縛也可謂暢生丁是時亦不能忽有此意識快無餘矣雖其學說未能成立勢力未能曾行不可謂非老氏末流佛氏新入與儒說戰而小勝之時代也乃吾儒在爾時初未嘗有人焉急起而爲放豚之追一聽其倦而來歸自然無所逃於天地此何也人類有生之實事實理終必趨於性所最適故也其間如傅玄之疏陳教化清議裴頠之崇有論王羲之之駁擊一死而齊彭殤以爲誕妄陶潛之枕蓆孔氏書時流露於著述歌詠以至北方久淪戎域子遺凋瘵尙有徐遵明李鉉輩篤守漢儒訓詁章句學迨隋龍門王通仿作六經又作中論欲以執中之詣調翕三教雖稍嫌夸廓要足代表社會思想凡此皆所謂人類必趨於性所最適之實事實理積久而異說自消具徵儒力之弘者也。

此曹操奏孔融述融與

大學發微

(續第九號)

永興劉次源 暨 備

第三篇 論正心之法在於脫離俗累以養成獨立之精神夫七情之中惟愛惡欲三者大半由於心之所自發而喜怒憂懼四者大半由於外感由於心之所自發者意主之聽其恣縱則妄矣故上篇所言皆愛惡欲之事而以毋自欺爲思誠之本由於外感者心主之被其震動則偏矣故此篇備言喜怒憂懼之事而以不動心爲立身之本此兩篇立論之大旨也

所謂修身在正其心者身有所忿懣則不得其正有所恐懼則不得其正有所好樂則不得其正有所憂患則不得其正

國民欲建大同之事業必先騰出心來使之無所繫累然後可以一意孤行以求達其目的苟爲境遇所束縛則任事之心分矣人之所以不能成大事業者大率皆累於境遇不能擺脫者也正心者心在腔子中間之謂也假如身之所處遇有忿怒之事而遂睚眦欲裂不可猝解則是心累於忿怒遂與俱去不在腔子中間不得謂之正心矣又或身之所處遇有恐懼之事而遂手足失措不知所爲遇有好樂之事而

遂流連荒亡。不知自返。遇有憂患之事。而遂憔悴悲傷。不克自振。則是心累於恐懼。累於好樂。累於憂患。無一時而在腔子中間。不得謂之正心矣。

心不在焉。視而不見。聽而不聞。食而不知其味。此謂修身在正其心。

心苟不在腔子中。則雖視焉而不見。其形聽焉而不聞。其聲食焉而不知其味之美。惡人於視聽。息且不能以自主。而况於擔當天下之事者乎。夫寂然不動。感而遂通天下之故者。謂之心。心有所繫。累他物來感。不知所以應之。則心之官曠而百體皆廢其職矣。此之謂修身在正其心也。上段由身說到心。此段又由心說到身。皆於內外交互處著筆。寥寥七十餘字。已將世人身累累心心累累身之通病。曲曲寫出。窮形盡相。言淺意深。讀之而有不激發志氣。昂首層霄。依舊逐逐營營。與雞鶩爭食者。殆非人類矣。

第四篇 論齊家之道。在於不私其子女。以養成大同之風俗。人生於社會之中。莫不有。家。之。樂。然。各。顧。其。家。而。不。顧。他。人。之。家。自。由。行。動。衝。突。之。處。必。多。爭。競。之。禍。斯。烈。故。必。尊。重。道。德。破。除。界。限。方。可。共。生。存。於。社。會。之。中。禮。運。所。謂。世。人。不。獨。親。其。親。不。

獨子其子也。人莫知其子之惡。莫知其苗之碩。正與此作一反比例。故舉以示戒。讀其書可以攷其旨矣。

所謂齊其家在脩其身者。人之其所親愛而辟焉。之其所賤惡而辟焉。之其所畏敬而辟焉。之其所哀矜而辟焉。之其所敖惰而辟焉。故好而知其惡。惡而知其美者。天下鮮矣。

置身於世界之中。其所與接爲構者。社會也。家不過社會之分子。未有脫離社會而可以爲家者。故此篇論齊家。專就社交言之。大同之世。民吾同胞。物吾同與。家人父子固所當親愛者也。卽社會同儕亦所當親愛者也。苟用情之際。未能一視同仁於其家人父子。則視爲骨肉也。而偏於親愛焉。於其社會同儕。則以爲疎遠也。而偏於賤惡焉。偏於畏敬焉。偏於哀矜焉。偏於敖惰焉。界限之見。橫於中。厚薄之情。見於外。則齟齬易生。世路從此多荆棘矣。故聖人一一指出。以喚醒天下。其曰好焉而知其惡。惡焉而知其美。天下鮮矣者。隱然見得此是天下之通病。其所以致慨於世道人心者深矣。

故諺有之曰。人莫知其子之惡。莫知其苗之碩。此謂身不脩。不可以齊其家。

凡人之畫疆自守。日處於跼天躅地之中者。皆其自私自利之一念害之也。諺俗之語有曰。人莫知其子之惡。莫知其苗之碩。人於己之子。愛之過甚。則子雖有惡。亦莫能知。而反謬信爲美。則於人之子。雖美。亦將以爲惡。而憎之矣。人於己之苗。望之過賒。則苗雖已碩。亦莫能知。而猶謬疑爲惡。則於人之苗。雖惡。亦將以爲美。而忌之矣。己憎人。則人亦憎己。己忌人。則人亦忌己。跬步之間。殺機伏焉。而尙可以齊其家乎。家且不可齊。則其爲害於社會也大矣。遑論乎世界之大同。反語敲擊。使人猛省。

第五篇 論治國之道在於適用。社會主義。破除國界。結合各種民族。建設大同之政。府。然欲破除國界。必先破除家界。其家不可教。決不可以教人。是以君子有化除家界之教。天下無家界。則國界自可以破除。此君子所以能不出家而成教於國也。通篇反覆抑揚。皆是闡明此意。

所謂治國。必先齊其家者。其家不可教。而能教人者無之。故君子不出家而成教於國。孝者所以事君也。弟者所以事長也。慈者所以使衆也。

世界之大同。以道德爲精神。以親愛爲命脈。而道德心之有無。親愛心之廣狹。其樞機全恃乎教育。無大同之教育。則不足以喚起全世界之人心。而破除習慣國之界限。故聖人於此。以成教於國爲主腦。而其入手之方。則在於先教其化除家界孝弟慈三者。家界內之事。而大同之孝弟慈。則非僅限於父母昆弟子女也。其所謂孝者。實所以服從羣治也。白虎通君者羣也所謂弟者。實所以友于四海也。所謂慈者。實所以提攜衆生也。所謂廣義之孝弟慈。非狹義之孝弟慈也。

康誥曰。如保赤子。心誠求之。雖不中。不遠矣。未有學養子而後嫁者也。

大同以教育爲前提。而幼稚教育關係尤爲重要。康誥有曰。如保赤子。夫赤子之初生。固不知何者爲當親。何者爲當疏也。而自日居膝下。與社會不相接洽。遂生出無數之階級。欲化除此意。則必於其出產之時。卽付之於育嬰院。寄之於保母之手。以脫離其家庭之觀念。所謂螺贏螟蛉心誠以求之。則此孺子將來雖未能悉中大同之程度。然其障礙一空。其襟期亦當與之相去不遠也。子無須乎己。養故大同之女。子未有自學養子而後嫁者也。

一家仁。一國興仁。一家讓。一國興讓。一人貪戾。一國作亂。其機如此。此謂一言僨事。一人定國。

仁者愛人也。讓者不自私自利也。貪者專顧一己之謂也。戾者乖乎衆情之謂也。言大同之世。必先破除家界。人人能愛人。不自私其家。然後一國可興於仁。人人能讓。人不自利其家。而後一國可興於讓。苟人人有家之見。存自私自利。專顧一己之樂。而乖乎衆人之意。互相衝突。競爭斯起。而天下亂矣。大同之樞機。繫之於一家一人。如此古語有云。一言足以僨事。一人足以定國。蓋卽此之謂也。

堯舜帥天下以仁。而民從之。桀紂帥天下以暴。而民從之。其所令反其所好。而民不從。是故君子有諸己。而後求諸人。無諸己。而後非諸人。所藏乎身。不恕。而能喻諸人者。未之有也。故治國在齊其家。

一家仁。讓一國。仁讓推而至於國。國仁讓。則大同之世可期。故上段言國。此段言天下。堯舜以人民推戴。而有天下。古之民主也。故舉以爲大同之代表。言堯舜愛人。視天下如一家。而天下之人皆知以仁愛爲心。是以仁帥天下也。桀紂極於專制。視天

下為其家之私產。是以暴帥天下。故民亦從之。而好暴。所謂暴者。侵犯人之自由也。桀紂之所好者。乃務逞一己之自由。不顧他人之自由。而其所令者。則禁止他人之自由。與其所好者。作一反比例。是以其民羣起暴動。極端與之反抗。不從其令也。是故君子有鑒於此。確定自由之界說。所藏乎身。必恕。恕者。己所不欲。勿施於人之謂也。苟不強恕以行。無諸己。亦以求諸人有諸己。亦以非諸人專欲擴張一家之權利。以剝奪他人之權利。而欲人之愉悅。漢書王褒傳注不與我抗斷乎。其未之有也。故欲撥亂世以進於太平。世在乎先。以仁讓破除家界也。此句文法與第二篇故君子必誠其意句相似。是急轉語。非結語也。

詩云。桃之夭夭。其葉蓁蓁。之子于歸。宜其家人。宜其家人。而后可以教國人。

此下三引詩。其文法酷與第二篇瞻彼前王二段相似。第二篇前數段皆言不誠意之害。均係本題之反面。用故君子必誠其意句轉入正面。然後兩引詩以申明之本篇二段末。皆言家界不化之害。亦係本題之反面。用故治國在齊其家句轉入正面。然後三引詩以申明之三引詩者。與上文孝弟慈三句相應也。此卽以釋孝者所以

事君。句。桃。天。之。詩。有。曰。當。三。春。之。時。桃。之。花。則。天。天。然。其。葉。則。蓁。蓁。然。一。片。和。藹。之。氣。洋。溢。枝。頭。并。不。因。花。葉。異。形。而。生。乖。戾。之。意。子。以。異。姓。之。女。而。于。歸。兩。家。結。合。亦。能。化。除。畛。域。以。宜。其。家。人。一。家。之。人。皆。無。家。之。見。存。服。從。羣。治。而。后。可。以。此。意。教。導。國。人。破。除。家。界。也。

詩云。宜兄宜弟。宜兄宜弟。而后可以教國人。

此條引詩以釋弟者。所以事長句。蓼蕭之詩有曰。諸侯皆爲兄弟之國。雖疆理井然。亦當化除畛域。以宜其兄弟。如能均不存國之見。視四海之內。皆兄弟。而后可以此意教導國人。破除國界也。

詩云。其儀不忒。正是四國。其爲父子兄弟足法。而后民法之也。

此條引詩以釋慈者。所以使衆句。鳴鳩之詩有曰。君子子。姓衆多。而待之之道。均平如一。其儀無有差忒。斯足以正是四國之人。四國四方之國。卽所謂萬國也。破除一己之國界。卽可以破除萬國之國界。故上二條言國。此條言四國。其爲父子兄弟。皆無家國之見。存民胞物與。足以爲萬國法。然後能使萬國之人。從而法之。捐除界見。以共躋於太平之世也。

專 著

孝經學

續第
九號

吳縣曹元弼

叔彥

廣揚名章

君子務本。本立而道生。其所厚者薄。而其所薄者厚。未之有也。故孝于惟孝。友于兄弟。卽施於有政。曾子曰。未有君而忠臣可知者。孝子之謂也。未有長而順下可知者。弟弟之謂也。未有治而能仕可知者。先修之謂也。故曰。孝子善事君。弟弟善事長。君子一孝一悌。可謂知終矣。故孝經爲教忠之本。入則孝。出則弟。卽可以守先王之道。而垂法後世。在上者之官。人在下者之取。友亦視其家庭之間。厚薄何如耳。

居家理治可移於官

鄭氏曰。君子所居則化。

是以行成於內。而名立於後世矣。

黃氏曰。君子之立行。非以爲名也。然而行立則名從之矣。詩曰。文王有聲。適駿有聲。周

公之告召公曰。不單稱德。皆不諱名也。而今之君子。則必以名爲諱。故孝弟衰而忠順息。居家不理。治官無狀。而猥享爵祿者衆也。顧氏炎武曰。今人自束髮讀書之時。所以勸之者。不過所謂千鍾粟黃金屋。而一旦服官。卽求其所大欲。君臣上下。懷利以相接。遂成風流。不可復制。後之爲治者。宜何術之操。曰。唯名可以勝之名。所在上之所庸而忠信廉潔者。顯榮於世。名之所去上之所擯而怙侈貪得者。廢錮於家。卽不無一二矯僞之徒。猶愈於肆然而懷利者。南史有云。漢世士務修身。故忠孝成俗。至於乘軒服冕。非此莫由。晉宋以來。風衰義缺。故昔人之言曰。名教曰名節曰功名。不能使天下之人。以義爲利。而猶使之以名爲利。雖非純王之風。亦可以救積污之俗矣。又曰。漢人以名爲治。故人材盛。今人以法爲治。故人材衰。又曰。宋范文正上晏元獻書曰。夫名教不崇。則爲人君者。謂堯舜不足。法桀紂不足。畏爲人臣者。謂八元不足。尙四凶不足。耻天下。豈復有善人乎。人不愛名。則聖人之權去矣。案聖人正名百物。善善而惡惡。是而非非。使天下灼然知善之爲善。而力行之。力行之而孝敬忠信之名歸焉。身有盡而名無窮。必使言爲世法。動爲世道。篤實輝光。永久弗替。而後立身行道。爲無遺憾。孝

經曰。行成於內而名立於後世。行成於內者。務其實。不願乎外也。論語曰。君子疾沒世而名不稱。疾其無爲善之實也。是故日月有明。人皆見之。不求名而名自歸者。上也。秉燭幽室之中。有求必見。顧名而思義。循名以致實者。次也。若夫不顧名義。不恤公論。惟利是圖。昏不知恥。則民斯爲下。其禍將使天下清濁淆亂。邪慝並興。反易天明。決裂綱常。而大亂起矣。故名之所繫至大。顧氏之言。雖未及乎孝經揚名之義。亦愛禮存羊。剝極思復之苦心至論也。

諫諍章

孝經大義。在天子。諸侯。卿大夫。士。庶人。各保其天下。國家身名。君有爭。臣士有爭。友父有爭。子則雖有失道而不陷於兵刑。亂亡故當不義。則不可以不爭。嗚呼。臣子覩君父危亡將至。而秦越相視。不關痛癢。朝廷之上。唯諾泄沓。持祿保位。遂使蠻夷猾夏。寇賊姦究之禍。日甚一日。安危利蓄。欺飾如故。至於河決魚爛。淪胥以亡。而後已。此又與於亂賊之甚者也。白虎通曰。臣所以有諫君之義。何。盡忠納誠也。愛之能勿勞乎。忠焉能勿誨乎。荀子曰。孝子所以不從命有三。從命則親危。不從命則親安。孝子不從命

乃衷。從命則親辱。不從命則親榮。孝子不從命乃義。從命則禽獸。不從命則修飾。孝子不從命乃敬。故可以從而不從。是不子也。未可以從而從。是不衷也。明於從不從之義。而能致恭敬。忠信端慤。以慎行之。則可以謂大孝矣。又說子貢以子從父命爲孝。臣從君命爲貞。孔子曰。昔萬乘之國。有爭臣四人。則封疆不削。千乘之國。有爭臣三人。則社稷不危。百乘之家。有爭臣二人。則宗廟不毀。父有爭子。不行無禮。士有爭友。不爲不義。故子從父。奚子孝。臣從君。奚臣貞。審其所以從之之謂孝之謂貞也。案以上皆言臣子當諫爭之義。論語曰。事父母幾諫。見志不從。又敬不違。勞而不怨。曾子曰。父母之行。若中道則從。若不中道則諫。諫而不用行之如由己。從而不諫非孝也。諫而不從亦非孝也。孝子之諫。達善而不敢爭辨。爭辨者作亂之所由興也。白虎通曰。人懷五常。故諫有五。其一曰諷諫。二曰順諫。三曰闕諫。四曰指諫。五曰陷諫。諷諫者智也。知患禍之萌深。覩其事未彰而諷告焉。此智之性也。順諫者仁也。出辭遜順。不逆君心。此仁之性也。闕諫者禮也。視君顏色不悅且却。悅則復前。以禮進退。此禮之性也。指諫者信也。指者質也。質指其事而諫。此信之性也。陷諫者義也。惻隱發於中。直言國之害。勵志

忘生爲君不避喪身此義之性也。案以上言臣子諫爭之禮五諫蓋因事之輕重而爲之。

感應章

此章極歎孝弟爲德之至。蓋聖人之爲孝也。必使天下盡被其愛敬。而後孝德乃大。必使萬世永被其愛敬。而後孝德乃久。王者父天母地。孝於父母者。以身存父母之神。事死如生。事亡如存。必合萬國之歡心。以事其先王。使神罔時怨。神罔時恫。而後孝思乃盡。孝於天地者。以身立天地之心。必使天之所生地之所養。各得其所。升中於天。足以顯神明。昭至德。自天祐之。吉无不利。而後孝道乃備。故曰。郊社之禮。所以事上帝也。宗廟之禮。所以事乎其先也。明乎郊社之禮。禘嘗之義。治國其如示諸掌乎。夫天道遠。人道邇。行遠自邇。守約施博。德極於神明。彰而不外。事父母之孝。化極於上下。治而不外。長幼之順。信乎夫孝天之經也。地之義也。人人親其親。長其長。而天下平。堯舜之道。孝弟而已。事天明者。尊之至也。事地察者。親之至也。孝莫大於嚴父。繼人之志。述人之事。凡父所爲。子無不奉承而敬行之。不敢不致。如父之意。推此以事天。用天之道。以道

民通神明之德。類萬物之情。合天下愛敬之心。以尊天。是謂事天。明資於事父。以事母而愛同。樂其心不違其志。樂其耳目安其寢處。以其飲食忠養之。推此以事地。因地之利。以利民。養其欲。給其求。樹木以時。伐禽獸以時。殺致天下愛敬之力。以報地。是謂事地。察禮記孔子曰。仁人之事親也。如事天。事天如事親。鄭氏說以此經案事天事親。皆歸於盡愛敬不毀傷而已。又案鬼神之說。儒釋各家互爭。惟聖人之言。中正無弊。得乎人心之所同安。禮記曰。氣也者。神之盛也。魄也者。鬼之盛也。合鬼與神教之至也。衆生必死死必歸土。此之謂鬼。骨肉斃於下。陰爲野土。其氣發揚於上。爲昭明。焄蒿悽愴。此百物之精也。神之著也。聖人之言。鬼神也。如是。孝經曰。事父孝。故事天明。事母孝。故事地察。天地明察。神明彰矣。宗廟致敬。鬼神著矣。又曰。春秋祭祀。以時思之。禮記曰。惟聖人爲能饗帝。孝子爲能饗親。饗者。鄉也。鄉之然後能饗也。聖人之事。鬼神也。如是。論語曰。未能事人。焉能事鬼。傳曰。聖王先成民而後致力於神。又曰。國將興。聽於民。將亡。聽於神。神明正直而壹者也。依人而行。聖人之務。民義而不瀆。鬼神也。如是。蓋氣也者。神之盛。天有日月星辰。地有山川邱陵。皆積氣成形。則必有神。以宰之。形神合則。

爲人形神離。則爲鬼。魂氣歸天。而祖考與子孫。喘息呼吸。精氣相通。苟有子孫。則其神必馮依之。而不遽散。其先有功德。後世賴其功。思其人者。其神亦必依之。而常存。故天有神。地有祇。人有鬼。雖視之不見。聽之不聞。而其理固平易可得。而質言也。神與人異。道聖人之爲祭祀也。非曰神嗜飲食也。以爲萬物本。天人本乎祖。報本反始。時思追養。通其精誠於神明。因以教天下。順天事親。以立愛敬之本也。神與人異。職聖人之言禍福也。曰神福仁而禍淫。曰求福不回。曰自求多福。禍福無不自己求之者。仁則榮。不仁則辱。國家明其政刑。則莫敢侮之。般樂怠敖。則自求禍。故聽於民者。必興聽於神者。必亡。又曰。賢者之祭。必受其福。非世所謂福也。福者備也。備者百順之名也。無所不順之。謂備彼詔。瀆鬼神以求福者。其流入於左道。亂政蔑視鬼神。爲無知者。其流至於悖逆。不順二者相反。相因。蓋瀆鬼神者。其心徒爲徼福。求利本不知有天人。之理。本不出於敬天愛親之誠。其畏父兄也。不若其畏鬼神。其信聖經也。不若其信釋氏。故邪說左道。易以惑而一反之。則敢於慢天。忍於忘親。犯上作亂。相因而至矣。苟知孝經之教。則安有溺於虛無。以誤家國。悖於倫理。以陷逆亂之患哉。

事君章

父子之道天性也。君臣之義也。以孝事君則忠。故孝子之事君也。如事親。至誠惻怛。善惡吉凶。視爲切身。公家之利。知無不爲。竭力盡能。自知不足。其陳善納誨。一以悱惻。忠厚出之。其愛國也。至故其謀國也。審其愛君也。誠故其告君也。明因勢利導。先事豫防。萬不忍以唯諾誤人家國。亦不忍以毫末意氣激成朋黨。釀成事變。殺身非痛。負國爲痛。深思熟計。必求有濟。故事君之敬。皆出於愛。上下相親。則君臣同慶。夫子此章立萬世人臣之極。其言婉篤誠懇。本孝而出。後世大臣。惟諸葛武侯陸宣公諸人近之。學而入政。移孝作忠者。所當深體味也。三國吳志張昭傳。孫權嘗問衛尉嚴峻。寧念小時所聞書不。峻因誦孝經仲尼居。昭曰。嚴峻鄙生。臣請爲陛下誦之。乃誦君子之事上。咸以昭爲知所誦。

喪親章

曾子讀喪禮。泣下沾襟。經解曰。喪祭之禮。所以明臣子之恩也。盛德記曰。凡不孝生於不仁愛也。不仁愛生於喪祭之禮不明。喪祭之禮。所以教仁愛也。致愛故能致喪祭。春

秋祭祀之不絕。致思慕之心也。夫祭祀致饋養之道也。死且思慕饋養。况於生而存乎。故曰喪祭之禮明。則民孝矣。故有不孝之獄。則飾喪祭之禮也。曾子曰。人之生也。百歲之中。有疾病焉。有老幼焉。故君子思其不可復者而先施焉。親戚既沒。雖欲孝。誰爲孝。年既耆艾。雖欲弟。誰爲弟。故孝有不及。弟有不時。其此之謂與。故喪禮者。聖人爲中道。失母之嬰兒。立中制節。而卽爲朝露。未晞。暫依膝下者。動喜懼愛日之誠。讀孝經喪親章。禮喪祭諸篇。而不動心者。必無此人。後世廢棄不讀。是以人心日薄。孝道日衰。而犯上作亂之禍。易起。喪服四制曰。高宗卽位。而慈良於喪。當此之時。殷衰而復興。禮廢而復起。春秋傳說魯昭公居喪而不哀。在戚而有嘉容。君子是以知其不能終。天下國家之治亂。有不根於本原之厚薄者哉。此章爲喪禮提綱。禮士喪既夕。士虞記問喪等篇。皆其目也。喪禮事死有二大端。一以奉體魄。一以事精神。爲之棺槨衣衾而舉之。奉體魄之始。陳其簠簋而哀戚之事。精神之始。擗踊哭泣。哀以送之。卜其宅兆而安厝之。奉體魄之終。爲之宗廟。以鬼享之。春秋祭祀。以時思之事。精神之終也。

毀不滅性

鄭氏曰。毀瘠羸瘦。孝子有之。按不滅性者。亦不敢毀傷之。義孝子喪親。惻怛之心。痛疾之意。傷腎乾肝焦肺。特以父母生已。不敢毀滅耳。

喪不過三年

鄭氏曰。三年之喪。天下達禮。案不過者。不足之辭。人於其親也。至死不窮。特先王制禮。不敢過耳。

陳其簠簋而哀戚之

鄭氏曰。陳奠素器。而不見親。故哀戚也。

爲之宗廟以鬼享之

鄭氏曰。宗尊也。廟貌也。親雖亡。沒事之。若生。爲立宮室。四時祭之。若見鬼神之容貌。春秋祭祀以時思之。

鄭氏曰。四時變易物有成熟。將欲食之。先薦先祖。念之。若生。不忘親也。

生事愛敬。死事哀戚。生民之本盡矣。死生之義備矣。孝子之事親終矣。

鄭氏曰。尋繹天經地義。究竟人情也。行畢孝成。案君子有終身之喪。忌日之謂也。孝子之身終。終身也者。非終父母之身。終其身也。父母既沒。慎行其身。不遺父母惡名。可謂能終矣。

箴虞第七

經治養典乙

長洲沈

修 休穆

井田惡乎貴。貧富能一焉。情志能睦焉。邑廬能攷焉。卒乘能賦焉。竄亡能察焉。寇盜能謐焉。盈其委積。凶年能食焉。紛其溝洫。水禍能息焉。畦畷畸餘。夫能業焉。虞五地而井之。九益庶其能集乎。我唯寢虞。莫官山海。藪澤之利。爰上不登於公。下不仁其氓。豪猾并噬之。貧毗放斥之。放斥棄也。并噬焉。末之能又則仍不棄斯棄也。甚或焚山而狩。竭浸而漁。近狃。曷智狂逞。私圖造物。長盈之庾。匱矣。由衡鹿舟。鮫虞候。祈望之不官。失其守而贈之戚焉。夫虞都君以任伯益者也。藪澤王孫。圉夸耀晉國。用傲鳴玉者也。今猶棄旃。迺莫明。升人命官。深指將專發五金之礦。倚貉人爲前馬。必至地喪厥寶。我仍莫救乎貧域外之蹻跖斯賑矣。謨不彌形其謬哉。我方幣政務黠。黃金曰鑿。白金曰錄。祇以飾器不市。塵焉登存者。孔多。旣足勝用。寧用益民志之。怵。牖貉裔之。覲心焉。法周官之職。升人爰爲厲禁。以力焉。守之爾。若夫虞衡。生生靡息。則天地攸成之利也。曾舍而弗營。徼莫必之。靈英於礦。藏亦甚非良猷矣。慎復衡。鹿舟。鮫虞候。祈望羣職乎山林。守旃木不勝用。民於山林者於焉不貧。海瀕守旃。鹽蜃不勝用。民於海瀕者於焉不貧。

藪澤守旃薪蒸萑蒲不勝用民於藪澤者於焉不貧他物稱是尙不僅數十斯倍雖皮革骨角齒須曾莫非寶溥將民生民滋不貧焉已姬周而降唯嬪虞莫任故令山林藪澤恆爲棄壤生於山林藪澤者恆爲棄物馮山林藪澤而氓者恆爲棄夫屆今二千牖蜡矣無一人焉能言念及虞而集議興復獨鹽則營之猶易斯不度氓攸日須曾若黍稷之食人必不能私之於官以制爲禁律也自漢禁鹽鐵民卒之因鹽殪生者多矣不蚤釐征法若余前文西賈將獲而運鬻西其舟以盛之西其旌以章之夷本鼠也官則虎之敢侮而奪焉如氓乎則鹽竟彼利國與民胥莫柄之矣噫鈞是我國之利也利彼民爲得乎利我民爲得乎利彼民而我虐國步斯頻爲得乎利我民而我仁國祚斯永爲得乎陳得喪之數若是婦寺亦將明寤矧曰賢於婦寺者乎損鹽之利於國仍益虞之利於國虞利寧必鹽遜抑更利而誼矣虞之當興也寧至今日然卒無人矢猷彼其人豈皆子產焉歟子產謝叔向曰僑不才無以及子孫於戲苟不爲子孫謀余莫知攸稱救時者謂何也聖王體國經野何往非百世萬世爲量焉非必萬世皆其仍雲來舅諸孫也能愨帥其教而益氓則誠子孫之賢者焉夫舜之官虞必承堯之舊堯復執承

虞忱莫億。由始矣。然結繩爲罟。以田以漁。庖犧氏王天下之昔政也。虞聿興於其後。不始堯舜焉。審己左氏錄。虞人之箴。知夏后必承有其官。太甲稱若虞機張。知商人亦承有其官。周分而四之於山澤。名虞虞者。度也。度知山澤大小。及其所生者焉。於林川名衡。衡者平也。平又林麓川壑爲阜。其生物焉。則皆鄭誼然矣。善承前謨。姬公則堯舜令。胄爾莽作。予虞曾非克終。靡由覘其成績。則攘篡之非臧。阱之也。然其優識政本。羸劉之君莫先焉。天若以祐政邦者。祐巨君周禮庶將庚復。雖其欽服周公。或猶假焉爲名存莽之僞。徯他葉之至誠。不賢於政邦。斯作專任爲成。周殘賊乎。曰天未欲平治其天下。我孟子之說信然矣。司徒周官之官也。虞衡司徒之一政也。虞衡不難復。貴明土會之濶耳。厥在司徒職云。辨山林川澤邱陵墳衍原隰之名物。則以明土會之五地也。下平曰衍。高平曰原。雖亦能田之。今以虞屬。必壤云宜。虞焉。蓋邦域之地用之。唯三國里以外。斯營井田。井田而外。斯經虞衡職寧。其居職思耕治矣。職綏其耕。職思殖生矣。爾雅之釋地。猶曰三者並爲釋邱而下。斯專業虞衡焉。司徒之文約焉。而稱五地。虞衡之官。又約焉。而云山林川澤水厓之墳下。溼之隰。當以川衡澤虞兼之。而土高之邱大阜。

之陵。則當併於山虞矣。下平之衍。高平之原。又當攝於林衡爾。雖經無明文。爰得冥會。勿謂虞衡攸宜。僅是山林川澤焉。旣命山澤之虞。林川之衡。利之渙焉者。爲氓崇旃。害之萌焉者。爲氓襄旃。地苴穢。令鉏之俾。又地墊溼。令溝之俾。潔地。曠熙。令汪之俾。滋地。磽瘠。令離之俾。沃地。埴陷。令裒益之俾。平地。瓦礫。令輶鍤之俾。壤凡地之能殖物者。以其中必膏潤焉。植竹木之方。殊者於土中。信宿出而審諸。則滋燥可得而分矣。滋之淺深。又可得而分矣。由是孰爲上。臆孰爲中。臆孰爲下。臆其地。咸得區明焉。復攷其舊生之物。爲何斯植之釋。草釋木之宜。品焉。草品必潤。木品略燥。無傷焉。其淳鹵不毛。則民廬可奠。官宅可繕。亭候之屬。可營焉。井邑而外。畢爲虞衡。宜麻。桑。麻。桑之宜。泉。葛。泉。葛之宜。粉。柳。粉。柳之宜。檜。松。檜。松之宜。芟。藎。芟。藎之宜。檻。蔕。檻。蔕之宜。蘭。薰。蘭。薰之宜。權棠。棠之宜。華。華之宜。藥。藥之宜。竹。竹之宜。瓜。瓜之宜。疏。疏之宜。果。果之宜。羊。牛。羊。牛之宜。犬。馬。犬。馬之宜。麋。鹿。麋。鹿之宜。狐。鼈。狐。鼈之宜。鳧。雞。鳧。雞之宜。翬。翟。翬。翟之宜。魴。鱧。魴。鱧之宜。羸。鰕。羸。鰕之宜。蜃。蛤。蜃。蛤之因。而廣焉。英可磬。夫釋。草也。榮可磬。夫釋。木也。羽可磬。夫釋。鳥也。鱗。甲可磬。夫釋。魚也。毛。革可磬。夫釋。獸。畜也。蟲之稱。名實。廣植。

物以外人且得而蟲之不徒飛潛動螫云然矣其訂爲釋蟲者則固有專稱爾凡侵數草木戎賊禽畜者亟應聚而殲旃厥堪資以贍生夫實僅也然天地旣以大德生之請勿夷其仁焉許叔重嘗云池魚盈三千六百蛟來長其羣能達魚飛唯寘曲竹魚筍蛟必潛逝斯或數人遺瀆畜魚者宜令知之敵筍在梁其魚魴鰈筍能閑魚則齊風稱之矣祭鳥之鷹祭獸之豺祭魚之獺則政令攸繫非僅取能不饗己也誠若胥戕聽焉可爾虞衡旣職之成量民寡衆瀆井田舊制均分焉而授諸其氓何因必釐授乎氓焉七國秦漢而降邑廛疇壤民得私相貨鬻久非君獲專有故井遂牧田而成則仍授賦其田者五地虞衡而成亦當仍授賦其壤者彼易之緡金更從賦其田壤聿將子子孫孫祿焉而勿替引之也家而今將國之微論國靡斯金縱或金如邱山取用恆給亦漢之均輸宋之和買等於鄭之彊奪弊爰莫能究言矣將寧輯我民益騷民而滋之不寧誰昔美政罕卒能盡責民志澆訛乎厥唯新闢之田壤征賦久乏其氓斯固國應有之而國應有之今西北之野有曠數千里無人焉者矣東南之垌有曠數百里無人焉者矣其爲墳衍焉其爲原隰焉其爲邱陵焉其爲不可得而虞衡焉又況山林川澤之弘伊

專著 箴虞第七

昔。無。人。賦。焉。者。也。則。無。征。之。域。寧。不。眡。有。征。之。域。爲。多。乎。井。牧。斯。外。虞。焉。衡。焉。可。矣。

十六

未完

尋常同也。本禮記正義然則損益文質斟酌三代之制蓋自行士冠禮以來即已微示其意

矣。

傳稱夫子年十九娶於宋之并官氏。聖妃族氏諸書多異文家語有請本不同或作并官

注引魯先賢傳並字典均作元官左傳桓六年疏引家語作并官王澍虛舟題跋亦主作

開宜又十六國春秋前涼錄索綬傳宋史禮志元史文宗紀等並作并官今按曲阜孔廟

韓勅修禮器碑姓譜引先賢傳隸釋通志元史文宗紀等並作并官今按曲阜孔廟

梁玉繩古今人表攷引錢氏潛研堂金石文跋尾再續六金石文存元明加封詔書碑姓

氏急就篇宋本東家雜記宋大中祥符元年封鄆國夫人勅宋

鄆名世古今姓氏書辨證引先賢傳並作并官氏從并官為長

又魯尼山之麓有安樂里

世稱為聖妃所居故韓勅碑云并官聖妃在安樂里是殆聖妃來歸之後內佐聖業夫

子周流時多聖妃始則輔事聖母終則教誨聖嗣其亦如仇母三遷故尼山之麓特著

其里歟然至聖嘗自稱為東西南北之人栖皇道途固輔世長民者之弘願自夫饋養

有託而入官行教乃遂無內顧慮故踰年即應聘委質策名於司徒以小試其為治之效也

或曰孔子初仕蓋祿仕也曰否孟子引至聖初仕之事以證居卑居貧之義意在為周

時賢士隱於下位者申其素蘊耳故以抱關擊柝為言而曰孔子嘗為委吏乘田以明

道不行而隱於下位者不足為異引至聖初仕之事以掄揚石門儀封等賢流之不足為非耳聖人之心豈嘗須臾而忘天下豈若沮溺石隱者流以獨善兼善分為二事哉故曰仕止久速各當其時孔子聖之時者也時也者時道也既稱至聖為時道矣於委吏乘田又何疑乎

至聖初仕為委吏舊史或云為季氏吏蓋季氏世為魯司徒教化之事隸焉至聖意在明教而春秋時俗尚貴族季氏於魯尤強盛司徒又為教民之官仕於其屬宜也委吏之官則主委積倉庾之官也趙氏云委吏主委積倉庾之吏也至聖之論治也先富後教委積倉庾皆

厚民生之事委吏之司即周官司徒遺人之所治也按周官遺人掌邦之委積以待施

惠鄭注委積者廩人倉人計九穀之數足國用以其餘共之所謂餘法用也職內邦之移用亦如此也皆以餘財共之少曰委多曰積則邦有惠施之舉

委吏之所必計也鄉里之委積以恤民之羸厄則鄉有困乏之民委吏之所宜恤也門關之委積以養老孤則國中門關之稅養老恤孤之經委吏之所勤事也郊里之委積以待賓客則郊里之儲蓄賓客之廩餼委吏之所稽悉也野鄙之委積以待羈旅則鄙野之積聚羈旅之供給委吏之所司察也縣都之委積以待凶荒則四百里縣五百里

都凶歲之備。藏委吏之所宜預也。又凡賓客會同師役。掌其道路之委積。凡國野之道。

十里有廬。廬有飲食。廬若後世野三十里有宿。宿有路室。路室有委。宿若亭五十里有

市。市有候館。候館有積。候館樓可以觀望者也凡委積之事。巡而比之。以時頒之。皆委

吏之任也。又周官遺人之屬。中士二人。下士四人。府二人。史四人。胥四人。徒四十人。皆

遺人之分職也。是時魯之治典雖不盡與周同。然魯為周公之裔。世稱魯秉周禮。是其

職官必相比也。至聖所為委吏。其為在邦或鄉里門關郊里野鄙縣都之所守。雖不可

知稽之舊史。記為季氏吏為司職。吏為司空。皆連屬而書。是雖非高位。亦必非極卑者

矣。

當至聖始仕之時。適魯祭。周公入大廟而助祭。傳曰。子入大廟。每事問。或曰。孰謂鄉人

之子知禮乎。入大廟。每事問。子聞之曰。是禮也。時魯禮教廢弛已久。自文公廢告朔之

禮。以國君而慢祖。怠於祀事。故祭禮之精意。幾無人能得而明焉。又匪特祭禮之精意

不明。即主賓酬酢之儀。亦多殘缺。失墜。前三年。孟僖子自楚反。乃始求能禮者。從而講

焉。至聖既自幼以知禮聞。孟僖子尤素欽其為明德之胤。心儀為當世達人。是必有仰

其。丰。度。而。為。之。掄。揚。不。置。者。故。至。聖。知。禮。之。譽。至。是。尤。有。相。得。而。益。彰。者。時。人。以。輕。率。為。賢。故。於。至。聖。入。廟。助。祭。見。其。趨。承。於。禮。器。樂。縣。之。間。每。事。必。請。於。令。長。而。行。不。知。至。聖。初。次。入。廟。乃。所。以。為。敬。慎。之。至。而。以。孰。謂。知。禮。譏。之。其。奢。於。禮。意。也。甚。矣。曰。鄉。人。之。子。輕。其。幼。孤。而。齒。弱。也。至。聖。第。以。是。禮。也。三。言。復。之。使。先。民。制。禮。之。精。意。湛。然。攸。著。於。禮。崩。樂。敝。之。日。使。魯。之。君。臣。上。下。曉。然。於。禮。之。原。本。苟。由。此。而。推。之。治。化。之。大。端。咸。即。此。而。在。矣。而。亦。非。拘。拘。於。以。問。為。賢。也。問。者。由。其。溫。良。恭。儉。讓。之。中。藏。而。出。也。由。其。無。意。必。固。我。之。靈。府。而。流。也。和。而。敬。乃。臻。此。也。

至。聖。娶。宋。一。歲。而。育。子。是。為。伯。魚。魚。之。生。也。昭。公。以。鯉。魚。賜。至。聖。榮。君。賜。故。名。子。曰。鯉。而。字。曰。伯。魚。家語本姓解十九歲娶於宋之井官氏一歲而生伯魚魚之生也魯昭公以鯉魚賜孔子榮君之賜故因以名曰鯉而字伯魚爾雅鯉鯉說文鯉鯉也

郭氏以爾雅鯉鯉為二物謂古無一魚而二名者云鯉今之赤鯉魚也崔豹古今注鯉有五色赤色者名赤鯉齊民要術鯉不相食又易長陶隱居本草注鯉能神變乃至飛越江湖故俗有河鯉登龍門之說又按鯉體皆帶金色鱗正中皆三十六縱橫成文性機警識水漲退而往來游泳天霧時能乘氣凌空飛遊重至三十六斤者多化龍去然則昭公賜鯉亦有取乎文當是時。至聖身為委吏。古無委吏。有私慶而國君頒之。賜者。聖嗣生。昭公。賜之。特。賜。也。非。為。育。胤。賜。也。昭。公。有。景。仰。聖。謨。之。心。焉。夫。子。以。貧。賤。少。孤。弱。齡。入。仕。

昭公欽其名德久矣。又信而見其多材多藝如是也。薄書刀牘契券籌觚登戢削除讐。覈申報之糾雜。旁午也。邾郟都鄙。關鄉野。困倉廩。庾米粟。芻蒸之猥瑣。尤紛也。蟬蛻龜伏之流。有所不屑。投筆挂冠。多棄勞往就逸耳。夫子居委吏之任。理繁若簡。御庶能寬。自非聖智金鑿神明珠朗。豈克安之若素。董理無遺哉。是故昭公知夫子備出類之才。具過人之度也。殆欽崇之久矣。特無事不可以行饋。而將其敬耳。泊乎昌平。襲瑞夔鼎。延禧雲生。莞葦之華。天啓文昌之嗣。呱呱聲載路。嘉貺臨門。藉茲慶儀。展其夙敬。故至聖亦遂鑒公之誠。再拜登受之。旣分輝於韋布。亦歡藹乎慈闈。聖母壽康。迺然色喜。若曰。惟爾德隆膺茲國眷。旣受令喜。小大敬止。子子孫孫。與世咸休。遂奉貺而入。子生三月。翦髮祇見以公。貺咳而名之。豈曰旌榮亦所以不虛公敬德之美爾。是故知聖人德盛化神。無感不孚。默運潛煦。無物不格。聖如日月。光燭六合。惟自處於覆盆者。日月之耀。莫之能私照耳。以昭公之才弱而多欲。未嘗數數親炙聖人之末光。不過偶有觸悟。遂有豁然明發。極其欣慕。不置之頃。藉令果毅而自克。抉擇乎義利之間。洞觀乎仁戾之介。深信乎進退存亡。臧否吉凶之機。生乎一念之幾。見乎著龜。

動乎四體。徵乎家國。察乎天地。即他日見偏於權下。諸危國亡身之禍。皆可轉而為平。康惜乎。其一日暴之十日寒之。故善人之治效無期。而其身亦遂終陷大難矣。春秋於是年夏書晉欒施來奔。晉左氏作齊秋七月書季孫隱如。叔弓仲孫矍帥師伐莒。隱左氏傳作意皆惡之。戊子晉侯彪卒。九月叔孫舍如。晉葬晉平公。十有二月甲子宋公成卒。成左氏傳作成不書冬。解詁家云。去冬者。蓋昭公娶吳。孟子之年故貶之。此一歲中。稅政迭見。昭公之不終不待繇卜而知耳。雖然。猶幸有一為委吏之聖人參居於僚吏之末也已。至聖為委吏。行所無事。曰會計當而已矣。言不失會計當直其多少而已。孟子趙氏注蓋廉平之上儀也。故世稱其為委吏。料量平。明年昭公十一年。至聖年二十一歲。轉乘田曰牛羊。茁壯長而已矣。故曰為乘田而畜蕃息。能達物之情也。按乘田。趙氏以為苑囿之吏。主六畜之芻牧者。史記云。為司職吏。稽之周官。即職人也。職人有二。亦皆隸於司徒。為季氏之官。屬周之牧人。充人是也。見周禮地官鄭注職。織通。本鄭注織。弋也。文說即繫牛羊之杙也。周官牧人。掌牧六牲。而阜蕃其物。以共祭祀之牲。牲。其官則下士六人。府一人。史二人。徒六十人。此掌牧六牲。而阜蕃其物。正與牛羊茁壯長之義符合。然則魯之司職吏。

一名乘田實卽周官牧人一稱爲職人者也。

至聖前爲委吏顯厚民生之術此爲乘田顯阜庶物之術官也皆道所存也委吏之效易知乘田之益難見爲委吏之道雖廣而易盡爲乘田之道蓋深而難明廣而易盡以人治人之道也深而難明以鳥養鳥之道也中庸明至誠盡性之功厥分三級一曰盡其性二曰盡人之性三曰盡物之性爲委吏之道盡人之性之類也爲乘田之道盡物之性之功也至聖爲委吏爲乘田紓己之學驗乎其所有事官也考道之符也常人以官爲事弗知爲道故官法益塤而離道日遠嗚呼至聖爲委吏之政畫工之政也爲乘田之政化工之政也宜乎書傳靡得而詳也嗚呼委吏乘田之仕豈獨爲魯而已哉至聖爲乘田之歲正月叔弓如宋葬宋平公夏四月丁巳楚子虔誘蔡侯般殺之於申楚公子棄疾帥師圍蔡五月甲申夫人歸氏薨大蒐於比蒲公羊傳大蒐者何簡車徒也何以書蓋以學書也

仲孫矍會邾婁子盟於侵祥侵左氏穀梁作穀何氏云不日者蓋諱喪盟使若議結善事秋季孫隱如會晉韓起齊國酌宋華亥衛北宮佗鄭軒虎曹人杞人於屈銀屈銀左氏穀梁作厥懸九月己亥葬我小君齊歸冬十有一月丁酉楚師滅蔡執蔡世子有以歸用之時中國無霸魯亦積弱相仍不

能自振楚。憑陵而滅中國。諸侯患愈亟矣。至聖居乘田之職。無有言責。嘗曰。君子之行。己可以誦則誦。可以信則信。

又明年。昭公十二年。春。齊高偃率師。納北燕伯於陽。三月壬申。鄭伯嘉卒。夏。宋公使華定來聘。公如晉。至河。乃復。五月。葬鄭簡公。楚殺其大夫成然。成然左氏冬。十月。公子整出奔齊。整左氏楚子伐徐。晉伐鮮虞。其後。哀公之時。至聖與弟子修春秋。嘗謂魯史伯於陽。乃公子陽生之誤文。故傳曰。伯於陽者。何公子陽生也。子曰。我乃知之矣。在側者曰。子苟知之。何以不革。曰。如爾所不知何。春秋之信史也。其序則齊桓晉文。其會則主會者爲之也。其詞則丘有罪焉耳。按公子陽生之納。乃燕齊之事。至聖明知魯史謬者。時至聖猶在官也。春秋所紀列國之事。各依文告。至聖方仕得見官府簡牘。原文是以知也。是時世變日甚。至聖志存論道德。以明教化。未久。孫辭而去。故曰。天下有道。則見無道則隱。可以仕而仕。可以處而處也。

中華警察協會雜誌廣告

本雜誌以促警察進行藉圖全國統一爲宗旨現第一期及第二期均已先後出版第三期刻已付印內容分插圖畫論說譯述法律章程學說公文記事調查報告雜俎小說本會經過記事錄等類并將籌備國會事務局解釋各公電摘附法律之後其關係條文解釋者另標墨規以期明瞭俾供

閱者之研究本期尤注重撰箸冀以學識貫通導源一切所有前已定閱及交款者即行照寄不誤如有欲定本雜誌者請函達北京北新橋迤西中華警察協會總發行所照寄不誤空函恕不作覆

售報價目 全年十二册大洋三元 郵費三角 半年六册一元六角 郵費一角
六分 零售每册三角 郵費二分半 外國郵費照本雜誌價目表核算北京分發行所琉璃廠西門浣花書局又琉璃廠東門新智囊 外省 各省警察協會分會及各大書坊

傳記

癸丑曲阜謁

聖述略

榆次常贊春

子襄

歲癸丑、孔教會同人。創曲阜謁聖及開會之舉。余附名以行。於陰歷八月二十二日。抵天津。二十三日。抵濟南。二十四日下午二鐘餘。抵曲阜。下車後。覓人力小車以行。距城尚十八里也。過顏村。爲復聖裔漢以來聚族居。此涉泗水。尼山。南引岱嶽。東環山川。有靈洵非虛妄。比入曲阜城。下榻師範學校。其地爲孔教會招待所。晤幹事陳君煥章。並同寓江蘇江西廣東山東諸同人。互爲接洽。二十五日。謁周公廟。其地在城東。少北。卽魯太廟。蔚然古柏。夾庀而生。歷代豐碑。左右峙立。正中端冕。秉圭。溫然家相。左座魯公。右有一人拱立。背銜金人之銘。口則無緘。殆頑鏐已鑱。存此土偶。爲似耳。兩廡列魯諸公之位。歷來君主一摧。宗社盡殄。惟茲魯宇。四千年故主。血食不衰。所謂聖澤攸長。豈虛語乎。再如其西。則鳳棲之蘇樹。尙復青蔥。土人稱其地爲黃帝降生處。然歟。否歟。有樹如槐。葉小而狹長。折枝嗅之。略如椒。椒土人呼爲牡楷。樹有子者。爲楷。蓋相傳孔

林有楷魯廟有模模牡同聲小轉此其樹耶。折枝存篋以爲紀念出而游魯故城則土阜敝敝略存城郭迤南對立是爲觀臺其上爲夫子講述大同之遺下則誅少正卯之所也南有數樹是爲舞雩稍西二柏森然爲春秋臺故址西北小阜又夫子釣魚臺下有稻畦方罫遠泉東流地偏而逸東北爲古曲阜北折而東有如偃矩距近爲少昊陵以塵勞煩頓未往謁由南門歸翌日謁顏子祠過古闕里木坊高聳東迤北行是爲陋巷乃巍然綽螯楔以貞石北向卽復聖故宅廓而爲祠古柏盤拏幽草如蓐正寢復聖作冕旒像兩廡從祀爲顏氏名賢其右稱古陋巷井上覆以亭東南古柏枯死僵立不欹周迴石欄下有石楠傳爲復聖手植東爲寢殿內有退省圖石刻唐人故迹致爲名貴三龕均祀木主正中有復聖小像焉旋如魯泮池野水一泓蒲荷叢萬北爲曲阜向時學署今改稱議會者東偏土垣圍遶賣菜傭僦居有碑大書古豐相圃爲夫子故射圃中有故井水特甘冽二巨人負東牆而立其一胸署府門之卒者尙特立巋然其一胸署漢故樂安太守庶君亭長者則偃諸草矣是二人者向在荒墟乾隆間阮文達移諸是圃者今文偃武修偃者面胸有痕如瀉石公亦有知耶其無知而適逢斯會耶

聖裔招待員云。遲日必扶其危。仍須諸大力者耳。語妙雙關。令人解頤。午後羣詣聖廟演禮奎文閣下。由快觀門入。襟綴黃花爲章。其地檜柏成林。左右肅立。至弘道門。再入大中門。右置數石。漢人畫像刻於其旁。頗饒古意。至同文門。則左右漢石森立。盎然古趣。與京師大學石鼓並煥。寔區美矣。富矣。下復有西漢遺刻三橫。陳柵左壁。銜者亦漢殘刻也。門內左右爲六朝刻石。磅礴娛人。彼明清以來。徒侈巨麗者。觀之信美。攷古者顧不之尙也。再進奎文閣禮樂諸器如儀。以陳主祭爲上。公將事樂備禮成。彬彬斯盛。畢謁聖入大成門。左有古檜森焉。大成殿中坐聖像。塑自東魏者。冕而執圭。穆若肅若。左右配哲諸子。惟仲子。瞳目行行。有子無鬚而貌寢。其似聖人者。言動之似耶。德行之似耶。面目之似耶。惜無從攷矣。後爲雲妃殿。最後聖蹟殿。殿中疊磚如壁。中銜明代圖書聖蹟筆墨。平平且有几案。胡床如後世儀式。今恆笑西人作孔子像。頂翎馬車。彼異域想像爲之。不知漢土威儀。何足爲怪。惜吾中土乃亦不察而爲是。清代鄙明人而稱陋。明斯其陋之尤者歟。乃刻痕已淺。椎拓維艱。數百年竟有拓者紛如。彼作者之陋。何足怪耶。復有吳道子畫聖容爲立像。又景行像。特小刻於北宋政和戊戌。聖裔名璠者。

傳記 癸丑曲阜調 聖述略

四

上石聖像微髻似有依據無復署名而馮晏海氏稱顧虎頭遺跡西安碑林復鐫吳道子名均未能徵信也又憑几圖一魯司寇半身圖一雍正間聖裔重摹小像一出而東入詩禮堂有孔宅故井繡痕徧於石幹信爲先世遺跡上覆以亭右立分書魯壁二字極雄偉在明人書中特推絕詣其西金絲堂收貯樂舞諸器未往覽循而前黃亭翼然是爲杏壇左右夾植文杏點綴古蹟中樹黨懷英杏壇篆書巨碑亦稱傑構此聖廟之約略如是二十七日晨興伐鼓淵淵以敦執事羣詣行禮惟陳君煥章深衣玄冠被服儒者禮畢詣大成殿觀周器漢器古色膠然令人意遠出如奎文閣有陳君報告開會祠鄂代表演說詞孔上公講禮運大同語極瞭晰而扼要廖平氏講經畢乃留像紀念極擁擠有僧人某亦觀禮聽講偏袒袈裟服彼法服吾輩儒家者流而不屑與夷狄伍乃吾之章甫逢掖絕迹於世視彼雍容法服者當愧死矣二十八日謁聖林出北門少東過平橋數道古柏夾塗高門有伉標至聖林入則北向樓觀高聳石獸對峙入而北復西林木葱蘢愈增肅靜前坊後橋下迴洙水再北入門則華表焉角端焉文豹焉翁仲峨然秉圭按劍屹立左右北爲饗殿升而北出則右立古木半經劫火皮復無存叩

之作石聲其旁則蟲蝕成文有篆籀之意秦代篆法烏足語其自然之蹟究石鼓之遺乎稍北子思墓翁仲夾立刻法特古殆非唐宋以後作者上而東則伯魚墓再上而北崑然中據則我至聖之墓也喬木廣蔭布滿前後古柏尤千態萬狀備極夭矯西偏小室爲子貢廬墓遺址後人祀位其中者楷子離離丹碧絢色折得一枝並著草之紫碧二種取歸爲紀念同行四拜禮畢出而至寢殿其東楷亭嶢然南爲子貢手植故楷柯銅幹石巋然獨存四周甃磚以存古物守陵小兒輩緣木攀芝大小黃紫相間以繩束之因購歸並取著草以供餽遺焉午後偕陳君煥章羅君惇勳顧君薰姚世兄明輝廖君麟年等如衍聖公府祇謁府在聖廟東北南向三間如官廨入有屏門左右古柏夾植故家喬木起人慨慕北爲公堂上陳前代衣冠各物因僂先謁上公未及審視由東角門入西復北爲二堂左則傳達處也留名東以候少時由長史導入東客室上公介弟出招待述上公病甚憊並道謝忱同人懇瞻吳道子畫聖容比出展則爲明人吳彬其手筆尙不俗畫至聖及四子侍坐隨持聖履一至製特巨中楹以木質爲絲織色闇敗用藍線逢緝則後人所加也并織龍朱鞞及襪古色斑斕非復今世物比興辭出

而大堂諸冠服悉撤收矣。爲之憮然。二十九日行迭辭招待諸君。仍由舊路渡泗水而作首途。遙望尼山巋焉。特申遐想。聖教入人之深。有如是乎。特未識後此有斯景慕焉否也。抵泰安下車。旋宿於岱麓之白鶴泉。今爲道觀。羽流八九。頗不厭人。宿處爲東南隅。廣廳三楹。南則俯石闌而遠眺。山光柳色。畫意悠然。北則古松一株。陰覆道院。下開朱桂。觸鼻芬芳。再北道流所居。東則庖室。正院爲玉皇閣。東偏以石爲洞。康熙時。老道孫氏羽化遺蛻其中。施均甫分書額曰。中有一道士。頗質而確。入夜則笙笛悠揚。經聲間作。時聞笑聲歎聲語聲。紛來杳去。蓋其地適建九醮。山民供佈。施及焚香頂禮來也。九月初一日晨。日未出。乘肩輿北行。山勢巖崿。磴道重重。至一天門。入而東。有佛寺焉。東爲聽泉山房。倚榻小坐。則山光東照。流水潺潺。作琴筑聲。塵心爲之一滌。出而北行。時平時陡。倏往倏迴。下視茫茫。但爲煙霧。再上則斗姆宮。中古龍泉觀。不減聽泉山房之勝。厓壁爲淺子故籙。巨書亦俗不可耐。惟諸致祭題名。及吳清卿篆書漢鏡銘。登泰山云云。饒有佳致。再上則瀑布懸厓。涓流不激。坐石亭且聽且觀。致爲幽絕。其地南眺汝流。有如委帶。重山雜遝。盡作朝宗。空靄氤氳。迷漫四面。西則疊石覆版。左右紅欄。與

碧樹危巖。高下相映。折而北。乃陡巖。拾級約有百餘。北刻御帳巖。西刻七十二君封禪。輦道陟其上。崖刻秦松。二大篆。書北則古松三樹。虬幹離奇。是否秦物。無從索考。謂之曰秦。誰復謂其非秦耶。折枝以歸。時日已交午。恐誤前路。留此不盡。似可作來年之續也。仰望兩峰夾立。中敞朱門。曰南天門。斯爲前山最高處。至日觀峰。經石峪。均無暇往游。殊以爲憾。晚抵濟南。宿城內。踐魯友之約也。初二日早起。如曲水亭。其地南爲茶肆。清流潺潺。左右人家。雜陳諸物。謂之早市。亦如京中曉市者。然浣女夾水澣澣。間以砧聲。觸人秋思。風景儼然。在晉初間也。上午泛舟明湖。楊柳四圍。葭蘆成桁。舟行其地。頗極清幽。佳勝諸區。少爲停泊。如歷下亭。匯泉寺。鐵公祠。張公祠。北極閣。李公祠。北渚亭。均有勝槩。返而游於圖書館。并金石保存所。博物院。地占幽勝。且佈置亦均有匠心。聯額并爲集古。卽山左石墨。尤爲特色。爲流連者久之。午後如趵突泉。則前爲列肆。中有一亭。左右長廊。北面巨室。祠呂祖。中水一泓。若吾鄉源渦侯城。似此亦夥。稍加點綴。何渠不若耶。惜無名人以張之。遂使趵突之名。惟魯爲獨。亦地之有幸。不幸也。三日行如天津。晚抵京。連日塵勞。今朝甫息。匆匆作此。略述行蹤。計此次晉接者。陳君煥章外。

曲阜招待員孔君慶培字永年。慶楷字式儒。祥雯字新伯。祥霖字少露。祥柯字則君。昭覽字雲卿。繁澂字印秋。均殷殷雅誼。又大興饒君大林字森菴。德州于君錦藻字藜青。博山張君敬顥字澄秋。安邱劉君元第字善長。滋陽宋君承霖字雨人。海康梁丈成久字禮濤。順德羅君惇蟲字揆東。華亭顧君薰字迺琴。奉賢程君穌字蓉蓀。廖君麟年字味蓉。常熟蔣君元慶字志范。上海姚世兄明輝。靖江劉君魯璜字藕舫。吳縣李君豫同字伯超。金壇馮君鼎銘字足三。于君炳淵字溥泉。丹陽姜君循理字怡雲。豐城熊君羅宿字譯元。均昕夕晤對。攬勝論文。併誌篇末。以終斯盛。

叢 錄

通 信

康南海先生來電

北。京。孔。教。會。公。鑒。辱。公。推。至。感。悚。茲。事。體。大。豈。輕。材。所。能。勝。也。然。昔。法。入。越。南。之。歲。僕。考。萬。國。教。俗。獨。居。深。念。中。夜。涕。零。深。慮。據。亂。世。之。經。說。大。教。將。墜。於。地。乃。發。大。同。太。平。之。新。教。至。戊。戌。開。孔。教。會。會。上。奏。去。歲。夏。際。亘。古。未。有。之。變。俎。豆。廢。祀。絃。誦。絕。聲。大。驚。深。憂。乃。草。序。例。寄。門。人。麥。孟。華。陳。煥。章。令。開。會。滬。上。幸。諸。公。深。心。毅。力。相。應。同。聲。微。志。所。存。雖。知。負。山。之。重。敢。有。辭。也。熒。熒。在。疚。尚。當。營。葬。餘。生。尚。存。他。日。自。當。從。諸。公。後。奔。走。會。事。幸。垂。察。康。有。爲。叩。

沈子培先生來書

重遠先生鑒（前略）憲法決無直抄他國之理且各國憲法亦自不同各視其國民多

數之要求。著之約法。以爲擔保。憲法其名。民約其實。在君主之憲法。尙不敢不承國民之公意。如英俄波士之國教。况民主國乎。若委員會少數個人。援他國歷史學說。橫生議論。以箝民口。是官吏極端之專制。更甚於暴君專制也。激人心之不平。釀天下之反動。教禍伏綫。方在於茲。中國糜潰。孰尸其咎。總之辛亥約法。以來毀教之行爲。業已見於事實。毀教之論調。亦且日益支離。邪說暴徒。日出其戲謔詬詈手段。以蹂躪我純正善良之社會。以盜賊爲正義。以淫侈爲人權。僅兩年而舉國少年。已入渾沌世界。社會糜爛。政府豈得獨全於此時。提倡孔教以救之。已不過一千百之數。忍復從而沮之乎。總之在臨時約法以前。國中無毀教之事實。孔教不明定於憲法。猶尙無妨。在辛亥約法以後。國中已明見毀教事實。孔教不明定於憲法。後患直不可思議。假令歐洲之大政治家。大社會學家。及此時而來參議。吾國憲法亦斷無不認可孔教。國教編入憲法之理。何則。國民萬世所遵行。國家不得不立約承認也。至於孔教是宗教。非宗教之說。一切理由。在科學。既無解決之方。在哲學。亦屬懷疑之論。在東洋學者。摭作游談。在歐洲教徒。直視爲戲論。彼無不認孔爲教者。豈可以傳聞未定之辭。定我萬世尊。

嚴之憲法。夫憲法所以定民心。豈以辨學理乎。總之以暴徒之誤會。信教自由爲毀教自由。已見許多亂象。以委員之駁提議而生異論。又開多少爭端。此時孔教之危業已達於極點。若憲法無專條保護。我四萬萬同胞萬不甘心。我三千年畏神服教之人心亦萬不能見絀於一二酸丁而遂無繼起波瀾反覆後事難量。而民國因無教而基本不堅。紀綱不立。秩序不成。其效固彈指立見者也。（後略）

嘉興沈子培先生碩學重望。海內知名。前清時早已退隱。民國初立。尤不與聞世事。惟以大教淪胥。國亡種滅。是懼特與各同志發起孔教會。以爲挽救之術。於規定國教一事持之尤力。今節錄大略如左。記者識。

湘支部周仲元先生來書

孔教總會諸先生鑒。接尊函。敬悉種種。知陳重遠先生仍留都門。力爭孔教爲國教。其心苦。其志堅。誠爲世道人心一髮千鈞之繫。嗚呼。中國本孔教之國。孔教實國教之母。蓋孔教所以明人倫也。故曰人倫明於上。小民親於下。人倫不明。則與禽獸奚擇哉。揆之習慣。按之政治。徵之二千餘年之歷史。察之人民心理之信仰。是久矣。以孔教爲國

教此理甚明。固不待爭者。况地球。上本無無教之國。今中國。不欲國教。則已。如欲國教。舍孔教。其誰與歸。豈欲以他教爲國教耶。如不以他教爲國教。則孔教爲天然之國教。此理又不待爭更明矣。今之曉曉喋喋。而必欲反對者。究不知其是何用心。吾無以度之。度之曰。立異吁。嗟。充其立異之心。則禽獸可爲。推其立異之志。則尊長可殺。故孔子見異端。則攻之。孟子論楊墨。則拒之。是欲遏其流。絕其害。以明聖道。以肅紀綱。矧時至今日。學派龐雜。聖教陵夷。籬籬傾覆。苟不有以救之。挽之。其流極伊於胡底。故欲以孔教定爲國教者。是示國民一定之趨向。實立萬世不易之常經。此副大總統及各省當道諸名公。同聲贊成者。職是故耳。且諸公既爭於前。吾等敢不應之於後。業與同人研究。正當理由。刻正起草。不日即可直寄兩院。庶以見吾道之不孤也。敝省內務司任公福黎。接篆以來。頗以維持聖教爲己任。不旬日間。即取消長沙縣學宮文社新劇團。人民無不稱快。鄙人昨面謁任公。將軍隊駐紮敝會情形。一一報告。現東西兩廡已做飛翰水師教練所講堂。香火斷絕。大成殿階下置數便缸。任公聞之。亦蹙然髮指。或者他日取締軍隊。令其遷出。今譚延闓辭職。湯公雍銘接湘督任。從此敝會或不至再受暴徒蹂躪乎。(後略)此頌公安。弟周逸叩。

公牘

請定孔教爲國教呈文

民國二年十一月三日
癸丑年十月初六日

桐城陳澹然

爲請定孔教爲國教。速提議案。以重命令而挽人心事。竊孔子爲萬世師表。中國崇奉二千年。奚待後人辯論。革命以還。黨人不明孔義。謬稱孔子尊君。謂不合共和國體。買焉罷六經。廢孔祀。遂致人心橫恣。暴亂迭興。仰賴

大總統命令。特頒獨尊孔祀。是明推孔教爲國教。以正人心。薄海士民。無不歡欣鼓舞。叛徒孤立。尅日蕩平。近效灼然。無煩贅述。惟國教必詳憲法。各國皆有明條。敝會陳煥章等呈請兩議院。列成憲典。不料天主教會。突起抗爭。起草會竟爲所惑。該教會等反覆數千言。多不必辯。惟孔子確爲宗教。中國多不及知。共和國尤必先立國教。知者尤寡。謹先辯該教會之誣。而後伸其義。

一曰。孔子非宗教。考宗教之起。皆聖賢不得志。無權力以懲暴亂。拯民生。特尊天地鬼神。言果報以勵善良。戢邪慝。其力實足救國家刑賞之窮。故各國帝王羣相崇奉。何

則影衾之間。斷非刑威所及。故曰。政治人事。教治人心。天主。耶回之尊。天帝。佛道。神教之尊。鬼神皆此義也。孔子之言曰。獲罪於天。乃無所禱。其引湯誓曰。簡在帝心。又曰。鬼神德盛。體物不遺。而重之以齊明盛服。以承祭祀。非尊天帝鬼神乎。其繫易曰。作善降祥。作不善降殃。非言果報乎。又曰。聖人以神道設教。非宗教乎。特孔子之意。以爲天帝鬼神至難窺測。以此懾人。終不及祖若父之爲。鬼神祀之有本。動於天性。自然使人仁孝之心。油然而起。不勞憚懼。自入善良極之父。天母地。郊壇大祀。天祖一堂。人物皆同。昆弟始終一孝。悌而已。此與耶穌天人物爲三倫。何異。謂非事天。事帝。事鬼神乎。蓋孔子宗教。畏天帝而不涉。迂拘敬鬼神而不言福利。惟以事親祀祖。與天地鬼神契結於冥漠之中。起人敬畏之誠。而無流弊。其教理之精。與他教無本之施。實判天壤。非謂生於中國而故尊之也。雖其道如天。無不覆幬。然究其根本。非宗教而何。不足辯者一。

二曰。中國無國教。考西人所謂宗教者。重祭祀以肅人心而已。孔子既爲宗教。所定祀祖祀天。諸典帝王士庶靡不遵行。宣統以前。無人敢越。非國教乎。卽以孔子論。漢高

生不知書一滅項王卽以太牢祀孔子二千年來帝王建國無不首奠先師祀典精嚴何謂無一定儀式非以孔教爲國教乎孔教信條莫先孝悌觀有子發明孝弟其效至無犯上作亂之人故歷代帝王雖外人入主中夏欲求治安無不先尊孔教彼何所私於孔子哉爲天下計非此不能安也今中國雖衰人數殷繁巍然冠絕五洲之上豈有他哉孔教之重彙倫尊道德相親相愛而作亂者寡也今論者動曰同胞而先途人其父母兄弟則家庭之內已起戈矛何有於他人何有於國此而不辯犯上作亂寧有窮期不至種族滅亡不止然後歎孔教之精爲不可及中國之恃爲國教爲不可移也往者西書未入中國旣無宗教之名又無憲法之設故孔爲國教未著明文然典禮尙存史書具在稍能識字者無不知之他教有此尊崇乎此非中國國教而何不足辯者二

三曰孔教會排教查西洋教會財產衆多教士以懺罪動人納其施布擁特別之利權故新教之興折舊教以伸己說孔教初無一會何利可爭徒以廢除孔教人心無所依歸一二書生痛心時變倡爲一會但求孔教不亡何暇與人爭尺寸斤爲排教毋

乃不倫。况孔之言曰：萬物並育而不相害，道並行而不相悖。故雖漢唐以來孔教之盛，而佛道景回流行中國，孔教何一排之？歷史具在，非可誣也。使其果排，何以天主耶穌我孔教尙加保護？足見孔教之大，無所不容。至若義和團之興，本爲邪教於孔教何關？卽其橫暴，亦滿政府縱亂之所爲。何乃厚誣孔教，况其肇亂之先，西報亦稱教士欺人之過，今忽坐此名以欺孔教，豈該教會不願中國治安乎？如果不安，恐亦非該教會之福也。不足辯者三。

四曰：立國教轉啓教爭，而加以破共和違約法阻統一諸大題。立說至爲強厲。查約法信教自由，亦人民平等之義耳。約法人民平等，故今憲法有年，四十可舉總統之明文。然使人人盡除資望，皆可舉爲總統，天下有大亂者乎？以二千年尊崇之孔教，定爲國教，旣無與抗，何至激爭？試問他教在中國有此尊崇資望者乎？且強俄立國無教不包，憲法獨推希臘教爲國教，他教何以不爭？况約法本非憲法，不過取便臨時，卽稱信教自由，未云不立國教。定孔爲國教，何謂違背約法？且旣准信教自由，自可各從其教，安能強非孔教而必從之？何至破共和阻統一如該教會所云耶？不足

辯者四。

五曰蒙藏獨立。一立國教。轉難取消。以動政府。又稱外國宣教師。不與政治。一立國教。國務員皆當退出。以動閣員。立說尤爲至巧。查蒙藏獨立。本在約法。既立之時。既准信教自由。何以仍謀獨立。空文不足。糜衆族已概可知。而欲以不立國教。誘其取消。豈非夢嚙。且外國宣教師。亦中國教官等耳。不與政治。其職固宜。國務員非宣教之官。卽立孔教。何容退職。豈西國閣員皆無教之人乎。他如孔教廟費。本在有司。復何勞費。卽議員中。或稱一立國教。必設教堂。必煩禮拜。以此遲回。不知文廟卽爲教堂。謁聖卽爲禮拜。他復何爲不足辯者五。

請卽宗教重繫人國。與共和國必先國教。而伸晰之。國家大本全在人心。無道術以植其樞機。則法治愈精。人心愈亂。始皇法治。豈讓西人。而其亡愈速者。何也。書焚而國教亡也。今滄海橫流。過於秦世。不先國教。何以維繫人心。有賀長雄有言。動人實利。有時而窮。無道德終不足範圍天下。故天下有不入宗教之民。斷無不立國教之國。何也。宗教者。道德之源也。西哲淳興。毅然闢教。彼固以教干政。奪民利權。猶自有說。然自今諸

大國有政教分權而無廢教者何也蓋實見教尊道德制人心於隱微眞足補政權所不逮可禁其侵奪以劑其平而其理終不容沒也且今天下競言法治矣試問法治人事於既壞之後何如教治人心於未動之先彼其未動苟無宗教法治何由國內教多非立國教人心何由而靜是無論何國無國教不能自存此其一

中國以前皆爲帝制統治權尊雖國教未名但尊孔子以示其趨無敢軌其模範今共和改制統治權輕妄解自由平等不立國教以尊道德何以戢其邪心不先尊舉國信仰之人道德於何取則黨人暴亂至再至三流血橫尸其心愈熾彼豈獨異人哉心無宗教但知利權故不惜趨死以奪之也今之共和所師者美法耳美之剏國華盛頓輩無一非清教信徒道德高深始成大業法初革命毀耶經沒教產大亂八十三年殺人七百萬卒得教會長丟耶爲總統信孚敵國復教規而後始安今改革以來攘奪他人卽稱豪傑閉門槁餓無一非孔教信徒四維滅亡國誰與立加以心社共妻無天設會自返於禽獸而不知國教不尊亂何由熄是無宗教不能建共和中國此時尤非先立國教不能爲國此其二

苟立國教。舍孔而誰。夫孔教精神自在天壤。東西碩學。皆決其必被全球。雖定國教。何尊價值。獨念秦火。以還。經煩道蔽。唐宋儒者。過關鬼神。科舉制興。徒資干祿。尼山精理。知者尤稀。遂致當代名流。稱爲政治教育哲學三家。無敢推爲宗教。坐令人斥爲無教之國。思起滅亡書生數典自忘。遂招外侮。心實痛之。今不尊爲國教。不能起國人信仰之誠。卽不能消內患而祛外侮。此中機括。深於治理者。必能辯之。非空言也。是立國教。卽不能不定孔爲國教。此其二。

若謂孔子尊君。慮還帝制。不知古稱君者羣也。古之嚴父。且稱嚴君。可謂父爲帝制乎。且孔之言曰。君使臣以禮。臣事君以忠。明爲對待之辭。決非專制之義。故尙書臣之對君。尙稱爾汝。爲之君者。不過如今總統之尊。以云帝制。則秦始皇焚書之禍。於孔子何與焉。且耶蘇十誠。謂治我者爲父母。其尊君可謂至矣。美法共和。咸推教主。何不聞帝制發生耶。至若天主教民之請願。前辯已詳。推其意。不過使中國不立國教。欲假信教自由。以廣行其教。將來可推天主爲國教耳。不知地有定主。道有常尊。中國不亡。孔教斷無能滅中國。卽亡孔教。仍不能滅何也。華種不亡。卽孔教所在。斷非他教所能奪也。華

人雖弱。豈真猶太人。不若哉。在彼各尊所聞。誠無足怪。獨怪憲法起草員。號爲代表。並人心生死而不知。猶太亡國數百年。遺民散處四方。尙能明法殖財。抗行歐美。遊蹤所至。敬愛相親。彼豈有異術哉。國亡而教不亡。人心不與國俱亡也。今不尊國教於孔。何傷所慮。孔教亡而人心俱亡。求爲猶太之民。而不得。此可爲痛哭者耳。仰維大總統崇正黜邪。屢垂法戒。所稱尙忠尙信尙禮尙廉。無一非闡揚孔教。及特尊孔祀。益見明推國教之盛心。但求身體力行。雖華盛頓。丟耶。豈能遠過。今總統職權。關於憲法。一電各省。已見轉圜。况國教至重。關係人心存亡。大總統特令。旣頒。豈能反汗。政府遲疑未發者。慮外交耳。此關內政。斷無牽及外交。旣經各省官長贊成。應懇迅咨國會。定其文曰。以孔教爲國教。仍准信教自由。列入憲法。早定人心。如慮激起教爭。或生交涉。卽請以此呈飭。下外交部。照請外交團。或平和會。公斷。澹然行年六十。與世無爭。絕無黨派。惟著書三百卷。於各教稍別精粗。尙有疑難。可否飭隨外交長官。恭聽裁判。准予發言。如慮不勝。或起外交。卽請寸斬。澹然以謝萬國。昔明太祖斥除孟祀。錢生甘以死殉。今闢孔教存亡。而無死士。何以爲國。此而不死。何以爲人。義憤激胸。萬死不悔。再聞起。

草會改稱國民教育。以孔子之道爲修身大本。以示轉圜。然澹然所爭者。既稱一國無國教。卽無人心。共和國家。尤必先立國教。以尊道德。非尊孔也。以云尊孔。豈待今始尊哉。若徒以孔爲修身之本。孔子一修身科教員耳。尊祀何爲天下。無論如何國體。未有不順多數人心。而能成國孔教。重倫弭亂。成效昭然。自臨時政府。俯順黨人。全國人心已失。大總統特尊孔祀。挽救方殷。命令既出。起草員視若弁髦。成何國體。現因國教未定。各教紛爭。非求迅咨議院。速定此條。恐致激成他故。萬乞早伸明斷。力予堅持。弭禍亂。挽人心。國家安危。在此一舉。所有請兩院定孔教爲國教。仍准信教自由各緣由。理合呈請。

大總統鑒核施行。無任迫悚待命之至。謹呈。

京師商務總會上大總統公呈

具呈京師商務總會爲公同懇請定孔教爲國教。以正人心。而期治平。事竊維治亂之原。在乎人心。邪正未有。人心不正。能使世界治而不亂者也。我中國數千年來。有孔子集堯舜禹湯文武周公羣聖人之大成。制定治世之大法。統禮樂刑政之要典。無非準

天。理。順。人。情。以。正。人。心。以。求。斯。世。之。治。平。而。已。涵。濡。至。今。卽。下。至。婦。人。孺。子。以。及。極。下。等。之。人。未。有。以。孔。子。之。教。爲。非。者。可。知。孔。子。之。教。大。中。至。正。洽。於。人。心。者。久。矣。卽。徧。覽。外。國。之。書。亦。皆。尊。我。孔。教。未。有。以。爲。非。是。者。日。本。爲。近。今。維。新。最。強。之。國。早。已。尊。我。孔。教。崇。拜。弗。遑。可。知。以。孔。教。爲。國。教。斷。斷。然。無。疑。義。商。人。知。識。淺。薄。統。觀。商。界。無。一。不。以。孔。教。爲。是。者。此。心。同。此。理。同。可。知。我。中。國。四。萬。萬。人。心。理。無。不。同。也。其。不。以。爲。然。者。不。過。不。孝。其。親。自。由。結。婚。之。僉。人。恐。干。其。私。遂。羣。起。而。反。對。雖。自。知。違。其。本。心。仍。懵。然。言。之。其。清。夜。之。愧。汗。無。人。知。之。而。已。我。孔。教。循。之。則。治。違。之。則。亂。中。國。千。年。來。之。歷。史。開。卷。可。知。卽。證。以。外。國。之。歷。史。亦。不。能。外。此。範。圍。所。以。外。洋。之。人。亦。皆。以。孔。教。爲。是。至。古。今。中。外。之。亂。而。不。治。者。實。明。知。孔。教。爲。是。而。不。遵。而。行。之。所。以。亂。也。若。遵。孔。教。統。上。下。朝。野。身。體。而。力。行。之。仍。復。亂。而。不。治。未。之。有。也。方。今。亂。象。已。達。極。點。商。民。何。辜。遭。此。橫。暴。誠。由。不。知。孔。教。爲。何。物。者。致。此。禍。也。謹。合。詞。公。懇。毅。然。定。孔。教。爲。國。教。飭。令。天。下。一。體。遵。行。其。違。背。者。不。過。少。數。之。人。不。足。慮。也。請。亦。不。必。加。之。罪。彼。旣。自。放。於。倫。常。之。外。亦。不。久。自。斃。而。已。亦。自。入。窮。途。而。已。奚。必。向。昏。瞶。之。人。徒。事。饒。舌。惟。有。懇。請。統。觀。古。今。

中外之治亂原因亟定孔教爲國教以求治安伏乞大總統毅然斷而行之則中國幸甚謹呈總理馮麟霈協理陶寶楨

孔教會四川支會請願書

孔教會四川支會全體代表曾學傳馬長卿等謹上書

參眾議院諸先生公鑒竊維古今中外政體雖殊非道不足以爲治道之大原出於天惟德與天合者爲能代天宣教求諸我國惟孔子是也中國尊孔教爲國教二千餘年雖專制之下猶獲小康以道雖未大行因國教之存而人心不亡故也今變專制爲共和則進小康爲大同此其時矣凡天下之言孔學尊孔教者無不以孔子之志爲志所謂大同者卽大道之行天下爲公是也夫天下非一人一家之天下孔子刪書斷自唐虞春秋始於文王終於堯舜皆主遜讓官天下之義也今旣破私爲公則純粹尊孔莫過於今議者乃疑孔教過於尊君隱助專制之虐不適於共和是未深明孔教之微言大義也更請卽春秋之義明之孔子之時周天子在上其作春秋乃託王於魯傳曰上無天子下無方伯有君而視爲無君所謂尊君者安在天王崩悉書天王卽位不書此何

也。天下大事。未有過於天子。卽位者。而概削之。豈無故哉。蓋不與天子之世及也。孔門師弟授受。必有口義。其後公穀之徒。不敢著此說於竹帛。畏時君也。而大義遂隱矣。然其義固可繹而得也。春秋於天子諸侯。卽位。概削而不書。特書衛人立晉。所以示萬世民主之義也。董仲舒曰。衛人立晉。美得衆也是也。桓六年經書曰。九月丁卯。子同生。傳曰。喜有正也。喜有正者。據亂世之義也。據亂世之義。傳正不傳賢。太平世之義。傳賢不傳子。餘不復書。子某生。春秋之微也。然則孔子志在春秋。卽志在公天下。其貶天子刺諸侯。討大夫之義。不可勝指。藉曰。尊君。不過以堯舜期其君。爲尊君。爲盡禮也。得其義者。惟孟子。故曰。責難於君。謂之恭。陳善閉邪。謂之敬。吾君不能謂之賊。又曰。我非堯舜之道。不敢以陳於王前。故齊人莫如我敬王也。此孔門尊君。惟一大義。孟子深得之。豈容悅一人。奴僕。忠信之爲尊君哉。孔父之正色立朝。仇牧之不畏強禦。苟息之不食言。人臣之義。固然。若徒人費。石之紛如。駢死齊襄之難。崔杼弑其君光。賈舉州綽之徒。殉難者十人。春秋皆擯。棄不書。以爲君之暱臣。逢君之惡者也。孔子尊君之義。固有大焉者矣。非助人君私天下。爲己物也。知孔子尊君之義。則猶難乎。爲君者。蓋必法堯舜之

德之公而後可。孔子曰：大哉堯之爲君，惟天爲大，惟堯則之。君哉舜也，有天下而不與此孔教之義。江漢秋陽，一私不滓，昭然懸諸天地而不刊者也。夫豈一人之私言哉？竊以爲欲維共和，斷非尊孔教不可。今吾民國誠尊孔教爲國教，則吾四萬萬人皆孔教之徒，皆崇信孔教法。堯舜公天下之大義，有敢以中華民國爲一人一家之私產者，卽爲叛教，卽爲叛國。我中華民國四萬萬人得羣起而誅之，人之所棄，卽天之所絕。族姓斬滅，祖宗墳墓不保，求如滿清皇室萬不可得。此中智所不肯爲，而謂賢智出衆者爲之乎？辛亥推翻清室，豈惟是革命黨之力哉？抑人心大同有以致之也。今如必欲違衆逆天，毀教使人心盡喪，嗜利亡義，率獸食人，吾國人必無噍類。又安有權利之可爭？孟子云：是非之心，人皆有之。此關吾國生死存亡，故不憚同聲號咷，涕泣進言，伏乞諸君子一乃心德，抗議不回，代表全國人民志願，力白憲法委員會務上，順天命，下叶人心，決定尊孔教爲國教，著於憲法，昭示萬世，以奠國命。或疑與信教自由抵觸，不知國教以定一尊，人民有信他教者，亦聽固無抵觸也。此四垓民族之忱，不達不止，謹此叩心瀝血，合辭請願，無任寤寐瞻禱，激切待命之至。

本會特別告白

敬啟者。本會開辦以來。一切經費。皆由發起人自行籌措。其樂捐諸君。亦皆與本會直接。從未有在外集捐之事。頃因滬上有中國儒教會及寰球尊孔總教會兩種名目。頗有人誤認爲與本會有關涉者。故特登報聲明。本會係獨立機關。與滬上各種名目近似之會。俱不相涉。此佈。

孔教會謹啟

公電彙誌

武昌黎副總統贊同爭定國教并請通令學校祀孔電

北京大總統鈞鑒。國務院參衆兩院。孔教會各省都督護軍使民政長。均鑒。尊孔一案。元洪曾於九月青電贊成。計已達覽。近因憲法草案。竟予否決。各處續電力伸前議。莊誦再四。足見衛道翼教心理所同。夫皎日明而燭火斯熄。正學倡而危言自消。祀孔配天。實爲國家萬年根本。至計擬請大總統於憲法未定以前。通令京內外各學校。凡習漢文者。每屆上學放假期前。一律設位崇祀。俾昭宗尙而樹風聲。管蠡所及。亟盼頒行。黎元洪青電。

武昌夏民政長致本會之通電

北京大總統。國務院。參衆兩院。教育部。孔教會鑒。竊維民國肇建。時歷再期。名爲共和。實自私自亂。邪說爭鳴。暴行肆作。攫利競權。植黨自固。作奸犯刑。罔敢致罰。謀逆倡亂。視爲當然。開國之初。遭茲烈禍。洪水猛獸。未足比倫。推原禍始。曰維道德墮落之故。道德何以墮落。曰維黜孔廢經之故。在昔前清季年。士安頑錮。罔矚外情。達識之士。稍稍

輸入歐美學說。藉祛障礙。新幟旣張。舊防全潰。厭故喜新。矯枉過直。淺豎狂徒。膚附歐俗。土苴聖言。販從泰西。則雖砮亦玉。產自中國。則雖粟亦粃。一士倡率。羣盲景從。泊乎民國。益肆披狂。遂欲舉我數千年深入人心之孔教。芟夷蕪崇。弗使能殖。泯泯焚焚。以有今日之亂。循是以往。彝倫攸斁。廉恥蕩然。種滅國亡。寧能幸免。故今日欲遏亂萌。必崇道德。欲崇道德。必尊孔教。此斷斷無可疑者。今孔教會諸君子。請願兩院。定孔教爲國教。各省都督民政長。致電贊同。蓋均欲闢卮言。尊崇正教。議院諸公。宏才達識。代表國民。抵障橫流。實肩鉅責。希正式通過。此案垂爲憲典。以正人心。奠國本。拒邪說。救顛危。此非孔教存廢問題。實民國存亡關係。聊貢愚忱。伏希採納。鄂民政長夏壽康。印。

濟南靳都督田民政長復本會電

北京孔教會鑒。東電祇悉。憲法草案。紕繆多端。已於上月卅日。通電全國。並請中央。取銷此次草案。另行組織起草會。重訂良美憲法。以固國本。特覆靳雲鵬田文烈江印。

福建孫都督劉民政長請明定國教致兩院電

北京衆議院參議院均鑒。立國根本。端在人心。而培養人心。使依一定程式。而發達國

教之功至偉。至著。春秋之季。挺生聖哲。創立教宗。垂數千年。蔚成我國風俗之美。秩序之良。不獨爲我國人自誇羨。卽外國哲學政治各大家。亦莫不交口稱頌。然孔教入人之深。雖由聖道化崇。亦因漢武罷黜百家。專崇孔道。而後人心早定。教澤覃敷。晚近以來。信仰式微。始則務名棄實。繼更賤近貴遠。人心無範。如決隄防。道德淪喪。根本傾搖。顧念前途。曷勝岌岌。非於憲法上。明定孔教爲國教。恐不足以固人心。而維大局。諸君碩畫遠謨。諒已早見。及此道仁等。景企宮牆。關懷時局。私心怦怦。不能默爾。謹此布臆。敬惟察照。福建都督孫道仁。民政長劉次源。感印。

福建都督孫民政長劉復本會電

北京孔教會鑒。電悉。已電兩院力爭。仍希尊處嚴毅。進行。福建都督孫道仁。民政長劉次源。東印。

杭州朱都督國教否決後覆本會電

北京孔教會鑒。瑞夙主以孔教爲國教。前月曾首先電國會。並通電各省。諒邀台覽。茲接尊電。良深感喟。應請貴會力向國會請願。並附鄙名。以修大教。而正人心。朱瑞有印。

南京張都督爭定國教致本會之通電

北京大總統。國務院。參衆兩院。孔教會。武昌黎副總統。各省都督民政長。各鎮守使。宣撫使均鑒。前讀滇省謝都督李民政長洽電。發起孔教會於孔子之教。闡發無遺。至深佩仰。伏維我孔子道冠百王。師表萬世。爲生民所未有。集羣聖之大成。二千年來。釋奠臨雍。垂爲鉅典。前清之末。且升爲大祀。凡以定國本。正人心。樹名教之大防。息詖邪於叔季也。近世泰東西學說多所發明。而推崇孔道。曾無異議。雖歷代不以國教名。而其淪浹人心。彌綸宇宙。固已莫能兩大。確定一尊矣。民國成立。謬說爭鳴。一般莠言亂政者流。不惜破決藩籬。墮壞禮教。以遂其非聖無法之奸謀。深識之士。怒焉憂之。際茲共和肇建之初。實爲民國存亡所繫。爲一世人心計。爲萬古綱常計。愚意以爲發起孔教會。固徵提倡之苦心。何如卽定孔教爲國教。尤堪範圍於不過。夫西教如基督。猶動歐美之尊崇。異教如釋道。尙啓愚民之觀感。豈有我孔子如日月經天。江河行地。而仍有稍滋疑慮。自外生成者乎。頗聞二三不逞之徒。蟻視聖經。妄持異議。實爲人道之公敵。名教之罪人。凡含生負氣之倫。所宜鳴鼓同攻。逆之夷狄。其惑於新說者。或以爲有礙。

信教自由。不知尊孔。教爲國教。不過示天下以模範。非強天下以必從。其與信教自由。毫無窒礙。伏冀大總統主持於上。參衆兩院共表贊同。海內憂時之士。同聲倡導。以端政本。以定人心。以立邦基。以存國粹。不勝馨香禱企之至。張勳卅一印。

直省劉民政長請定孔教爲國教通電

北京大總統國務院參衆兩院武昌黎副總統各省都督民政長各軍使各報館均鑒。前以民國憲法請採用孔教會請願書。定孔教爲國教。仍許信教自由。於對內對外均無窒礙。於九月有日電詳陳在案。今悉憲法委員會否決。天主耶穌各教會佛教總會亦同時馳電反對。以約法信教自由之條文。慮於震動一時之耳目。轉以引起教爭之漸。其說雖辯。殊不適於中國。竊謂我中華爲五千年古國。其間易姓改物。史不絕書。獨尼山一席經漢。初特定一尊。以來雖極六朝五代之陷溺。糾紛卒以由亂而入治者。莫不根本孔教。爲入手整理之方。是君主爲我國之客體。孔教實爲我國之主體。客體可因時適變。主體動搖。則國命隨之矣。近人創爲國魂之說。孔教實爲我國之靈魂也。今且設言約法所定。與各教之反對國教者。一旦竟成爲實事。試問政府之發號施令。冀

浮動之人心。漸歸靜謐者。以何者爲標準。教育爲新國首要之圖。凡倫理修身各科。以何者爲方針。孜孜求治而茫然不得。所憑依困難有百倍于今日者。此就行政一方面言也。至于社會之中。窮其流弊所極。其素不知有教者。平日尙謂孝弟忠信禮義廉恥。須人人共由束縛於名義。尙不敢顯然背之。今既不以爲國教。則任擇一術以自便。無所忌憚。野心勃發。法律不足以懾之。致暴民且徧天下矣。其本奉各教者。勢必因既無國教。甲教與乙教各思擴充勢力。乘機而攫羣無知之傾向。尤可慮者。蚩蚩之民。平時皆不知孔教之精義。今以不定國教之故。轉謂我歷代尊崇之孔子。爲他教排擠。失其尊嚴。蘊積於心。尋成衝突。海內外桀驁之徒。其手段亦何所不至。安知不利用此忿忿不平之氣。開釁他教。力遂其傾覆神州之計。是但言信教自由。名爲弭爭。其實啓爭也。不僅此也。自國教名詞發現以來。各省官吏。各省議會。電請明定國教。各教團體。電請信教自由。不定國教。二者比較。果孰居多。孰居少數。如仍約法所規定。他教固無詞矣。試問自具熱心擁護中央合力革除匪類之各界首領。羣以明定國教爲蕩滌瑕穢。刷新庶政之首務。以經驗之人作籲請之舉。呼號迫切。平時力竭聲嘶。一旦付之無

效。離心解體。勢有必然。誠不知操政柄者將何以善其後也。有清統治二百餘年。崇祀孔子。固極隆重。而蒙回各屬所信仰。既未嘗干涉。新舊教東漸以來。近數十年。亦明定保護辦法。實已隱成一奉孔教爲國教而不禁信仰自由之局。何以前代行之而大相安。民國仍之而頓生危險。此可深長思也。爲今之計。惟有請大總統採用前電。定孔教爲國教。而並許信教自由。咨交兩院列入憲法。而後條文之下。特別說明加入凡行政司法立法各院分。無論何教之人。概準選舉任用。各法所規定。並無歧視字樣。如此則權利義務五族同等。於共和國體似無違礙。否則流弊所極。必有如上所陳者。有一於此。國將不國。民國現當何等時代。願我孔教非孔教之徒。力顧大局。毋徒危言聳論。作意氣之爭。則民國其庶幾乎心所謂危。不敢不告。盡情披露。伏乞公鑒。署直隸民政長劉若曾叩。蒸印。

粵都督龍民政長李復本會電

北京孔教會公鑒。馬電悉。國教尊孔。前經光等通電贊成。兩院當能主持公論。粵都督龍濟光民政長李開侁印。

粵都督龍民政長李致本會之通電

北京大總統國務院參衆兩院孔教會武昌黎副總統各省都督民政長均鑒尊孔教爲國教光等前電贊成近讀孔教會東電發揮透闢實獲我心敢請重伸前說竊爲孔道至大貫徹天人舉凡宗教政治倫理學術無所不包對於個人家族社會國家罔能或外固非修身一科所能盡亦豈教育一事所能賅故必定於一尊始能舉其全體中國重道崇儒久已垂爲憲典服從孔教全國一致雖不以國教定名而國與教相維係於不敝無有異議若今日則邪說橫流人心不軌竟有毀滅孔教之舉動苟非確定爲國教則孔教日以湮沒而上無道揆下無法守國亦將隨之淪亡此係民國根本至計不僅爲孔教作干城如謂礙於信教自由此尤無庸過慮蓋尊孔教爲國教者示天下以模範非強天下以必從於明定國是之餘仍不背大道爲公之旨正式政府甫奠初基海內喁喁樂觀新政此爲下手第一要着大總統爲全國元首兩議院代表輿情必能毅力主持有以副中外之望也廣東都督龍濟光民政長李開侁青印

粵西都督兼民政長陸致本會之通電

萬急北京大總統。國務院。各部長。孔教總會。武昌黎副總統。各省都督。民政長。省議會。報界公會。總商會。公鑒。近准孔教總會函電。憲法委員會。否決孔教爲國教。實堪痛憤。夫憲法爲國家根本大法。卽爲國家生死存亡所關。而孔教之爲國教。尤爲我國生命所係。此事前經孔教總會代表全國。請願兩院。榮廷亦專電請求。以表同意。而各都督。民政長及各界熱心諸君子。函電交爭。實已昭如日月。足見人心不死。此理大同。此我國五千年之歷史。冠絕世界。而震鑠於古今。其綿綿延延。經無量數之推殘剝劫。而一綫不絕於今者。惟孔教是賴。乃民國初造。竟有此喪心病狂。滅絕天理之妖孽。引斧自戕。惟恐國命之不絕。陰賊險狠。其罪直浮於亂徒。况其他憲法各案。本暴民專制之手段。橫肆蹂躪於行政特權。不一而足。危害國本。此而不爭。必無共同生活之日。榮廷決選派專員赴京抗議。務達初心。伏望諸公。念大義之乖離。痛微言之垂絕。派員贊助。共挽天常。以續國命。廣西都督兼民政長陸榮廷叩。庚印。

廣東教育司暨各團體力爭國教公電

北京分送大總統。副總統。國務院。教育部。參衆兩議院。孔教會。並轉報界均鑒。定孔教。

爲國教。京外同心於信教自由。實無妨礙。憲法委員會否決。萬難以少數人代表全國。應請大總統副總統各政界主持。兩院議員力爭。明定孔教爲國教。以慰衆望。廣東教育司李翰芬。粵東廣仁善堂。愛育善堂。廣濟醫院。惠行善院。方便醫院。崇正善堂。述善堂。明善堂。潤身社。廣州總商會。粵省維持公安會。粵省商團。自治研究社。迴春善院。誠德善堂。崇本善堂。廣化善堂。復初善堂。方便醫所。庸常善堂。仁濟留醫院。廣東機器總會。孔教會粵支部。壽世善堂。廣東教育總會。七十二行商。

黔議會請保存國教電

北京參衆兩院鑒。副總統青電。請以孔教爲國教。宏論卓議。於人心世道。大有裨益。與本會之宗旨。不謀而合。前本會已將所主張者。咨請黔政府。轉呈中央政府。保存國教。在此一舉。務乞諸公提議。通行。不勝盼禱。黔議會叩。刪印。

皖省議會請憲法仍定孔教爲國教電

北京大總統參衆兩院鑒。吾國教統。係出孔教。繇延二千餘年。炳若星漢。有中國必有孔教。不徒爲國民公認。卽西儒之通中學者。猶且景仰不遑。直認孔教爲中國之代表。

國人方將昌明教育。漸被五洲。冀上符大同之盛軌。乃聞憲法委員會有否決孔教爲國教一事。江漢朝宗。罔知歸宿。拂國民信仰之途。啓種族淪胥之漸。關係實非細故。竊願明達賢俊。察全國心理之同定。宗教範圍之準。制定憲法。仍以孔教爲國教。俾奠國本。而正民趨。此外仍聽民信教自由。以期並行不悖。實爲民國之幸。安徽省議會議長呂志元。趙繼椿等。漾印。

新省議會復本會電

北京孔教會鈞鑒。來電敬悉。已據情向兩院力爭矣。至派員來京請願一節。路遠天寒。舟車不便。恐難如命。伏惟見原。敬覆。新省議會微印。

粵東教育會請維持國教電

北京分送教育部。參衆兩院。孔教會鑒。國必有教。中國數千年。服從孔子。久成國教。今聞否認於人心。風俗爲害甚大。本省學界公議。請極力維持。廣東省教育會長會員同叩。

粵西教育會請修正憲法確定國教電

北京大總統。國務院。參衆兩院均鑒。定孔教爲國教。並不妨害。信教自由。全國翕然。已無間言。谷鍾秀等。獨執私見。貽誤蒼生。莫此爲甚。務懇設法。將憲法原草修正。確定國教。正人心。以樹國教。不勝盼禱。廣西教育會叩青。

廣州兩報記者力爭國教電

北京大總統。國務院。參衆兩院。各報館鑒。憲法會否決孔教爲國教。大違民意。非孔教。莫保國。誓死力爭。廣州商權報總商會報記者譚頤年。葉翰華。陳平伯。蘇其澍。劉庸尙。劉少平等叩篠。

成都總商會致本會之通電

北京參衆兩院。孔教會鑒。中國以孔教爲國教。梁嚴諸君所議甚當。希一致主張。成都總商會敬叩。

廣州總商會維持公安會致本會之通電

北京袁大總統。國務院。參衆兩議院。商會聯合會總事務所。孔教會均鑒。定孔教爲國教。至當不易。敝會等全體贊同。乞兩院表決。聯合會協爭。以正風俗。而繫人心。廣州商

務總會粵商維持公安會同叩。儉印。

上海旅滬華商維持會公電

大總統。國務院。參衆兩院。各報館均鑒。憲法起草會否決定孔教爲國教一案。違背人民心理。決不承認。商等讀孔子書。守孔子教。卽營業上之道。德信用。無不藉孔教爲維持。不忍使吾民爲無教之民。吾國爲無教之國。伏乞參衆兩院。確定孔教爲國教。以維國本。而慰民望。旅滬華商維持會公叩。

上海總商會請仍定國教電

北京大總統。國務院。參衆兩院鑒。粵魯蘇浙等省商人。聲稱憲法起草會否決孔教爲國教一案。仍請定孔教爲國教。以維國本。除具請願書外。謹達上海總商會叩冬。

旅澳門華僑全體請確定國教電

北京大總統。國務院。參衆議院。報界同志會。孔教會鑒。北京憲法委員會否定孔教爲國教。違反人心。不足代表民意。乞主持公論。勿徇少數人私意。確定孔教爲國教。以繫人心。而維世道。用慰旅澳華僑及四萬萬同胞愛教愛國之切盼。旅澳門華僑鄭莘農

暨全體叩蒸。

高要議會請速定國教電

北京大總統。國務院。參衆兩院。報界公會。孔教會。鑒。反對孔教爲國教者。欲潰教化之大防。陷中國于禽獸。請速定孔教爲國教。則人心不死。中國不亡。高要縣議會文。

佛山鎮議會力爭國教電

北京分送大總統。國務院。參衆兩院。教育部。孔教會。均鑒。定孔教爲國教。敵鎮三十餘萬人民。贊同乞力。爭以崇正學。廣東佛山鎮議會正議長黃秉鈞。暨全體同叩。

合浦議會斥反對國教電

北京大總統。國務院。參衆兩院。鈞鑒。海內人士。提倡孔教。世道人心。此其挽救。何物黃霄九。陳垣。竟敢通電反對。喪心病狂。惑世誤民。請速明正典刑。以謝天下。廣東合浦縣會議長宋鈞叩感。

曲阜各界力爭國教電

北京大總統。參衆兩院。鑒。通國尊孔二千餘年。請以國教訂入憲法。國民同意修身教。

育。烏能盡之。少數委員。違衆專斷。人心未死。誓共力爭。伏候賜察。曲阜孔教會自治會。勸學所。商會。農會。尙實社。各團體同叩齊。

上海本會會員駁斥憲法否決國教電

北京大總統國務院參衆兩院鑒。國教否決。人心無主。滅國亡種。誰生厲階。反對者謂孔教源於堯舜文武。慮一定國教。帝政復興。不知基督教不廢。所羅門書。穆罕默德且身爲帝者。旣成宗教。何嫌何疑。又謂孔主忠恕。慮不忠恕。有違憲法。不知國教示一種信仰標準。與規定人民從事公職受普通教育正同。今人民亦有不願從事公職受普通教育者。謂妨違憲。寧復可通。至各教恐國教確定。奪彼自由。紛紛請願。則同人請定國教未嘗不許各教信仰自由。道本並行。爭何由起。孔教無強迫各教服從之理。各教又安可存破壞孔教之心。要之憲法當順民情。根歷史。孔教爲吾固有國教。拔本塞源。終必受禍。請詳討論。勿徇感情。滬孔教會姚丙然張爾田等叩。

浙支部請國教仍行規定電

北京大總統國務院參衆兩院鑒。起草會否決國教。羣情憤極。主體客體。當然對待。約

法。信。教。自。由。未。著。廢。棄。國。教。條。文。參。照。各。國。憲。法。自。應。正。式。規。定。誠。知。無。主。乃。亂。豈。能。聽。客。所。爲。國。尙。留。有。主。權。教。亦。宜。有。主。位。國。苟。無。教。國。且。不。國。悚。切。上。言。伏。乞。鈞。察。浙。江。孔。教。會。聯。合。部。汪。嶽。孫。樹。禮。暨。全。省。支。分。會。叩。

上海支分會請維持國教電

北。京。參。衆。兩。院。議。員。公。鑒。國。教。否。決。違。反。民。意。蔑。我。同。胞。此。種。憲。法。誓。死。否。認。請。力。爭。維。持。上。海。孔。教。支。分。會。同。叩。

金壇支會請力爭國教電

北。京。參。衆。兩。院。議。員。公。鑒。孔。教。爲。中。國。立。國。之。本。國。教。否。決。大。背。民。心。蔑。視。先。聖。此。種。憲。法。殊。駭。聞。聽。寧。死。否。認。懇。力。爭。金。壇。支。會。叩。感。

麗水支會請力持國教電

北。京。大。總。統。國。務。院。參。衆。兩。院。鑒。孔。教。國。脈。所。關。望。定。國。教。若。早。望。雨。國。教。否。決。害。貽。學。術。禍。及。生。靈。請。力。主。持。以。維。大。局。浙。江。麗。水。孔。教。會。縣。議。會。全。體。公。叩。

澳門支會請維持國教電

北京參衆兩院。憲法委員會。報界同志會鑒。憲法委員否決孔教爲國教。拂民意。亡國本。誓死否認。乞維持。澳門孔教支會會長潘柏泉。鮑少勤。暨全體呈感。

安慶支會請以國教仍列憲法電

大總統。國務院。參衆兩院鈞鑒。中國以孔教爲國教。傳二千餘年。率土同聲。兩球共仰。民國初建。當然列憲法。茲聞憲法委員否決此議。大拂羣情。仍請定入憲法。奉爲國教。以符全國心理之同。無任懇禱。安慶孔教支會印。

佛山支會請仍定國教電

北京分送大總統。國務院。參衆兩議院。孔教會。報界鑒。中國尊孔二千餘年。儼成不成文之憲法。今聞否決。國粹淪亡。本會成立已逾五載。義難緘默。謹電請定孔教爲國教。以重輿論。廣東佛山孔教會黃伯偉。潘伯彤。郭東白。溫幹卿。任燦樞。黎煥庭。陳芹浦。黃兆芹。王耀川。梁星河。孔舜卿。張鐸夫。勞紫宸。羅挺生。李濟川。葉星河等叩。

南昌支部舉代表到京會商請願電

北京孔教會公鑒。電悉尊孔爲國教。全國風同。憲法委員會否決。不知据何理由。已請

吳君伯琴爲代表來京會商請願贛支部叩漾

桂林支分會力爭國教電

北京大總統國務院內務部參衆兩院孔教總會鑒聞憲法委員會否決國教羣情駭異民國成立以來道德墮落風俗頹壞寢成無教之國凡有知覺輒懷隱憂諸公明達應早籌及務乞定爲國教以維國本而定人心除舉代表龍澤厚君到京請願外臨電惶急淚與血並孔教桂支會暨各分會叩卅

粵西支會請仍定國教電

北京大總統國務院參衆兩院鈞鑒立法之道貴順輿情我國奉孔教爲國教著之令典二千餘年一旦悍然廢之後生小子頓失典型勢將放任於平等自由馳騫於公妻均產五倫大紊四維不張社會興戎家庭革命其害有不忍言者是今日制定憲法自宜規定孔教爲國教以保黃種之元精而存中華之國性乃憲法起草員谷鍾秀等故違人民公意大反立法原則設使原草通過國亡種滅卽在眉睫伏乞代議諸公留意幸察大總統國務院堅持到底務定孔教爲國教以絕教會之戰爭中華幸甚黃種幸甚

甚。孔教會廣西支會叩。

重慶各界力爭國教致本會電

北京國務院。參衆兩院。孔教會鑒。孔教之在天下。如日月經天。江河行地。萬古不可磨滅。歷朝紀綱不墜。全恃有此。乃人方尊崇於無上。我願悖謬而紛馳。午夜捫心。能無汗下。民國新造。大經大法。須垂萬世典型。諸公學有本原。決不爲晚近浮言所撼。如狂悖之徒。堅持異說。全國人民當誓死力爭。務望推崇孔教。匡正人心。以維國本。無任叩禱。重慶總商會。城會。縣會。農工會。公叩。漾印。

黃汪波致本會之請定國教電

北京分送大總統。國務院。孔教會。全國總商會。報界公會。鈞鑒。孔教爲中華國教。衆論僉同。千古不易。近閱報章。載有憲法會員喪心病狂。竟敢否決國教。得罪民國。流毒後世。憤極懇請大總統。明定條例。通飭各省。以孔教爲國教。民國幸甚。伏思大總統爲開國第一大總統。從此扶名教。正人心。一切功烈。當與華盛頓齊名。爲此電呈。不勝迫切待命之至。廣東番禺黃汪波叩。

內江明聖進化會致本會電

北京孔教會鑒。孔爲國教。實要政。極端懇再。同促請務達目的。內江明聖進化會皓叩。

恭城支會來電

北京大總統。內務部。教育部。參衆兩院。孔教總會鑒。孔教關係民國前途。如否定爲國教。殊危險。請維持孔教恭城分部叩。

蒼梧支會來電

北京大總統。國務院。內務部。參衆兩院。孔教總會鑒。請速定孔教爲國教。以順輿情。廣西蒼梧孔教支會叩漾。

日本東京支會致參衆兩院電

參議院衆議院諸公鈞鑒。請定孔教爲國教。載諸憲法。係全國多數人主張。非此無以正人心。定民志。固國本。憲法起草委員會雖否決。尙未經兩院通過。迫請大力維持。無任籲禱。孔教東京支會。

文苑

覆袁大總統電文

南海康有爲 更生

袁大總統鑒。亡人負罪。久播異域。有母八十。莫奉尸饗。遂竟見背。永維哀悼。崩摧肺肝。過承厚賻。感刻不任。匍匐奔喪。未及言謝。途次得門人梁啓超電。轉述尊意。拳拳故人。歸國則待以特殊之上位。還鄉則代籌警備之未周。昨抵香港。又接須磨寄來東京使館轉明公冬電。隆文稠疊。辱以蒲輪。召還蘇武。傷其去國之久。訪於箕子。本無陳疇之材。斬然衰絰。不入公門。母死。謂何敢有他志。加以兩世之先塋。被掘廿年之遺骨。須收痛絕。撫棺并陳新舊。悽涼營葬。難返鄉閭。重以寡姊六十。病乳三載。沉綿床褥。天忽朝夕。是以魂魄飛越。豈知人世。固無心預聞。政治難補。涓埃更末。由北首燕路。上承明問。伏望明公幸垂矜原。若夫大教淪胥。人心陷溺。則中國可亡。而種族隨之。實爲遂古所無之變。同於金甲無避之義。他日誓墓。餘生未忘扶持所至。託於徇鐸尊聖衛道。想公同心。冀公援手。聖教幸甚。稽顙鳴謝。康有爲叩文。

文苑 湖南孔教會致湘督函

湖南孔教會致湘督函

衡陽王湘綺

啓者。中國文教。昌明開化。最先惟我孔子。師表萬世。其道如日月江河。其言如布帛菽粟。固無須別闢蹊逕。創立名目。如他教之奔走號呼。乃能得國人之信仰也。但世衰道微。羣言龐雜。入主出奴。莫知其非。漸而敗壞人常。俶擾天紀。變本加厲。安有紀極。本會怒焉。傷之。爰開會集議。以爲國教。事無小而。不謹言有大。而非夸俾承學之士。知所依歸。亦卽古人敬業樂羣。以友輔仁。義也。查近日各省立有孔教會。以發明聖學。救濟社會。爲宗旨。繫我南邦。夙傳北學。丁茲時局。弘道在人。茲就長沙府學宮。設立孔教會。維持名教。矜式國邑。相應函請。通令各屬。切實提倡。保護庶使人心。世道不無裨益。至紉公誼。

本會紀事

總會

本月二十六日下午二時。本會在事務所開會推舉會長。先由李君文治朗誦中庸。唯天下至聖。至故曰配天。以爲頌聖。次由陳君煥章宣佈會長所應具之資格。一道德。二學問。三閱歷。四聞望。所謂道德不獨私人之道德。必須有任道之熱力。救世之氣魄。而學問閱歷尤須博通。諸教淹貫。中西其聞望亦必須爲中外人士所敬仰者。方爲合格。自孔教會發起以來。會長一席久已屬意於康南海。闕里大會之時。亦經詢謀僉同。今日南海已回國。各處紛紛來信催促早日舉定。以慰衆望。爰於今日開特別會。以徵求同意。云云。於是全體一致皆贊成舉南海爲會長。乃即擬發電稿。其文曰。香港亞賓律道三號南海先生鑒。本會會長非先生莫屬。現已開會舉定。乞早來京主持一切。孔教會叩。梗從此本會之進行當必一日千里矣。又是日並議決將本會雜誌移至北京出

版。庶。總。會。便。於。管。理。且。總。編。輯。陳。君。煥。章。方。在。總。會。若。在。滬。出。版。亦。殊。難。兼。顧。因。凡。編。輯。諸。君。皆。全。盡。義。務。者。宜。聚。居。而。不。宜。散。處。庶。力。量。較。雄。厚。也。

康。南。海。既。接。本。會。公。電。當。即。覆。電。允。爲。擔。任。會。長。電。文。另。載。通。信。門。同。人。奉。悉。莫。不。深。佩。南。海。任。道。之。熱。忱。焉。

自。憲。法。起。草。委。員。否。決。國。教。全。國。民。心。大。憤。除。贛。桂。兩。省。支。會。各。舉。代。表。來。京。力。爭。外。河。南。廣。西。皆。派。專。員。到。京。維。持。國。教。于。是。同。人。集。議。謂。宜。通。電。各。省。催。派。代。表。衆。推。陳。君。煥。章。擬。稿。其。文。曰。武。昌。黎。副。總。統。各。省。都。督。民。政。長。鑒。國。教。事。蒙。諸。公。大。力。提。倡。至。佩。盛。德。頃。汴。省。代。表。史。教。育。司。寶。安。王。紳。士。傑。桂。省。代。表。朱。觀。察。使。爲。潮。汪。君。德。溥。先。後。抵。京。力。爭。國。教。贛。桂。兩。省。支。會。亦。已。派。出。代。表。諸。公。扶。翼。聖。教。早。表。同。情。請。特。派。專。員。共。策。進。行。或。命。駐。京。代。表。兼。任。其。事。亦。甚。簡。便。本。會。漾。日。開。會。舉。定。康。南。海。爲。會。長。經。接。復。電。承。認。乞。諸。公。極。力。贊。助。并。轉。孔。教。支。會。聖。教。幸。甚。中。國。幸。甚。孔。教。會。叩。魚。同。人。核。閱。後。當。即。由。陳。君。照。發。矣。

曲。阜。爲。吾。國。聖。地。故。本。會。特。于。該。處。分。設。機。關。直。隸。于。總。會。名。曰。孔。教。總。會。曲。阜。事。務。

所以示隆重曲阜人士以張少軒都督保護林廟卓著大功特推爲名譽會長總會昨接張都督由南京來電云北京送曲阜孔教會鑒公函敬悉曲阜設總會事務所公等首任發起熱誠毅力欽佩良深謬推動爲名譽會長雖自媿弗勝然不敢不勉副厚望京師孔教會已推許君鼎霖爲江蘇代表特聞張勳齊印總會當即將該電轉達曲阜矣曲阜孔教會定期十一月望日開成立大會會請陳君煥章屆期赴會陳君以事務太繁不能出京函請孔君祥霖代表總會從此聖地之靈光益增赫奕矣

正誤 第九號雜誌孔教會續定章程第四條支會聯合部之丙項應云

支會聯合部之地位介於總會及支會分會之間一方面爲總會之代理一方面爲部內各支會之領袖不必另設機關即附設於最重要之支會內由

該支會兼辦之

原文將一方面以下說排印於丁項之後

此條正誤關係重要特附記于此

天津支會

高君在璞於天津辦木鐸報純以鼓吹孔教爲職志現發起支會即以木鐸報社爲籌

備。事。務。所。其。章。程。有。云。會。員。中。有。購。閱。木。鐸。報。者。提。取。該。費。三。分。之。一。充。會。中。經。費。其。爲。義。可。見。一。斑。該。處。支。會。前。由。顧。君。根。道。發。起。以。旭。街。二。十。九。號。爲。事。務。所。今。合。併。爲。一。進。行。尤。易。也。

寧河支會

王君鴻年現任直隸寧河縣知事。曾致書本會云。孔教會承諸先生苦心組織。得以成立。海內人士莫不聞風欽佩。敵邑雖小。亦擬立支會。惟章程尙未得悉。懇請惠假數份。以便遵循。并希速爲寄等語。當卽照來函寄去矣。以一邑之長而首先提倡。其會務之發達。可斷言也。

保安支會

直隸保安其俗於舊歷八月二十六七日。有燈社之舉。邑人莫不歡欣鼓舞。羣聚而慶。祝聖誕。該縣議會諸同志及時號召士民。設立孔教支會。已索取章程以爲依據矣。

長垣支會

自總會移至北京後。直隸各縣聞風興起。設立支會者甚夥。長垣支會亦已成立。昨接

該會來函已舉定穆嗣修唐錫麟兩君爲正副會長云。

雲夢支會

會員許君昶由京回雲夢後有函到會略謂在鄉父老前述本會國子監丁祭之盛咸嘖嘖稱道不衰立懇函索章程以便設立支會云想其成立當不遠矣。

邢臺分會

邢臺縮穀全趙畿輔文風素稱蔚起接高君祿等寄來簡章報告該處組織分會業已於十一月十六日成立舉定董君啓綏爲正會長楊君庚辰爲副會長評議八員文牘四員書記四員會計二員庶務六員幹事八員招待六員高君祿郭君鍾俊等則皆發起人也。

雙城支會

吉林雙城縣許君永福昨偕其同志高君琪入會並購買印刷物多份而歸聞將尅日舉辦支會云。

濟南支會

昨接孔君祥柯來函內述濟南支會業已成立舉定淳于君鴻恩丁君昌燕爲正副會長事務所於日內擇定再行報告云

濟南支會經孔君祥柯組織于十月二十二日開成立會已舉定淳于鴻恩丁昌燕兩君爲正副會長至十一月初五復開會推舉職員到會者百餘人會長淳于君鴻恩主席其時經學理學政學文學之選鄭淑寅范之杰吳桂華王曾裕徐亮羲張介禮孫積蔭張春海王澤同趙元璋許鐘璐張勛年管象賡諸君公推爲講習部幹事推行部幹事則公推孔祥柯張光第丁惟椽朱正鈞范鵬年宋志昌顏士勛傅隣安管象乾宋其忠李西成鮑雲墀王麟章劉綏忠王連芳欒振聲蔣鳳祥邵晉藩郭巨楷周啓昉辛德鳳杜拱辰于之鳳丁世曦諸君皆爲敷教養正執禮濟衆之選于君又兼書記庶務兼會計則推劉君炳文暫在濟南將軍廟街設立會所從此齊魯諸儒講經論道聲教洋溢非僅東省之光也

河南之部

武陟王君士傑學博行篤本會曾以籌辦河南全省支會之任託之已詳八號雜誌矣

此次與史教育司寶安同派爲河南代表來京爭國教本會以史王兩君皆中州之望特請其于維持國教之外早日將該省支會成立據王君稱張省長熱心衛道已約該省耆宿二十餘人爲發起孔教會之預備致可喜也史君以有教育司之官守不能久留京師以代表之任專託王君本會亦以王君在此一變已足而該省支會不容緩辦特請史君于回汴之日竭力提倡勿諉其責于他人蓋卽史君對張省長所謂職司教育昌明正學應負完全責任者也王君旣留京以爭國教則籌辦豫省支會之事匪異人任矣登高而呼應者四起將于史君乎見之

夏邑支會

河南夏邑爲先聖故址城北十餘里有孔子還鄉祠向列祀典近年來祭祀廢弛巽宮冷落學田十餘頃悉提入邑公款局以致殿廡頽敗牆宇傾圮荒草徧地瓦礫成堆有彭君慶麟者目覩心傷移榻文廟奉祀香火僱覓多夫力爲整頓于九月十六日召集同人開孔教支會一時到會者五百餘人並由該支會舉爲代表特來北京與總會接洽彭君約其同鄉二人同至總會縱譚甚暢將來文廟之修葺當必煥然改觀矣

西安支會

張君筠碧岑於數月前。曾由秦致電本會。發起人王君人文。采丞。索取本會章程。以爲發起支會之準備。茲本會接宋君伯魯。芝田。高君增爵。少農。楊君開甲。鼎丞。張君筠等。十月初四日。公函並各種文件。具知諸君。接到孔教會簡章雜誌等件。集合同志於教育總會。開茶話會。多次籌議支會事宜。各界無不極端贊成。遂得二百一十二人。同任發起。以文廟爲事務所。當八月二十七日。聖誕之辰。各會員慶祝。殷聯合詣。聖廟行三獻禮。彬彬稱盛。至九月初八日。開成立大會於文廟。政學軍警工商各界之到會者數逾萬人。正午振鈴開會。首由張翔初君率衆謁。聖禮畢。登演說臺。宣告開會宗旨。次由宋君芝田。請丁士哲君。宣告辦法。大端凡四。一講道化民。二拜聖讀經。三考禮正俗。四人民愛物戒約。凡三一不干涉政權。二不排斥異教。三不濫收捐款。衆推宋君芝田爲正會長。高君少農。楊君鼎丞。張君碧岑爲副會長。張翔初。張鳳崗諸君。以次演說。聽者咸爲之改容。簽名入會者一日之間。已達千數。有回佛道教中人及日本博士田資事。福秀雄兩君。皆欣然簽名入會。可謂極一時之盛矣。

湖南之部

長沙學宮及會所經譚都督縱容兵隊蹂躪不堪聞者無不髮指背裂茲接周君逸報告譚督去任湯都督接事孔教漸放光明前請提撥款項業已批准而內務司長任公尤爲極力提倡到任後即將長沙學宮戲園驅逐以肅宮牆對於該會則指撥從公地產數處其在長沙者以一半歸該會管理其在外縣者亦提一半開辦孔教分會嗚呼若湯任二公者洵可謂熱心以維持聖教爲己任者矣該會擬俟公款撥後先開辦孔教學堂一區以育真才并每日將本會所出雜誌中最緊要之事抄貼通衢俾一般普通人民咸知尊孔既有湘綺先生師表於上又有周君諸同志奔走疏附於下將來三湘七澤間自必聲教四訖也

四川中江廣福鎮分會

近接四川支會聯合部報告中江廣福鎮分會業已成立舉定正會長爲林君受山名有仁蜀中理學者儒年近八十素爲一鄉典型出而提倡一時入會者極盛云

贛州支會

接贛州報告該郡聞風興起嚮道維殷爰集同志組織贛州支會確定舊府學宮明倫堂爲會址業於八月二十七日聖誕節開成立會是日會員蒞會者三百餘人公舉劉君景熙爲總幹事員徐君永恆鍾君起衡邱君樹槐爲副幹事員宋君憲爲文牘庶務員當由幹事員率領衆會員詣聖位前行慶祝典三跪九叩禮畢來賓演說各校絃歌頗極一時崇拜之盛江西本爲王文成講學地今者聖教復昌流風餘韻誠足沾被於無垠矣

上饒支會

前由姚菊老介紹張君祖培入會張君送來上饒支會章程一冊云該處贊成設立孔教會者極盛即邀集同志發起組織十月二十五日業開談話會一次到者甚多則該會之正式成立當不遠也

豐城支會

自贛省發起支會四境聞風響臻豐城距省垣較近風氣開通最先由本社編輯黎君端甫交來該邑組織支會簡章定於十一月初三日假文昌宮開成立大會發起人則

楊啓濂。謝焜。丁方穀。楊慶。羅拱。李煥甲。黎春元。劉子鐸。黃聯甲。徐震福等諸君也。

蒙城支會

接黃君與綬報告。黃君自接到本會來函章程。卽約同于文斗。張桂萼。陸麟慶。吳汝玉諸君。發起蒙城支會。本年二月初二日。假黃宅開談話會。集同志二十一人。推定幹事。復以火星廟爲事務所。開臨時職員會。到者三十三人。至四月初八日。商請前知事卞君鐵生。親臨監督。在事務所開城鎮鄉全體大會。到者數百人。簽名入會者二百餘人。遂照章舉定于君文斗爲正會長。黃君與張君桂萼。鄧君鑑堂爲副會長。六月十五日。以文廟大成殿爲會所。開成立會。正擬籌畫進行。適值土匪陷城。今東南兵禍已平。爰招集同志於十一月十六日。在事務所開全體職員會。宣布聯合鎮鄉分職任辦法。以期推廣。聖教。黃君等組織斯會。閱一年之久。苦心經營。卒底於成。任道之勇。誠足佩也。

杭州支會

本月常會期。姚菊坡君赴杭開會。前日回滬報告。浙支部。兼杭縣支會。辦事處於九月間。遷入杭城運司河下省廟之尊經閣。閣凡三楹。上層皮藏書籍。皆昔年本省官書局

刊本雖曾駐有兵隊。未盡散失。暇當蒐補。保存下層。爲常會集議所。兩廊爲文牘招待餐宿等室。前爲明倫堂。堂宇閎敞。頗適會場。蓋杭會自成立以來。規模粗備焉。是可喜也。此次菊坡君在杭。因會事晤商朱介人都督。並晤屈文六省長。張詠霓_{司財政}。沈復生_{司教育}。兩司長。越日。省長特宴菊老於公署。優禮延接。虛懷咨訪。着核維旅。縱談極歡。都督於菊老往來稔。而省長則初見。今拳拳如是。扶翼聖教者。可以知所嚮往矣。

海寧支會

該支會前由杭會交際員朱謀丞君介紹組織。茲經杭會報告。該會於九月二十八日。借縣議會開成立大會。推定錢君選士。陳君汝聰。居君世昌。爲幹事。送來簡章。以總會爲依據。參照杭會量爲增減。悉臻妥協。將來承轉與浙支部聯成一氣也。

江山峽口分會

接江山支會報告。該邑南鄉各區。已成立峽口分會一所。由周鳳林王癸生羅會星劉邦榮周羽林王林諸君發起。北鄉西鄉亦同時着手組織云。

麗水北鄉分會

接麗水支會鄭君景翹十一月初一日報告。該縣北鄉。雖處山僻。村莊較多。信崇聖教。頗居多數。已邀集同志三十餘人。擇定桑溪莊舒氏宗祠爲地點。開辦孔教分會。當即公舉李國楨周觀成爲正副會長。其餘幹事評議調查文牘諸員。亦皆次第舉定云。

松溪支會

李君方茂。自福建松溪來書。言該處。同人均表同情。於本會。願設支會。擴充聖教。請給章程。云當即復書敬諾。

桂林支會

龍君煥。綸諸公。在桂林發起支會。于九月初六成立。茲將其職員列下。名譽幹事。爲陳炳焜、唐鍾元、金開祥、葉鏡湜、朱方輝、秦步衢諸君。幹事則爲龍煥綸、趙福保、金鼎辛、胡世仁、蘇繼軾、李芬華、萬發元、龍志澤、張德潤、秦度、秦志伊、陳智周、林燕瓊、龍鶴齡、曹向青、陳智偉、楊文青、古湘澄、莫家賢、陽煥章諸君。

昨接該支會來函。言名譽幹事金君開祥。捐資印刷陽明集中之傳習錄語錄。大學問三種。分送該支會各職員。暨在桂各校長及修身國文教員。以爲講習學之基礎。並

捐送十部於總會云云。本會同人經已如數收妥。不勝感謝。金君之實心實力也。夫講習必須有書。故每一支分會必宜附設一圖書館。規模不論大小。藏書不論多寡。但能經理得宜。積以歲月。則捐送與購置。將必燦然可觀矣。若金君之捐資以刻書者。其亦足以風世也哉。雖然。金君不自專其美也。篇首明標之曰。桂林孔教支會刷印。若金君者。其殆知有團體而不知有個人者乎。苟能做金君之意而推廣之。凡有善舉。皆冠以孔教會之名義。則孔教之大行。其效倍速矣。

全州支會

廣西全州支會於十月初二開成立大會。到者六百餘人。議定以教育會為地點。公舉趙君炳麟為會長。唐君三璣為副會長。唐三璣、趙世揚、王紹曾、馬重光、唐恩籟、唐蔭庭、曹澍、鄧聲揚、蔣謙、文炳、鄧應甲、劉藜照十二人為幹事。趙君以碩學重望。竭力昌教。該支會之發達。未可量也。

日本支部

東京支會。經留學諸同志創辦。以來蒸蒸日上。幾有一日千里之概。自國教否決。該會

卽聯合學界上書請願力爭茲接報告現定每星期日聘請品學兼優者講演聖經已於十六日開講擔任演講公羊春秋爲江西桂先生念祖學問道德冠絕一時該會每月支出款項均係馬會長慨行擔助熱心衛道尤足風也

費城支會

費城華僑向來熱心孔教該處組成孔教支會已於十月十九日開幕會員來賓序立向孔子聖像前行三鞠躬禮畢馮均翹君宣布孔教會成立理由乃合唱頌聖歌四章繼誦讚聖文(大學溥博淵泉一章)繼歌宗聖詩繼講學龔君強立講學而之首章講畢合歌學聖詩四章讀望道文(禮運大同章)一篇宣佈散會該埠自有孔教支會之發起卽得大多數人表同意是日開幕雖值來復日商界中之踴躍赴會者亦甚衆卽有事確不能分身赴會者亦欣然署名捐資以助飲興人心之齊一志願之宏大費城華僑誠高人一等故能與紐約孔教會先後輝映紐約孔教會固足自慰爲不孤卽各埠之聞風興起將與費城先後輝映者當必日有所聞矣

